

Jon

ndê ñawaê ñayham

Yom whê ñawaê ñayham dindéc sa-ña

Jon in Yisu ndê ñgacsêñomi 12 si dan, nan kêsêlêñ whin Yisu ma mbo whin in tòm in ndê bêc mbo nom-ña hon, ma bocdinañ dec ñgô yom hon nan in kêdôhôn ma gêlic gwelêñ nan in kôm. Yêc 13:24, 19:26, 20:2 ma 21:7, Jon to yom pi ñgacsêñom dan, nan Yisu atac whin ñandô. Lau daêsam sêñyalê bu yom dau hêganônñ Jon dau, magoc in tec bu tóc dau tiawê.

Lau ñatô sêsam Jon ndê bapia bu 'Buku Gêñ Dalô-ña,' bu in to yom pi gêñ dalô atu-tu nan Yisu kôm. In to yom pi gêñ dalô hon nan Yisu kôm, nan dom. In to yom pi gêñ nan bu whê Yisu sa bu Mesaya nan Anötô gic bata bu êñkin têtñ in ndê lau Israel-ña. Jon dau whê ndê bapia ñahu sa bocdec bu:

Yom pi gêñ dalô dindéc, nan yêc tu bu mac asam ma akêñ whin bu Yisu in Mesaya, Anötô ndê Atu. Ma tu mac akêñ whin in ndê ñaê-ña, dec mac oc atap señ ambo tamli-ña sa. (20:31)

Jon sam Yisu bu Anötô ndê Yom Dau nan mbo titêm-titêm, nan meñ ti ñamalac. In mbo whin Damba Anötô têtñ ñamata-ña, ma in Anötô dau (1:1). Bocdinañ lau nan sêñyalê Yisu tidônñ, nan gitôm sêñyalê ti sêlic in Damba dau whin (1:18; 8:19; 14:7). Jon tac whin bu lau nan sêsam in ndê bapia sêtáp señ dandôc tañli-ña sa. Ma señ dau datap sa yêc Yisu tawasê, tòm yom nan Yisu sôm pi dau, ma Jon to yêc (14:6) bocdec bu:

Aô tañwasêñ gati señ bu ñamalac sêtêtñ Damañ sêndi, ma señ dan yêc dom.

Yisu Kilisi ñahu

1 ¹Têtñ têtñ ñamata-ña nom sambuc dindéc mbasi, nan Yisu nan dasam bu Yom Dau, in mbo. In mbo whin Anötô, ma in Anötô dau. ²In mbo whin Anötô têtñ têtñ ñamata-ña. ³Gêñ hon nan yêc, nan in dau kêtñ, ma gêñ dan hôc asê ña lêtñ dan dom. ⁴Yac neñ dambo tañli ñahu in dau, ma in dau ti ñamalac nom-ña si ñawê. ⁵Ñawê dau pô gameñ ñasec, ma ñasec gitôm dom bu kôm ñawê dau ahuc.

⁶ Anötö këkiŋ ŋgac aheŋ-ŋga daŋ meŋ, naŋ ndê ŋaê Jon. ⁷ Iŋ meŋ bu hoc yom ŋandô asê pi ŋawê dau, tu bu lau hoŋ naŋ sêŋgô iŋ ndê yom, naŋ sêkêŋ whiŋ ŋawê dau. ⁸⁻⁹ Jon iŋ ŋawê dau dom, tigeŋ iŋ meŋ bu hoc yom asê pi ŋawê ŋandô dau, naŋ oc meŋ êŋkuc iŋ bu pô ŋamalac hoŋ.

¹⁰ Nom sambuc dindec Anötö këŋ ŋa iŋ, tigeŋ têŋ ndoc iŋ hóc asê, naŋ lau nom-ŋga sêŋyalê iŋ dom. ¹¹ Iŋ ti nom sambuc dindec ŋadau, magoc têŋ ndoc iŋ meŋ, naŋ iŋ ndê lau Israel-ŋga sêkôc iŋ sa dom. ¹² Magoc lau hoŋ naŋ sêkôc iŋ sa, ma sêkêŋ whiŋ iŋ, naŋ Anötö gêlic ŋayham ma kôc ŋac sa sêti iŋ ndê balêkoc. ¹³ Sêti iŋ ndê balêkoc ŋa lêŋ tôm lau nom-ŋga si lêŋ sêkwê balêkoc asê-ŋga dom, me tu ŋamalac dau si gauc gêm me atac whiŋ-ŋga dom. Mba! Anötö dau kôm ŋac sêtiwakuc dec sêti iŋ ndê balêkoc.

¹⁴ Iŋ naŋ dasam bu Yom Dau sip nom meŋ ti ŋamalac, ma mbo whiŋ yac. Iŋ meŋ akêŋ Damba Anötö, ma Damba ndê mwasin ti yom ŋandô gêm iŋ ahuc. Iŋ Anötö ndê Atu tigeŋ, dec wêkaiŋ ŋaclai ti ŋawasi atu, ma yac alic iŋ ndê ŋaclai ti ŋawasi dau, naŋ su. ¹⁵ Jon hoc yom asê pi iŋ gwanan su bocdec bu, “ŋgac daŋ oc êŋkuc aô, naŋ hóc gêlêc aô su, ŋahu bu iŋ mbo wandêc su mbo.” Ma têŋ ndoc iŋ hóc asê, naŋ Jon sôm bu, “Iŋ ŋgac dau dinaŋ dec gahoc yom asê pi iŋ gwanan su.”

¹⁶⁻¹⁷ Muŋ-ŋga Anötö kêmwasin lau Israel-ŋga ŋa yomsu naŋ iŋ këŋ têŋ Moses. Magoc kwahic dec Yisu Kilisi meŋ, ma Anötö ndê mwasin gêm iŋ ahuc sambuc, dec yac hoŋ datap mwasin ti yom ŋandô sa hóc gêlêc su, yêc Yisu. ¹⁸ ŋamalac daŋ gêlic Anötö su dom. Magoc iŋ ndê Atu tigeŋ Yisu †Kilisi, naŋ mbo këpiŋ Anötö dau, iŋ dau iŋ Anötö, naŋ sip nom meŋ ti ŋamalac, ma whê Damba Anötö sa têŋ yac, dec tanjalê iŋ.

Lau sêndac bata Jon, ŋgac Kêku Lau-ŋga

¹⁹⁻²⁰ Têŋ ndoc Jon këku lau mbo, naŋ lau bata Israel-ŋga sêŋkiŋ †dabunŋisa ŋatô ti lau †Liwai ŋatô akêŋ Jerusalem sêtêŋ iŋ si, ma sêndac iŋ bu, “Am asa?” Jon sêc yom daŋ ahuc dom, iŋ sôm yom yêc awê bu, “Aô †Mesaya dom.” ²¹ Dec ŋac sêndac iŋ, “Bocdinaŋ dec am asa? Am Elaija, a?” Ma iŋ sôm, “Mba!” Goc sêndac, “Am propet gitôm Moses naŋ Anötö gic bata bu êŋkiŋ meŋ, a?” Ma iŋ sôm, “Mba!” ²² Bocdinaŋ sêsôm têŋ iŋ, “Dec sôm daôm asê têŋ yac bu am asa. Yac bu akêŋ ŋawaê têŋ lau naŋ sêŋkiŋ yac amêŋ naŋ.” ²³ Jon ô ŋac si gêndac ŋa propet Aisaya ndê yom daŋ, ma sôm, “*ŋamalac naŋ ta yom yêc gameŋ sawa bu, ‘Amasaŋ Pômdau ndê seŋ tisolop,’* naŋ aô dauŋ dec.”

²⁴ Lau Palêsai ŋatô sêmbo sêwhiŋ lau naŋ lau bata sêŋkiŋ sêtêŋ Jon si. ²⁵ Sêŋgô Jon ndê yom dau, dec sêndac iŋ bocdec bu, “Am daôm sôm bu am Mesaya dom, ma bu am Elaija dom, ma propet atu dau dom. Ma bocke dec am këku lau mbo?” ²⁶⁻²⁷ Ma Jon sôm, “Aô dec kaku lau ŋa bu, magoc ŋgac daŋ oc êŋkuc aô, naŋ hóc gêlêc aô su. Aô dec ŋgac ŋambwa,

gitôm dom bu wati iñ ndê ñgac akiñ bu wañgapwêc iñ ndê atapa ñawalô. Ñgac dau kwahic dec mbo mac ñalhu, magoc mac añyalê iñ dom.”

²⁸Jon kêku lau mbo malac dañ ñaê Betani, nañ yêc Bu Jordan ñadañga mbu têtñ ac pi-ñga. Ma gêtñ hoñ dinañ hóc asê yêc gameñ dinañ.

Yisu iñ Anötö ndê Domba

²⁹Bêc dañ tiyham ma Jon gêlic Yisu kêsêlêtñ têtñ iñ meñ, ma sôm, “Alic ñgac dê! Iñ †Anötö ndê Domba, nañ Anötö kêtñ bu kôc ñamalac si sac su. ³⁰Iñ ñgac dau nañ aô gasôm yom pi iñ muñ su, bu ñgac dañ oc êñkuc aô meñ, nañ hóc gêlêc aô su, bu iñ mbo wandêc su mbo. ³¹Muñ-ñga aô dauñ neñ gauc sa pi iñ dom, tigeñ kwahic dec aô gameñ kaku lau ña bu, tu bu watôc iñ asê têtñ lau Israel-ñga.” ³²⁻³³Jon sôm yom dinañ su, goc gic têtñ yom ma whê yom sa bocdec bu, “Yomandô. Muñ-ñga aô dauñ neñ gauc sa pi iñ dom, tigeñ Anötö nañ kêtñ aô bu wañku lau ña bu, nañ sôm têtñ aô bu, ‘Am oc lic Ñalau Dabuñ sip têtñ ñgac dañ meñ. Ma ñgac dau dinañ oc êñku lau ña Ñalau Dabuñ.’ Tiñambu aô galic Ñalau Dabuñ gêm balusi añgô ma sip akêtñ undambê têtñ ñgac dindêc meñ ma mbo whiñ iñ. ³⁴Aô tanôtñ galic gêtñ dinañ hóc asê ñgac dau su, ma tu dinañ-ñga kwahic dec gahoc yom asê pi iñ, ma gasôm asê têtñ mac bu iñ Anötö ndê Atu.”

Yisu ndê ñgacsêñomi ñamata-ñga

³⁵Ñagalañsê Jon mbo bu dau ñadali ma iñ ndê †ñgacsêñom lu sêmbo sêwhiñ iñ. ³⁶Yisu kêsêlêtñ meñ, ma Jon tahê iñ ma sôm, “Kec, Anötö ndê Domba dê.” ³⁷Têtñ ndoc ñgacsêñom lu sêñgô Jon ndê yom dinañ, nañ sêhu iñ siñ ma sêñkuc Yisu. ³⁸Yisu kac dau kwi ma gêlic bu iñlu sêñkuc iñ, dec ndac, “Bocke dec amlu añkuc aô?” Goc iñlu sêsôm, “Rabai, am yêc nde?” (Ñaê †Rabai danem kwi bu ‘Kêdôhôn-waga.’) ³⁹Ma iñ sôm, “Ameñ ma alic.” Goc iñlu sêñsêlêtñ sêwhiñ iñ si, ma sêlic gameñ nañ iñ yêc. Sêhóc asê têtñ telha, acgatu gitôm 4 kilok, ma bocdinañ dec sêmbo sêwhiñ iñ.

⁴⁰Ñgac lu nañ sêñgô Jon ndê yom ma sêñkuc Yisu, nañ si dañ iñ Andru, Saimon Pita ndê asi. ⁴¹Ñagahô iñ gi tap dôwa Saimon sa, ma sôm têtñ iñ, “Yac atap †Mesaya sa su.” (Yom Mesaya dau danem kwi bu Kilisi.) ⁴²Goc iñ wê Saimon s a têtñ Yisu gi. Yisu tahê iñ ma sôm, “Am Saimon, Jon ndê atu. Kwahic dec aô wasam am bu Kepas.” (Ñaê dau^a sem kwi sip Yom Grik bu Pita.)

Yisu kêgalêm Pilip lu Natanael sa

⁴³⁻⁴⁴Têtñ ñagalañsê Yisu tisa ma gi tap ñgac dañ ñaê Pilip sa. Pilip iñ ñgac akêtñ malac Betsaida yêc gameñ Galili-ñga. Malac dau Pita lu Andru si malachu

^a 1:42 Ñaê ‘Kepas’ nañ Yisu kêtñ têtñ Pita, iñ Yom †Hibru dañ, nañ danem kwi bu ‘hoc.’ Alic Yisu ndê yom yêc Mat 16:18.

whiŋ. Yisu gauc gêm bu têt Galili ndi, dec sôm têt Pilip, “Mweŋ êmkuc aô.”
 45 Goc Pilip gi tap ngac daŋ ɲaê Natanael sa, ma sôm têt iŋ bu, “Mesaya naŋ
 Moses ti lau propet sêto yom pi iŋ muŋ su, naŋ yac atap iŋ sa su. Iŋ Josep ndê atu
 Yisu akêt malac Nasaret.” 46 Natanael ɲgô su goc ndac, “Nasaret? Gêt ɲayham
 bocke oc meŋ akêt malac ɲambwa dinaŋ?” Dec Pilip sôm, “Mweŋ ma lic.”

47 Yisu gêlic Natanael têt iŋ meŋ, ma sôm yom pi iŋ bocdec bu, “Yomandô!
 Iŋ ɲgac Israel-ɲga naŋ yom tasanŋ daŋ yêc iŋ ndê ɲalôm dom.” 48 Dec Natanael
 ndac iŋ, “Am kêyalê aô ɲalêŋ bocke?” Ma Yisu sôm têt iŋ, “Pilip mbwêc am
 dom eŋ, ma aô galic am ndöc a atu daŋ ɲahu.” 49 Natanael ô yom ma sôm,
 “Kêdôhônŋwaga, am Anötö ndê Atu. Am yac lau Israel-ɲga mba Kiŋ.” 50 Ma Yisu ô
 yom ma sôm têt iŋ, “Aô gasôm bu galic am yêc a daŋ ɲahu ma tu dinaŋ-ɲga dec
 am kêt whiŋ. Am oc lic gêt atu-tu hôc gêlêc iŋ dinaŋ su.” 51 Ma iŋ gic têt yom
 ma sôm, “Yom ɲandô aô wasôm têt mac. Tiŋambu mac oc alic undambê kac sa,
 ma †Jamalac ndê Atu oc ti seŋ bu Anötö ndê aŋela sêsip sêpi-ɲga.”

Yisu gêm bu kwi ti wain

2 1 Bêc lu gi su ma lau yêc malac Kana naŋ yêc gameŋ Galili-ɲga sêndê
 mwasiŋ tu ngac daŋ bu nem awhê-ɲga. Yisu dinda mbo whiŋ ɲac,
 ma 2 sêkêt aheŋ Yisu ti ndê ɲgacsêŋomi bu sêneŋ mwasiŋ dau sêwhiŋ.
 3 Ma lau seŋ ti sênom gêt sêmbô e wain pacndê. Dec Yisu dinda sôm têt
 iŋ bu, “Iŋac si wain pacndê su.” 4 Goc Yisu sôm têt iŋ, “O awhê! Tu sake-
 ɲga am sôm têt aô? Aneŋ ndoc meŋ sa su dom.” 5 Tigeŋ Yisu dinda sôm
 têt lau akiŋ bu, “Gêt bocke naŋ iŋ bu sôm têt mac, naŋ akôm.”

6 Yêc mwasiŋ dau ɲamala, lôn bu-ɲga 6 sêlhac. Lôn dinaŋ atu andô, tigeŋ-
 tigeŋ gitôm 100 lita, ma sic waê lau Israel-ɲga si mêtê sêŋgwasîŋ dau ɲawasi sa
 yêc Anötö ɲgô-ɲga. 7 Ma Yisu sôm têt lau akiŋ, “Akêt bu sip lôn hoŋ dinaŋ e
 meŋhu.” 8 Sêtac bu sip e meŋhu su, goc iŋ sôm têt ɲac, “Aŋgati sa ma akêt têt
 mwasiŋ ɲadau êŋsahê.” Ma sêkôm gitôm iŋ sôm. 9 Mwasiŋ ɲadau kêsahê bu
 naŋ Yisu gêm kwi ti wain, ma kêyalê dom bu meŋ akêt nde. Tigeŋ lau akiŋ naŋ
 sêtac bu sip lôn, naŋ dec sêŋyalê. Mwasiŋ ɲadau kêsahê su, goc mbwêc ɲgac gêm
 awhê-ɲga meŋ, ma sôm têt iŋ, 10 “Lau hoŋ sêkêt wain ɲayham têt lau sênom
 muŋ e tac ɲayham sa, goc sêkêt wain ɲambwa kêkuc. Tu sake-ɲga am kêgamiŋ
 wain ɲayham kalhac e tiŋambu?”

11 Yisu kôm gêt dalô ɲamata-ɲga dinaŋ yêc malac Kana, naŋ yêc
 gameŋ Galili-ɲga. Gêt dau tôc iŋ ndê ɲawasi ti ɲaclai asê, ma iŋ ndê
 ɲgacsêŋomi sêkêt whiŋ iŋ. 12 Ma tiŋambu Yisu lu dinda ma asii ti
 ɲgacsêŋomi sêsip malac Kapenaom si, ma sêmbô bêc ɲatô.

Yisu soc lau su yêc lôm dabuŋ (Mak 11:15-17; Luk 19:45-46)

13 Têt têt dinaŋ lau Israel-ɲga si om atu †Mwasiŋ Pasowa-ɲga meŋ
 kêpiŋ. Tu dinaŋ-ɲga Yisu pi Jerusalem gi. 14 Iŋ hôc asê su, ma yêc lôm

dabuŋ ŋabatêmdö, iŋ gêlic lau sêhoŋ makao ti domba ma balusi bu lau sênemlhi, ma lau ŋatô sêndöc tebo bu sêd lau apa si mone ŋa lau Israel-ŋga si mone. ¹⁵Dec iŋ gêm bocbiŋ wac ti po ma kêbulu ŋac sêsa awê si, ma kêbulu makao ti domba sêwhiŋ. Ma iŋ tac lau sêd mone-ŋga si tebo sa, ma kêbalip ŋac si mone babalip. ¹⁶Goc iŋ hec yom lau balusi-ŋga ma sôm têtŋ ŋac, “Akôc nem balusi dinaŋ asa awê andi! Damaŋ ndê andu yêc bu lau sênemlhi gêtŋ sêmbo-ŋga dom. Mac akôm sac sambuc!” ¹⁷Têtŋ dinaŋ iŋ ndê ŋgacsêŋomi gauc gêm Anötö ndê yom daŋ naŋ sêto yêc bocdec bu:

Aö neŋ atac whiŋ tu am nem andu-ŋga, mbô aö neŋ ŋalôm sa ŋapaŋ.

[BW 69:9]

¹⁸Ma lau bata Israel-ŋga sêndac Yisu ma sêsôm, “Asa kêtŋ ŋaclai têtŋ am bu kôm gêtŋ dinaŋ? Kôm gêtŋ dalô daŋ bu têtŋ am nem ŋaclai ŋahu asê têtŋ yac.” ¹⁹Yisu ô ŋac si awha ma sôm, “Aseŋ lôm dabuŋ dindec su, ma aö oc wakwê sa tiyham nditôm bêc tö.” ²⁰Goc sêsôm, “Muŋ-ŋga lau sêkôm gweleŋ sêkwê lôm dabuŋ dindec-ŋga gitôm yala 46. Ma bocke dec am gauc gêm bu am gitôm bu kwê sa tôm bêc tö?” ²¹Sêsôm yom dinaŋ bu ŋac sêŋyalê dom bu lôm dabuŋ naŋ iŋ sôm yom pi, naŋ iŋ dau. ²²T iŋambu, têtŋ ndoc Yisu tisa akêtŋ lau batê-ŋga, naŋ iŋ ndê sêŋomi gauc gêm iŋ ndê yom dinaŋ. Ma têtŋ dinaŋ sêkêtŋ whiŋ yom naŋ iŋ sôm, ma sêkêtŋ whiŋ Anötö ndê yom naŋ sêto yêc muŋ su, pi iŋ ndê mbac ndu ma tisa-ŋga.

²³Yisu mbo Jerusalem têtŋ Om Pasowa-ŋga, ma lau daêsam sêlic gêtŋ dalô hoŋ naŋ iŋ kôm, dec sêkêtŋ whiŋ iŋ. ²⁴⁻²⁵Tigeŋ Yisu kêyalê ŋamalac si gauc ti yom hoŋ naŋ yêc ŋac si ŋalôm. Iŋ pônâda ŋamalac si yom pi dau dom. Ma tu dinaŋ-ŋga iŋ whê dau sa sambuc têtŋ ŋamalac daŋ dom.

Yisu lu Nikodemas

3 ¹Lau Israel si ŋgac bata daŋ mbo Jerusalem, naŋ ndê ŋaê Nikodemas. Iŋ mbo lau †Palêsai si toŋ, ma iŋ lau bata †Sanedrin-ŋga si daŋ whiŋ. ²Têtŋ ôbwêc daŋ, Nikodemas têtŋ Yisu gi, ma sôm têtŋ iŋ, “O Kêdôhônŋwaga. Yac alic gêtŋ dalô hoŋ naŋ am kôm, dec aŋyalê bu am kêdôhônŋwaga daŋ naŋ Anötö kêkiŋ meŋ. ŋahu bu Anötö bu mbo whiŋ ŋamalac daŋ dom, dec oc tôm dom bu ŋamalac dau kôm gêtŋ dalô gitôm naŋ am kôm.”

³Ma Yisu ô iŋ ndê yom ma sôm, “Yom ŋandô aö wasôm têtŋ am. ŋamalac daŋ bu tiwakuc tiyham dom, dec oc tôm dom bu iŋ mbo †Anötö ndê gôliŋ ŋapu.” ⁴Goc Nikodemas sôm têtŋ iŋ, “ŋamalac andô daŋ oc tiwakuc ŋalêŋ bocke? Oc tôm bu sip dinda atac ŋalôm ma dinda kôc iŋ tiyham, me?” ⁵Ma Yisu sôm, “Aö wasôm yom ŋandô têtŋ am. ŋamalac daŋ bu tiwakuc ŋa bu ma ŋa ŋalau Dabuŋ dom, dec oc nditôm dom bu mbo Anötö ndê gôliŋ ŋapu. ⁶ŋamalac sêkwê ŋamalac asê, magoc ŋalau

tigeŋ g itôm bu kôm ŋamalac daŋ tiwakuc ma kêŋ ŋalôm wakuc têtŋ iŋ. 7Aö gasôm têtŋ am bu mac atiwakuc tiyham ŋa ŋaclai undambê-ŋga maŋ. Am sô tu yom dinaŋ-ŋga dom. 8Mbu kêsêlêŋ kêkuc Anötö ndê atac whiŋ. Am gitôm bu ŋgô ŋakêcsia, tigeŋ am kêyalê mbu ŋahu me mbu ŋapwê dom. Ma ŋalau Dabuŋ ndê gwelêŋ kôm lau sêtiwakuc-ŋga, naŋ kaiŋ tigeŋ.”

9Nikodemas ŋgô yom dinaŋ, dec ndac Yisu, “Aluê! Yom dinaŋ oc ŋandô sa ŋalêŋ bocke?” 10Ma Yisu sôm, “Am lau Israel si kêdôhôn-waga mêtê-ŋga daŋ, ma bocke dec am kêyalê yom dindêc ŋahu dom? 11Aö wasôm yom ŋandô têtŋ am. Gêŋ naŋ aö ti lau naŋ sêŋkuc aö naŋ aŋyalê, dec yac asôm asê. Ma yac ahoc yom ŋandô asê pi gêŋ naŋ yac alic su. Magoc mac akôc yac mba yom sa dom. 12Aö gasôm yom têtŋ mac pi gêŋ nom-ŋga, magoc mac akêŋ whiŋ dom. Ma aö bu wasôm yom têtŋ mac pi gêŋ undambê-ŋga, dec oc akêŋ whiŋ ŋalêŋ bocke? 13ŋamalac daŋ pi undambê gi bu êŋyalê gêŋ undambê-ŋga dom, tigeŋ ŋamalac ndê Atu, naŋ sip akêŋ undambê meŋ, naŋ kêyalê. 14Muŋ-ŋga, têtŋ ndoc lau Israel-ŋga sêmbo gameŋ sawa, naŋ Moses gic mboc ŋagatu^b pi a, ma hóc sa pi lôlôc gi. Ma ŋalêŋ tigeŋ, lau oc sêndic ŋamalac ndê Atu pi a, ma sêhóc iŋ sa pi lôlôc ndi. Lêŋ dinaŋ gic iŋ ŋawaê, 15tu bu lau hoŋ naŋ sêkêŋ whiŋ iŋ, naŋ oc sêtap seŋ sêndôc tali ŋapaŋ-ŋga sa.

16“Bu Anötö atac whiŋ lau nom-ŋga ndu andô, dec kêŋ ndê Atu tigeŋ mbac ndu tu ŋac-ŋga, bu lau hoŋ naŋ sêkêŋ whiŋ iŋ, naŋ oc sêŋiŋga dom, magoc sêtap seŋ sêndôc tali-ŋga sa. 17Anötö kêŋ ndê Atu sip nom meŋ bu êmatôc lau dom, magoc kêŋ iŋ meŋ bu ti lêŋ nem lau si-ŋga. 18Lau naŋ sêkêŋ whiŋ iŋ, naŋ oc sêtap Anötö ndê matôc sa dom. Magoc lau naŋ sêkêŋ whiŋ dom, naŋ gitôm sêmatiŋ dau si yom tidôn su bu oc sêtap Anötö ndê matôc sa, ŋahu bu ŋac sêkêŋ whiŋ Anötö ndê Atu tigeŋ dom. 19Ma ŋac si matôc dau ŋahu bocdec bu. ŋawê ŋandô sip nom meŋ, tigeŋ sêtec ŋawê dau ma atac whiŋ lêŋ ŋasec-ŋga, ma sêsap mêtê sac dôŋ ŋapaŋ. 20Lau hoŋ naŋ sêkôm mêtê sac, naŋ sêtec bu ŋawê dau pô ŋac si mêtê sac e yêc awê, ma tu dinaŋ-ŋga sêtigasuc ŋawê dau dom. 21Magoc lau naŋ sêŋkuc yom ŋandô, naŋ sêtêŋ ŋawê sêmeŋ ma gacgeŋ sêmbo dinaŋ. Ma tu dinaŋ-ŋga lau hoŋ sêlic yêc awê bu ŋac sêkôm mêtê ŋayham tôm Anötö kêŋ ŋaclai têtŋ ŋac.”

Jon sôm yom pi Yisu

22Dinaŋ su, goc Yisu ti iŋ ndê ŋgacsêŋomi sêhu Jerusalem siŋ, ma sêsa si sêmbo gameŋ ŋamakê-ŋga yêc gameŋ Judia-ŋga. Ma yêc dindê iŋ mbo whiŋ ŋac ma sêŋku lau. 23Têtŋ ndoc dinaŋ Jon mbo malac Aenon, naŋ yêc suŋ sa têtŋ Salim. Bu ŋagapoŋ ŋayham poc gameŋ dinaŋ, ma tu dinaŋ-ŋga

^b 3:14 Yom pi mboc ŋagatu naŋ Moses kêŋ pi a daŋ, naŋ asam yêc Namba 21:4-9.

Jon mbo dinaŋ, ma kêku lau naŋ sêtêŋ iŋ si. ²⁴Têŋ ndoc dinaŋ Jon mbo awê, sêkêŋ iŋ ndöc gapocwalô su dom.

²⁵Ma Jon ndê sêŋomi ŋatô ma ŋgac bata Israel-ŋga daŋ sêsenŋ dau pi lêŋ lau sêŋgwasinŋ dau ŋawasi sa yêc Anötö aŋgô-ŋga. ²⁶Dec sêtêŋ Jon si, ma sêsôm, “Kêdôhônŋwaga, muŋ-ŋga am hoc yom asê pi Yisu, têtŋ ndoc iŋ hóc asê am yêc Bu Jordan ŋadaŋga. Kwahic dec yac aŋgô bu lau hoŋ sêtêŋ iŋ si, bu iŋ êŋku ŋac.” ²⁷Jon ô ŋac si yom ma sôm, “Ahêgo daôm dom! Alu Yisu lu-lu akôm mba gwelenŋ gitôm Anötö dau kêtŋ sip alu aman. ²⁸Mac aŋyalê yom hoŋ naŋ aô gasôm têtŋ mac su. Aô gasôm bu aô dauŋ Mesaya dom, magoc Anötö kêkinŋ aô gamuŋ iŋ gameŋ. ²⁹Lau hoŋ bu sêtêŋ Yisu sêndi, dec oc solop. Bu ŋac gitôm awhê naŋ sêmatinŋ iŋ ndê yom bu nem ŋgac, ma Yisu iŋ gitôm ŋgac nem awhê-ŋga dau. Aô gitôm ŋgac dau ndê silip, naŋ atac ŋayham kêlêc têtŋ ndoc ŋgac nem awhê-ŋga hóc asê bu nem ndê awhê sa. Ma bocdinaŋ kwahic dec aô neŋ atac ŋayham tu Yisu-ŋga gêm aô ahuc sambuc. ³⁰Ma iŋ solop bu kwahic dec Yisu ndê waê tiatu, ma aneŋ waêŋ tisaunŋ. ³¹Iŋ sip akêtŋ undambê meŋ, dec hóc gêlêc lau hoŋ su. Aô dec, aô ŋamalac nom-ŋga ma aô neŋ ŋahu yêc nom, ma bocdinaŋ gasôm yom tôm ŋamalac nom-ŋga. Magoc iŋ sip akêtŋ undambê meŋ, ³²ma sôm yom ŋandô pi gêtŋ naŋ iŋ gêlic ti ŋgô su yêc undambê. Magoc lau daêsam sêkôc iŋ ndê yom sa dom. ³³Ŋamalac bocke naŋ kôc iŋ ndê yom sa, naŋ tôc asê bu iŋ gêlic Anötö ndê yom bu yom ŋandô eŋ. ³⁴Ŋahu bu iŋ naŋ Anötö kêkinŋ sip nom meŋ, naŋ sôm Anötö dau ndê yom asê. Ma Anötö kégaminŋ iŋ ndê Ŋalau têtŋ iŋ dom. ³⁵Damba tac whinŋ iŋ ndê Atu kêlêc, dec kêtŋ gêtŋ hoŋ sip iŋ amba. ³⁶Ma asa naŋ kêtŋ whinŋ Atu, naŋ Anötö gic bata su, bu iŋ oc mbo tali ŋapaŋ. Tigeŋ asa naŋ kôc iŋ sa dom, naŋ Anötö ndê atac ŋandê yêc iŋ dônŋ yêc, dec iŋ oc lic undambê dom.”

Yisu lu awhê Samaria-ŋga daŋ

4 ¹⁻²Têtŋ ndoc dinaŋ Yisu mbo whinŋ iŋ ndê ŋgacsêŋomi, ma ŋac sêŋku lau. Iŋ dau kêku lau daŋ dom. Magoc lau Palêsai sêŋgô ŋawaê bu Yisu kêku lau daêsam, ma bu lau daêsam naŋ êlêmê sêŋkuc iŋ, naŋ sêhóc gêlêc Jon ndê sêŋomi su. Yisu kêyalê bu lau Palêsai sêŋgô ŋawaê dinaŋ, ma bu sêkêŋ kisa iŋ, ³ma bocdinaŋ dec iŋ hu gameŋ Judia-ŋga sinŋ, bu mbu têtŋ Galili ndi. ⁴Yisu gauc gêm tidônŋ bu ho seŋ naŋ gic lau †Samaria-ŋga si gameŋ kôc, dec iŋ ti ndê ŋgac-sêŋomi sêŋsêlêŋ sêmbo seŋ dinaŋ. ⁵Ŋac sêŋsêlêŋ e sêsuŋ sa lau Samaria si malac atu daŋ ŋaê Sika. Malac dau yêc kêpinŋ nom ŋasawa daŋ naŋ muŋ-ŋga andô, Jakob kêtŋ têtŋ iŋ ndê atu Josep. ⁶Ma sê naŋ Jakob kwê tu sêtap bu sa-ŋga, naŋ yêc malac dau ŋamakê. Yisu ti ndê ŋgacsêŋomi sêhóc asê sê bu-ŋga dau têtŋ ac kac lhu, ma sêŋsêlêŋ seŋ baliŋ su e Yisu kwapac sa, dec iŋ ndöc sic ndöc dinaŋ. ⁷⁻⁸Ma iŋ ndê ŋgacsêŋomi sêhu iŋ sinŋ ma sêsôc malac dau si, bu sêŋsalê gêtŋ sêneŋ-ŋga.

Malô goc awhê Samaria-nga danj sa meŋ bu tê bu. Ma Yisu sôm têtj inj, “Gitôm bu am kêtj bu têtj aô wanôm?” ⁹Goc awhê dau ô yom bocdec bu, “Bocke dec am ngac Israel-nga ndac aô awhê Samaria-nga bu wakêtj bu têtj am nôm?” (Iŋ sôm yom dinaŋ, ŋahu bu lau Israel m a lau Samaria-nga sêtec dandi ma sêmbo ahê dau.) ¹⁰Ma Yisu sôm, “Kwahic dec aô gandac bu têtj am. Am bu êmyalê aô neŋ ŋahu, ma mwasiŋ naŋ Anötö kêtj ŋambwa, dec am oc ndac bu têtj aô, ma aô wakêtj bu naŋ oc kêtj ŋamalac sêndöc tali, naŋ têtj am.” ¹¹Awhê dau ngô yom dinaŋ, goc sôm, “O ŋadau. Bu tali-nga naŋ am sôm yom pi, naŋ am oc kôc yêc nde? Bu am nem laclhu êmgati bu sa-nga mba, ma sê bu-nga dindéc baliŋ andô. ¹²Abaŋ Jakob ti ndê atui, ma inj ndê makao ti domba hoŋ sênôm bu yêc dec. Ma bocke? Am nem bu bocke yêc, naŋ hôc gêlêc inj dindéc naŋ Jakob kêtj têtj yac, naŋ su?”

¹³Dec Yisu sôm têtj inj, “Lau hoŋ naŋ sênôm bu nom-nga, naŋ bu oc yô ŋac tiyham. ¹⁴Magoc lau naŋ sênôm bu naŋ aô wakêtj têtj ŋac, naŋ bu oc yô ŋac tiyham dom. Mba. Bu naŋ aô wakêtj têtj ŋac, naŋ oc ti bubata naŋ êmbulup pi ŋac si ŋalôm, ma ŋac oc sêndöc tali ŋapaŋ.” ¹⁵Têtj dinaŋ awhê dau sôm, “O ŋadau, kêtj bu dinaŋ têtj aô. Ma bocdinaŋ dec bu oc yô aô tiyham dom, ma wasa wameŋ tôm bêc hoŋ bu watê bu yêc sê bu-nga dindéc tiyham dom.”

¹⁶Goc Yisu sôm têtj inj, “Am mbu ndi ma ta nem akweŋ, ma amlu ambu amêŋ.” ¹⁷Ma awhê dau sôm, “Aneŋ akweŋ mba.” Goc Yisu ô yom ma sôm, “Am sôm solop bu am nem akweŋ mba. ¹⁸Bu am gêm ngac amañdanj su, magoc sêhu am siŋ. Ma ngac naŋ kwahic dec am mbo whiŋ inj, naŋ ti am nem akweŋ dom. Am sôm yom ŋandô.” ¹⁹Têtj dinaŋ awhê dau sôm, “Ŋadau, aô g alic bu am propet danj. ²⁰Muŋ-nga yac lau Samaria-nga mba abañj sem akiŋ Anötö yêc lôc dindéc. Tigeŋ mac lau Israel-nga asôm bu gameŋ tigeŋ yêc tu lau sênem akiŋ Anötö-nga, naŋ yêc Jerusalem.” ²¹Goc Yisu sôm, “O awhê! Aô wasôm yom ŋandô têtj am. Ndoc oc meŋ sa, naŋ lau naŋ sem akiŋ Anötö oc sêhêgo dau dom bu sênem akiŋ inj sêmbo lôc dindéc, me bu sêmbo Jerusalem. ²²Mac lau S amaria-nga am akiŋ Anötö, magoc mac aŋyalê inj dom. A nôtö gic bata bu Mesaya oc sa yêc yac lau Israel-nga, ma tu dinaŋ-nga yac aŋyalê inj naŋ yac am akiŋ. ²³Yomandô! Ndoc naŋ bu meŋ sa, naŋ kwahic dec meŋ su, dec lau naŋ sem akiŋ Anötö ŋalêŋ solop, naŋ oc sênem akiŋ inj ti Ŋalau Dabuŋ ndê ŋaclai, ma ti lêtj yom ŋandô-nga. Damaŋ Anötö dau kêsälê lau naŋ sem akiŋ inj ŋalêŋ bocdinaŋ. ²⁴Iŋ dau inj ŋalau, dec ŋalêŋ tigeŋ yêc bu lau sênem akiŋ inj, naŋ sênem akiŋ inj ti Ŋalau Dabuŋ ndê ŋaclai, ma ti lêtj yom ŋandô-nga.”

²⁵Goc awhê dau sôm, “Aô kayalê bu Mesaya naŋ sêsam bu Kilisi oc meŋ. Ma têtj ndoc inj meŋ, naŋ inj oc whê gêtj hoŋ sa têtj yac.” ²⁶Ma Yisu sôm, “Aô Mesaya dauŋ gasôm yom têtj am.”

²⁷Têtj dinaŋ Yisu ndê ngac-sêŋomi sêmbu sêmeŋ, ma sêlic bu inj sôm yom whiŋ awhê danj, dec sêhê gauc ŋambwa. Magoc ŋac si danj sôm yom dom.

Sêndac inj bu bocke ma inj sôm yom têtj awhê dau lec dom. Ma sêndac awhê dau bu inj tac whinj gêtj sake lec dom. ²⁸Awhê dau hu inj ndê lônj bu-nga sinj kalhac, ma mbu sôc malac gi. Ma inj sôm têtj inj ndê lau, ²⁹“Amenj ma alic ngac danj! Inj kêyalê gêtj hoj nanj aö gakôm, ma sôm asê têtj aö. Oc mboe inj Mesaya dau?”

³⁰Goc njac sêhu malac dau sinj ma sêsa si bu sêlic Yisu.

³¹Têtj ndoc awhê dau mbu sôc malac gi, nanj njgacsênjomi sêsôm têtj Yisu, “Kêdôhônjwaga, yac akôc gêtj tu am nejj-nga.” ³²Magoc inj sôm têtj njac, “Aö nejj gêtj danenj-nga yêc, nanj mac anjyalê dom.” ³³Goc sêndac dandj bu, “Mboe lau danj sêkênj gêtj danenj-nga têtj inj su, me?” ³⁴Ma Yisu sôm têtj njac, “Aö dananj wambu inj nanj kêkinj aö gamejj, ma wandic dabinj inj ndê gwelanj. Anenj gêtj danenj-nga dau dinanj. ³⁵Anjô su nanj. Têtj ndoc mac asô gêtj njawhê sip ôm, nanj mac asôm bu, ‘Ayô hale su goc yac oc dandic gêtj njandô sa.’ Tigejj aö wasôm têtj mac, bu ahôc nem tanôm sa, ma alic bu gêtj njandô ôm-nga mbêc su. ³⁶Ma kwahic dec njgac gic gêtj njandô sa-nga kôm inj ndê gwelanj mbo. Ma gêtj njandô nanj inj gic sa, nanj lau nanj sêkênj whinj ma sêtap sejj sêmbo tali-nga sa. Tu dinanj-nga inj nanj sô gêtj njawhê, lu inj nanj gic njandô sa, nanj lu-lu atac njayham sa sêwhinj dau. ³⁷Yom gôlinj danj yêc bocdec, ‘Njamalac danj sô gêtj njawhê, ma danj tiyham gic gêtj njandô sa.’ Yom dau inj yom njandô, ma hêganônj gwelanj njawaê njayham-nga whinj. ³⁸Bu aö kakinj mac bu andic gêtj njandô sa yêc ôm nanj mac asô dom. Lau njatô sêkôm gwelanj atu tu sêsô gêtj-nga, dec mac atap njac si gwelanj nj-njandô sa.”

Lau Samaria-nga daêsam sêkênj whinj Yisu

³⁹Têtj ndoc awhê Samaria-nga dinanj sôm yom asê pi Yisu têtj lau malac-nga bu, “Inj sôm gêtj hoj nanj aö gakôm su, nanj asê têtj aö,” nanj lau Samaria-nga daêsam sêkênj whinj Yisu. ⁴⁰Ma têtj ndoc sêsa sêtêtj inj si, nanj sêtetj inj njapanj bu mbo whinj njac. Dec inj mbo whinj njac gitôm bêc lu. ⁴¹Inj sôm yom whinj lau malac-nga ma lau daêsam tiyham sêkênj whinj inj. ⁴²Ma sêsôm têtj awhê dinanj, “Têtj njamata-nga yac anjô yom nanj am sôm pi inj, dec akêtj whinj inj. Magoc kwahic dec yac anjô inj dau ndê yom, ma yac anjyalê pi njandô, bu inj njgac nanj Anötô kêkinj bu nem lau nom-nga si.”

Yisu hôc asê gamejj Galili-nga

⁴³Bêc lu dinanj pacndê su, goc Yisu tisa ma kêsêlênj gi e hôc asê gamejj Galili-nga. ⁴⁴Muñ-nga inj sôm asê bu yêc propet danj ndê gamejj, inj ndê lau oc sêtoc inj sa dom. ⁴⁵Magoc têtj ndoc inj hôc asê Galili, nanj lau dinanj sêkôc inj sa ti atac njayham. Njahu bu njac sêmbo Jerusalem têtj ndoc Pasowa-nga, ma sêlic gêtj hoj nanj inj kôm yêc dindê.

Yisu kôm balê danj njayham sa

(Mat 8:5-13; Luk 7:1-10)

⁴⁶Têtj têtj Yisu mbo gamejj Galili-nga, nanj inj sôc malac Kana gi tiyham, malac nanj muñ-nga inj gêm bu kwi ti wain. Têtj ndoc dinanj njgac

bata Rom-nga dan mbo malac Kapenaom, ma in nde atungac gembac yec. ⁴⁷Bale dau gembac atu e kpin bu mbac ndu. Ma ngac bata dau ngô nawaê bu Yisu meŋ akên gameŋ Judia-nga ma hóc asê Galili. Tu dinaŋ-nga dec in tēŋ in gi, ma ndac in bu tēŋ malac Kapenaom ndi, ma kôm balê dau ŋayham sa. ⁴⁸Dec Yisu sôm, “O mac lau! Mac bu alic gēŋ dalô atu-tu dom, dec oc akên whiŋ dom.” ⁴⁹Magoc ngac bata dau teŋ in tiyham ma sôm, “O ŋadau, mweŋ ŋagahô! Bu mba, aneŋ balê oc mbac ndu.” ⁵⁰Goc Yisu sôm tēŋ in, “Am ndi, am atôm oc mbo tali.” Ma ngac dau kên whiŋ Yisu nde yom, ma kôlhô gi.

⁵¹Tēŋ tēm in kêsêlēŋ mbo seŋ, naŋ in nde lau akiŋ ŋatô sêsa akên Kapenaom sēmeŋ ma sêtap in sa. Ma sêsôm tēŋ in bu, “Am nem balê ŋayham sa su.” ⁵²Dec in ndac ŋac bu, “Acgatu ŋasawa bocke ma balê dau ŋayham sa?” Ma ŋac sêsôm tēŋ in, “Alhabêc, tēŋ ac ho dau, naŋ gembac hu in siŋ ma in ŋamlic ŋalhuc sa.” ⁵³Tēŋ dinaŋ damba nde gauc sa bu acgatu ŋasawa dinaŋ eŋ, dec Yisu sôm tēŋ in bu, “Am atôm oc mbo tali.” Ma in ti in nde lau hoŋ naŋ sêndôc sêwhiŋ in, naŋ sêkēŋ whiŋ bu Yisu in Mesaya dau.

⁵⁴Gēŋ dalô tilu-nga naŋ Yisu kôm yec malac Kana, naŋ ŋamiŋ dau dinaŋ. Yisu kôm gēŋ dau tēŋ tēm in hu gameŋ Judia-nga siŋ, ma mbu tēŋ gameŋ Galili-nga gi.

Yisu gēm ngac bôliŋ dan sa

5 ¹Tiŋambu lau Israel-nga si mwasin atu dan ŋabêc hóc asê, ma Yisu mbu pi Jerusalem gi. ²Yec Jerusalem, bu ŋatoŋ atêc dan, naŋ sêwhê ŋa hoc ahuc, naŋ poc kpin malac dau ŋagatam naŋ sêsam bu Gatam Domba-nga. Sêsam bu ŋatoŋ dau ŋaê yec Yom †Hibru bu Betesda, ma andu selep amaŋdan sêlhac ŋamakê. ³Ma yec dinaŋ lau gembac daêsam sêyec, lau tapec, lau bôliŋ ma lau ŋasac ŋatô. [⁴Tôm tēm ŋatô Pômdau nde aŋela dan oc sip meŋ ma kôm bu dau li sa. Lau gembac sêhôn tēm dinaŋ, ma asa naŋ sip bu dau tiŋamata, naŋ oc ŋayham sa.] ⁵ŋac si dan in ngac bôliŋ naŋ gembac gitôm yala 38.

⁶Tēŋ ndoc Yisu kêsêlēŋ mbo gameŋ dinaŋ, in gêlic ngac bôliŋ dau, ma kêyalê bu in gembac yec ŋasawa hic baliŋ su, goc ndac in, “Am tac whiŋ bu am ŋayham sa, me?” ⁷Ma ngac bôliŋ dau sôm, “O ŋadau! Aô gahôn tēm naŋ bu dindêc ŋali sa, magoc ŋamalac dan mba bu nem aô sa. Ma aô bu wasip bu wandi, tigeŋ ŋamalac dan êlêmê hóc gêlêc aô su.” ⁸Goc Yisu sôm tēŋ in, “Tisa! Ma hóc nem mbô sa, ma êmsêlêŋ.” ⁹Ma ŋagahô ngac dau ŋayham sa, goc hóc nde mbô sa ma kêsêlêŋ gi.

Yisu kôm gēŋ dinaŋ tēŋ bêc †Sabat-nga dan. ¹⁰Ma tu dinaŋ-nga lau bata Israel-nga sêsôm tēŋ ngac naŋ Yisu kôm ŋayham sa bu, “Acsalô lec in bêc Sabat-nga. Yac neŋ yomsu gic yao yac bu dakôm gweleŋ tēŋ bêc Sabat-nga dom, ma bocke dec am kôc nem mbô ma kêsêlêŋ.” ¹¹Magoc in

sôm, “Ïgac naŋ kôm aö ŋayham sa, naŋ sôm têt aö bu, ‘Hóc nem mbô sa, ma êmsêlêt.’” ¹²Ma sêndac iŋ, “Ïgac naŋ sôm têt am bu am hóc nem mbô sa ma êmsêlêt, naŋ asa?” ¹³Tigeŋ ñgac dau kêyalê dom. Ñahu bu têt ndoc Yisu kôm iŋ ŋayham sa, naŋ lau daêsam sêmbo, ma Yisu kêdahin dau su sip ñac ñalôm ma kôlhô gi.

¹⁴T iŋambu Yisu tap iŋ sa tiyham mbo lôm dabuŋ, ma sôm têt iŋ, “Am ñgô su naŋ! Am ŋayham sa su. Dec yob daôm bu kôm sac tiyham dom, mboe ñawapac atu daŋ naŋ hóc gêlêc iŋ dinaŋ su, naŋ tap am sa tiŋambu.” ¹⁵Ma têt dinaŋ ñgac dau sa gi ma kêŋ ñawaê têt lau bata Israel-ŋga, bu ñgac naŋ kôm iŋ ŋayham sa, naŋ Yisu.

Lau bata Israel-ŋga sêkêt kisa Yisu

¹⁶Lau bata Israel-ŋga sêlic bu Yisu kôm gêt kaiŋ dinaŋ têt bêc Sabat-ŋga ñatô, ma tu dinaŋ-ŋga sic hu sêkêt kisa iŋ. ¹⁷Dec iŋ sôm têt ñac, “Damaŋ kôm iŋ ndê gweleŋ ñapaŋ, têt têt ñamata-ŋga e meŋ têt kwahic dec. Bocdinaŋ aö oc wanem gweleŋ.” ¹⁸Têt ñamata-ŋga lau bata Israel-ŋga sêkêt kisa Yisu bu iŋ sôc yomsu Sabat-ŋga ñapu dom. Ma têt ndoc sêŋgô iŋ ndê yom dinaŋ, naŋ sêkôm ñaŋga bu sêndic iŋ ndu. Sêsôm, “Ï sam Anötô bu iŋ Damba ma bocdinaŋ iŋ bu po dau ndê waê sa nditôm Anötô dau.”

Anötô kêŋ ñaclai têt iŋ ndê Atu

¹⁹Goc Yisu sôm têt ñac, “Aö wasôm yom ñandô têt mac. Oc tôm dom bu Anötô ndê Atu kôm gêt daŋ êŋkuc dau ndê atac whiŋ. Mba! Gêt bocke naŋ Atu gêlic Damba kôm, naŋ dec iŋ kôm. Bu Atu kôm gêt hoŋ gitôm Damba kôm. ²⁰Damba atac whiŋ Atu kêlêc, ma têt gêt hoŋ naŋ iŋ dau kôm, naŋ asê têt iŋ. Ma aö wasôm têt mac bu Damba oc hoc gêt atu-tu asê têt Atu bu kôm, naŋ hóc gêlêc gêt naŋ iŋ kôm, naŋ su. Ma têt têt mac alic gêt dau, naŋ mac oc asô. ²¹Tôm Damba uŋ lau batê sa ma kêŋ ñac sêmbo tali, naŋ iŋ ndê Atu dec kêŋ lau naŋ iŋ atac whiŋ ñac, naŋ sêmbo tali boc-dinaŋ. ²²Ma gêt daŋ tiyham. Damba oc êŋsahê lau daŋ dom. Ï kêŋ ñaclai têt iŋ ndê Atu bu êŋsahê lau pi ñac si mêtê. ²³Ma tu dinaŋ-ŋga lau hoŋ naŋ sêtoc Atu ndê waê sa, naŋ sêtoc Damba ndê waê sa bocdinaŋ. Magoc asa naŋ toc Atu sa dom, naŋ toc Damba naŋ kêkiŋ iŋ meŋ, naŋ sa dom.

²⁴“Aö wasôm yom ñandô têt mac, bu asa naŋ kôc aneŋ yom sa, ma kêŋ whiŋ iŋ naŋ kêkiŋ aö gameŋ, naŋ oc tap matôc sa dom. Ï hu seŋ mbac ndu-ŋga siŋ su, ma tap seŋ mbo tali ñapaŋ-ŋga sa. ²⁵Yomandô dec wasôm têt mac. Têt naŋ Anötô gic bata, naŋ kwahic dec meŋ su, dec lau naŋ sêmbo seŋ sêmbac ndu-ŋga, naŋ oc sêŋgô Anötô ndê Atu awha. Ma ñac naŋ sêŋgô ma daŋga wambu, naŋ oc sêmbo tali. ²⁶Tali ñahu yêc Damba dau, ma iŋ kêŋ tali ñahu têt iŋ ndê Atu whiŋ. ²⁷Ma iŋ kêŋ ñaclai têt iŋ

bu êñsahê ñamalac, bu iñ ñamalac ndê Atu. ²⁸Asö tu yom dindec-nga dom. Ndoc oc meñ, nañ lau hoñ nañ sêmbac ndu su, nañ oc sêngô Atu ndê awha, ²⁹ma sêtisa akêñ lau batê-nga. Lau nañ sêkôm ñayham, nañ oc sêtisa ma sêtap Anötö ndê gameñ sêndöc tali ñapañ-nga sa. Magoc lau nañ sêkôm sac, nañ oc sêtisa ma sêtap matôc sa.

³⁰“Oc tòm dom bu aö wakôm gêñ dañ tañwasêñ. Ma aö oc wañsahê ma wamatôc lau wañkuc aö dauñ neñ gauc dom. Mba! Aö wamatôc lau wañkuc yom nañ Damañ, nañ kêkiñ aö gameñ, nañ sôm têtñ aö. Ma aö oc wakôm gêñ dau wañkuc lêtñ gitêtñ, ñahu bu aö gakôm gêñ dañ tu aneñ atac whiñ-nga dom, aö gakôm gêñ hoñ kakuc Damañ ndê atac whiñ.”

Gêñ nañ whê Yisu ndê ñahu sa

³¹“Aö bu wahoc yom asê pi dauñ, dec mac oc asôm bu aneñ yom ñandô mba, ma akêñ whiñ dom. ³²Magoc Damañ hoc yom asê bu whê aneñ ñahu sa, ma aö kayalê bu iñ ndê yom iñ yom ñandô.

³³“Jon, ñgac Kêku Lau-nga sôm yom ñandô asê pi aö whiñ, têtñ têm mac añkiñ lau sêtêtñ iñ si. ³⁴Aö gapônda yom nañ ñamalac sêhoc asê pi aö, nañ dom. Tigeñ kwahic dec aö gasôm yom pi Jon, bu mboe mac akêñ whiñ yom nañ iñ sôm pi aö, dec atap Anötö ndê mwasiñ nem mac si-nga sa. ³⁵Jon mbo gitôm ya ñawê nañ pô gameñ, ma gitôm ñasawa apê mac atisambuc iñ ndê ñawê.

³⁶“Magoc gêñ ñatô sêpuñ yom ñandô pi aö dôn, nañ hóc gêlêc Jon ndê yom pi aö. Alic gweleñ nañ aö gakôm gambo. Damañ dau kêñ gweleñ dinañ sip aö amañ tu bu wandic dabiñ, ma gweleñ dau tôc asê bu iñ kêkiñ aö gameñ. ³⁷Ma Damañ dau, nañ kêkiñ aö gameñ, nañ hoc yom asê pi aö. Magoc mac lau daôm añgô iñ ndê awha dom, ma mac alic iñ añgô su dom. ³⁸Ma iñ ndê yom yêc mac nem ñalôm dom, ñahu bu iñ kêkiñ aö gameñ, magoc mac akêñ whiñ aö dom. ³⁹Mac asam Anötö ndê yom nañ sêto yêc, nañ ñapañ, tu bu akip yom hoñ ñahu sa. ñahu bu mac gauc gêm bu mac oc atap señ andöc tamli-nga sa yêc yom dau ñalôm. Yom dau dinañ hêganônñ aö, ma whê aneñ ñahu sa, ⁴⁰tigeñ mac atec bu atêtñ aö ameñ, ma atap señ andöc tamli-nga dau sa.

⁴¹“Aö gameñ bu ñamalac sêpo aö neñ waêñ sa dom. ⁴²Magoc aö kayalê mac su, dec galic bu Anötö ndê atac whiñ yêc mac nem ñalôm dom. ⁴³Aö gameñ gam Damañ añgô, tigeñ mac akôc aö sa dom. Magoc ñamalac dañ nañ meñ tu dau-nga, nañ mac akôc iñ sa ñagahô eñ. ⁴⁴Mac atac whiñ bu atap waêm sa yêc mac daôm nem lau, magoc akôm bu atap waêm sa yêc Anötö tigeñ ndê dom. Ma bocdinañ, mac oc akêñ whiñ aö ñalêtñ bocke? ⁴⁵Gauc nem bu aö dauñ oc wasôm mac nem giso asê yêc Damañ añgô-nga dom. Mba! Mac akêñ Batam bu yomsu nañ Moses to, nañ oc ti mac nem señ andöc tamli ñapañ-nga, tigeñ yomsu dau oc tôc nem giso asê. ⁴⁶Ñahu bu Moses dau to yom pi aö, ma mac bu akêñ whiñ iñ, dec oc akêñ

whiŋ aö. 47Tigeŋ mac akêŋ whiŋ yom naŋ iŋ to, naŋ dom, ma bocdinaŋ mac oc akêŋ whiŋ aneŋ yom ŋalêŋ nde? Oc tòm dom!”

Yisu gôlôm lau 5,000

(*Mat 14:13-21; Mak 6:30-44; Luk 9:10-17*)

6 1Tiŋambu Yisu kôc ndê ŋgac-sêŋomi sa ma sic Bugictoŋ Galili-ŋga kic ma sêpi daŋga si. (Bugictoŋ dau sêsam ŋaê daŋ bu Taibirias.) 2Ma lau daêsam sêŋkuc iŋ si, ŋahu bu ŋac sêlic gêŋ dalô naŋ iŋ kôm têt ndoc iŋ kôm lau gêm bac ŋayham sa. 3-4Têt têt dinaŋ lau Israel si om atu Mwasinŋ Pasowa-ŋga meŋ kêpiŋ tiyham. Yêc bugictoŋ ŋadaŋga, Yisu pi lôc daŋ gi ma ndôc sic whiŋ iŋ ndê ŋgacsêŋomi. 5Ma iŋ hóc tandô sa ma gêlic lau daêsam naŋ sêwê sêmeŋ, goc sôm têt Pilip, “Danemlihi gêŋ daneŋ-ŋga yêc nde, bu dakêŋ têt lau daêsam dindec sêneŋ?” 6Iŋ dau kêyalê gêŋ naŋ iŋ bu kôm, naŋ su, magoc sôm yom dinaŋ bu êŋsahê Pilip. 7Ma Pilip ô yom ma sôm, “Oc tòm dom andô! Mone atu gitôm †denarii 200 bu ndôc, ma dakôc mone dau ma danemlihi gêŋ daneŋ-ŋga, tigeŋ oc tòm dom bu lau daêsam dindec sêneŋ ŋagec-ŋagec.” 8Têt dinaŋ Yisu ndê ŋgacsêŋom daŋ, Saimon Pita ndê asi Andru, sôm têt Yisu, 9“Balê daŋ mbo, naŋ kôc bolom amaŋdaŋ ma i lu. Tigeŋ gêŋ dinaŋ oc nditôm lau hoŋ dindec dom andô!” 10Goc Yisu sôm, “Mac asôm têt lau bu sêndôc sic.” Kwaŋ daêsam yêc gameŋ dinaŋ, ma lau hoŋ sêndôc sic sêndôc kwaŋ. Lau toŋ dinaŋ si launŋac gitôm 5,000.

11Ma Yisu kôc bolom ma gêm daŋge, goc kêŋ têt lau naŋ sêndôc dinaŋ, bu sêndic sam têt dandi. Ma iŋ gêm mbec i lu ma kêŋ têt ŋac bocdinaŋ, ma ŋac seŋ tòm si atac whiŋ. 12Ŋac seŋ e hóc ŋac dôŋ, goc iŋ sôm têt ŋgacsêŋomi, “Mac andic ŋadêlê hoŋ sa, bu taŋyaiŋ gêŋ daŋ dom.” 13Bolom amaŋdaŋ ma i lu dinaŋ, lau seŋ e gitôm, ma ŋgacsêŋomi sic ŋadêlê sa sip gatop 12 e meŋhu.

14Lau sêlic gêŋ dalô atu naŋ Yisu kôm, goc sêsôm têt dau, “Yomandô! Propet atu naŋ dakêŋ bataŋ bu sip nom meŋ, naŋ ŋgac dau dindec, me?” 15Têt dinaŋ Yisu kêyalê bu ŋac gauc gêm bu sêkôm ŋaŋga bu sêkôc iŋ sa ma sêkêŋ iŋ ti ŋac si kiŋ. Dec iŋ kêdahinŋ dau su, ma kôlhô tawasê pi lôc daŋ gi.

Yisu kêsêlêŋ mbo bu ŋahô

(*Mat 14:22-33; Mak 6:47-51*)

16Têt ac gi sip, Yisu ndê ŋgacsêŋomi sêmbu sêtêt bugictoŋ si. 17Ŋac bu sêndic bu kic ma sêmbu sêtêt malac Kapenaom sêndi, dec sêpi waŋ daŋ ma sêsa si. Ŋasec sa su, magoc Yisu meŋ hóc asê ŋac su dom. 18-19Ŋac sêhêc waŋ sêsa ŋasawa baliŋ gitôm 5 kilometa, ma mbu puc ŋadinda e gêli bu ŋamponŋ sa. Têt dinaŋ sêlic Yisu kêsêlêŋ mbo bu ŋahô meŋ kêpiŋ waŋ, dec sêtôc dau atu. 20Magoc iŋ sôm têt ŋac, “Atôc daôm dom! Bu aö

dauŋ dindec.”²¹ Goc sêkôc iŋ pi waŋ ti atac ŋayham, ma ŋagahô sêhôt asê baô yêc Kapenaom.

²²⁻²³Têŋ ŋagalaŋsê, lau daêsam naŋ sêmbo sêwhiŋ Pômdau têŋ ndoc iŋ gêm danŋe bolom ma kêŋ têŋ ŋac seŋ, naŋ gacgeŋ sêmbo bugictoŋ ŋadaŋga. Ŋac sêŋyalê bu waŋ tigeŋ dinaŋ ŋgacsêŋnômi sêpi ma sêlhô si, ma bu Yisu pi waŋ dau whiŋ ŋac dom. Malô goc waŋ ŋatô akêŋ malac Taibirias sêmeŋ sêsôt baô yêc dinaŋ. ²⁴Ŋac sêlic su bu Yisu ti iŋ ndê ŋgacsêŋnômi sêmbo dom, dec sêpi waŋ dau, ma sêtêŋ malac Kapenaom si bu sêŋsalê Yisu.

Yisu iŋ bolom kêŋ ŋamalac sêndôc tali-ŋga

²⁵Ŋac sic bugictoŋ kic, ma sêtap Yisu sa, goc sêsôm, “Kêdôhônŋwaga, am mweŋ têŋ nde?” ²⁶Ma Yisu ô yom ma sôm, “Yom ŋandô aô wasôm têŋ mac. Aô gakôm gêŋ dalô naŋ tôm bu whê mac nem gauc sa pi aô neŋ ŋahu. Magoc mac aŋsalê aô ma atac whiŋ bu ambo awhiŋ aô tu gêŋ dinaŋ-ŋga dom. Mba. Mac atac whiŋ bu ambo awhiŋ aô, ŋahu bu aô gakêŋ bolom têŋ mac aŋ e hôt mac dôŋ. ²⁷Akôm mwasac bu atap gêŋ daneŋ-ŋga naŋ gic waê bu niŋga, naŋ sa lec dom. Mba! Akôm mwasac tu bu atap gêŋ daneŋ-ŋga naŋ oc kêŋ mac ambo tamli ŋapaŋ, naŋ sa. Ma gêŋ dau Ŋamalac ndê Atu oc kêŋ têŋ mac, bu Damba Anötô kêyalin iŋ sa su, ma kêŋ ŋaclai têŋ iŋ bu kôm gêŋ dau.”

²⁸Goc ŋac sêndac iŋ, “Gitôm bu am whê sa têŋ yac, gêŋ naŋ Anötô atac whiŋ bu yac akôm?” ²⁹Ma Yisu sôm, “Anötô ndê atac whiŋ ŋandô bu mac akôm gêŋ bocdec. Akêŋ whiŋ ŋgac naŋ iŋ kêkiŋ iŋ meŋ.” ³⁰⁻³¹Goc ŋac sêsôm, “Muŋ-ŋga yac mba abaŋi sêmbo gameŋ sawa ma seŋ mana ti ŋac si gêŋ daneŋ-ŋga, tôm yom naŋ sêto yêc bocdec, *‘Iŋ kêŋ bolom undambê-ŋga têŋ ŋac seŋ.’* Kwahic dec yac bu andac am bu kôm gêŋ dalô kaiŋ tigeŋ. Yac bu alic, dec yac oc akêŋ whiŋ am.” ³²Goc Yisu sôm, “Mac gauc gêm bu Moses kêŋ bolom undambê-ŋga têŋ mac. Magoc aô wasôm yom ŋandô têŋ mac bu aneŋ Damaŋ oc kêŋ bolom ŋandô undambê-ŋga têŋ mac. ³³Ma Anötô ndê bolom dau dec, iŋ naŋ sip akêŋ undambê meŋ ma kêŋ lau nom-ŋga sêndôc tali ŋapaŋ.” ³⁴Lau sêŋgô Yisu ndê yom dau, goc sêsôm têŋ iŋ, “Pômdau, kwahic dec ma ndi, yac atac whiŋ bu am kêŋ bolom dau dinaŋ têŋ yac.”

³⁵Goc Yisu sôm, “Bolom naŋ kêŋ ŋamalac sêndôc tali, naŋ aô dauŋ dec. Lau naŋ sêtêŋ aô sêmeŋ, naŋ gêŋ oc yô ŋac tiyham dom. Ma lau naŋ sêkêŋ whiŋ aô, naŋ bu oc yô ŋac tiyham dom. ³⁶Tigeŋ tôm aô gasôm têŋ mac su, mac alic aô su, magoc akêŋ whiŋ aô dom. ³⁷Lau bocke naŋ Damaŋ kêŋ têŋ aô, naŋ hoŋ oc sêtêŋ aô sêmeŋ. Ma lau naŋ sêtêŋ aô sêmeŋ, naŋ oc tôm dom bu wasoc ŋac si daŋ su. ³⁸Aô gasip akêŋ undambê gameŋ, bu wakôm gêŋ tôm aô dauŋ neŋ atac whiŋ dom. Mba! Aô gasip gameŋ, bu wakôm gêŋ tôm Damaŋ naŋ kêkiŋ aô gameŋ, naŋ

ndê atac whiḡ. ³⁹Ma Damaḡ atac whiḡ bu aō wayob ḡamalac hoḡ naḡ iḡ kēḡ tēḡ aō, bu ḡac si daḡ niḡga dom. Aō wauḡ ḡac hoḡ sa tēḡ bēc ḡambu-ḡga. ⁴⁰Damaḡ ndê atac whiḡ bocdec bu, lau hoḡ naḡ sēḡyalē iḡ ndê Atu, ma sēkēḡ whiḡ iḡ, naḡ oc sētap seḡ sēndōc tali-ḡga sa, ma aō wauḡ ḡac sa tēḡ bēc ḡambu-ḡga.”

⁴¹Tēḡ ndoc naḡ lau bata Israel-ḡga sēḡḡō Yisu sōm bu iḡ bolom naḡ sip akēḡ undambē meḡ, naḡ sēli awha sa pi iḡ. ⁴²ḡac sēsōm tēḡ dandi, “ḡḡac dindec iḡ Yisu, Josep ndê atuḡḡac. Yac taḡyalē iḡ dinda lu damba. Bocke ma kwahic dec iḡ sōm tēḡ yac bu iḡ sip akēḡ undambē meḡ?” ⁴³Dec Yisu sōm, “Ali awham sa tēḡ daōm dom! ⁴⁴Lau daḡ ḡitōm dom bu sētēḡ aō sēmeḡ ḡambwa. Damaḡ naḡ kēkiḡ aō gameḡ, naḡ bu kac ḡac si gauc kwi, dec oc tōm bu sētēḡ aō sēmeḡ. Ma aō oc wauḡ ḡac sētisa tēḡ bēc ḡambu-ḡga. ⁴⁵Sēto propet akwa daḡ ndê yom yēc bocdec bu, ‘Anōtō oc ēndōhōḡ ḡamalac hoḡ.’ Bocdinaḡ dec ḡḡō. Lau hoḡ naḡ sēkēḡ daḡga Damaḡ ndē yom ma iḡ kēdōhōḡ ḡac, naḡ oc sētēḡ aō sēmeḡ. ⁴⁶Yom dau sōm bu Anōtō oc ēndōhōḡ lau, magoc ḡamalac daḡ ḡēlic Damaḡ su dom. Anōtō ndê Atu naḡ mbo whiḡ iḡ ma sip nom meḡ, iḡ tigeḡ ḡēlic iḡ. ⁴⁷Ma aō wasōm yom ḡandō. Asa naḡ kēḡ whiḡ Atu, naḡ tap seḡ ndōc tali ḡapaḡ-ḡga sa su. ⁴⁸Bolom kēḡ ḡamalac sēndōc tali-ḡga, naḡ aō dauḡ dindec. ⁴⁹Mac nem apami seḡ mana yēc gameḡ sawa, magoc tiḡambu ḡac hoḡ sēmbac ndu. ⁵⁰Tigeḡ bolom naḡ sip akēḡ undambē meḡ, iḡ bolom kaiḡ daḡ. ḡamalac daḡ bu neḡ, dec oc niḡga dom. ⁵¹Ma bolom tali-ḡga naḡ sip akēḡ undambē meḡ, naḡ aō dauḡ dec. ḡamalac daḡ bu neḡ bolom dindec, dec oc ndōc tali ḡapaḡ. Ma bolom dau dinaḡ aō neḡ ḡamsōm, naḡ aō oc wakēḡ bu lau hoḡ naḡ sēkēḡ whiḡ aō, naḡ oc sēndōc tali ḡapaḡ.”

⁵²Tēḡ dinaḡ lau bata Israel-ḡga sēseḡ dandi ḡandō, ma sēsōm tēḡ dau, “Bocke ma ḡḡac dindec sōm bu kēḡ iḡ ndē ḡamsōm tēḡ yac danaḡ?” ⁵³Ma Yisu sōm tēḡ ḡac, “Yomandō aō wasōm tēḡ mac. Mac bu aneḡ ḡamalac ndē Atu ndē ḡamsōm ti anōm iḡ ndē dac dom, dec oc tōm dom bu mac atap seḡ andōc tamli-ḡga sa. ⁵⁴Asa naḡ bu neḡ aō neḡ ḡamsōm, ma nōm aneḡ dac, naḡ tap seḡ ndōc tali ḡapaḡ-ḡga sa su.^c Ma aō oc wauḡ iḡ sa tēḡ bēc ḡambu-ḡga. ⁵⁵Bu aō neḡ ḡamsōm ti ḡēḡ aneḡ-ḡga ḡandō, ma aō neḡ dac ti ḡēḡ anōm-ḡga ḡandō. ⁵⁶Asa naḡ bu neḡ aō neḡ ḡamsōm, ma nōm aō neḡ dac, naḡ ḡēḡ dau oc piḡ alu dōḡ anem damiḡ dauḡ. Iḡ

^c 6:51-56 Lau ḡatō gauc ḡēm bu yom pi Yisu ndē ḡamsōm ti dac hēḡanōḡ Mwasīḡ Dabuḡ. Tigeḡ ḡabatīḡ 53 whē sa bu asa naḡ neḡ Yisu ndē ḡamsōm ma nōm iḡ ndē dac dom, naḡ oc tōm dom bu tap seḡ ndōc tali-ḡga sa. Bocdinaḡ yom dau bu hēḡanōḡ Mwasīḡ Dabuḡ, dec lau naḡ seḡ dom, naḡ oc sētōm dom bu sētap Anōtō ndē mwasīḡ sēndōc tali-ḡga sa bocdinaḡ. Gauc dinaḡ iḡ so. Pōmdau kēḡ iḡ ndē Mwasīḡ Dabuḡ bu puc yac dōḡ, ma ti seḡ datap undambē sa-ḡga dom. ḡamalac naḡ ḡēḡ Mwasīḡ Dabuḡ dom, magoc kēḡ whiḡ Yisu, naḡ oc ndōc tali. ḡalēḡ tigeḡ yēc bu datap seḡ dambo taḡli ḡapaḡ-ḡga sa, naḡ dakēḡ whiḡ Yisu.

oc mbo aö ñalôm, ma aö wambo in ndê ñalôm. ⁵⁷Tali ñahu yêc Daman ñaŋ kêiŋ aö gameŋ, ma aö dauŋ gambo taŋli tu in-ŋga. Bocdinaŋ asa ñaŋ kôc aö sa ti in ndê gêŋ daneŋ-ŋga ñandô, ñaŋ oc mbo tali tu aö-ŋga. ⁵⁸Mac damami seŋ mana, magoc tiŋambu sêmbac ndu. Bolom ñaŋ sip akêŋ u ndambê meŋ, ñaŋ aö dauŋ dindec. Ma asa ñaŋ bu neŋ bolom dindec, ñaŋ oc mbo tali ñapaŋ.” ⁵⁹Yisu sôm yom hoŋ dinaŋ têŋ ndoc in kêdôhôn lau mbo lôm wê-ŋga yêc malac Kapenaom.

Yisu ndê sêŋomi ñatô sêhu in siŋ

⁶⁰Têŋ ndoc sêŋgô Yisu ndê yom dinaŋ, goc in ndê †sêŋomi daêsam sêsôm, “Aluê! Yom dinaŋ ñawapac ñandô! Asa gitôm bu oc kôc sa ma êŋyalê?” ⁶¹Yisu kêyalê bu in ndê sêŋomi sêtuçdiŋ tu in ndê yom-ŋga, dec sôm, “Yom dindec kêŋ wapac mac, a? ⁶²Bocdinaŋ, têŋ ndoc mac alic ñamalac ndê Atu mbu pi gameŋ ñaŋ in mbo têŋ ñamata-ŋga ndi, ñaŋ mac oc akêŋ whiŋ, me oc kêŋ wapac mac êŋlêc? ⁶³Ñamalac si gauc me licwalô oc tôm dom bu kêŋ ñac sêndöc tali. Ñalau tigeŋ kêŋ ñamalac sêndöc tali ñapaŋ. Ma yom ñaŋ aö gasôm têŋ mac, ñaŋ Ñalau tigeŋ oc whê mac nem gauc sa e aŋyalê, ma bocdinaŋ atap seŋ andöc tamli ñapaŋ-ŋga sa. ⁶⁴Magoc mac nem lau ñatô sêkêŋ whiŋ aö dom.” (Yisu sôm yom dinaŋ bu in kêyalê gwanan lau ñatô ñaŋ sêkêŋ whiŋ in dom, ma ñgac ñaŋ oc hoc in asê.) ⁶⁵Ma in gic têku yom ma sôm, “Tu dinaŋ-ŋga dec aö gasôm bu lau ñaŋ sêtôm dom bu sêtêŋ aö sêmeŋ ñambwa. Daman ñaŋ kêŋ ñaclair têŋ ñac, dec oc tôm.”

⁶⁶Têŋ dinaŋ Yisu ndê sêŋomi daêsam sêhu in siŋ ma sêŋkuc in tiyham dom. ⁶⁷Goc in ndac in ndê ñ gacsêŋomi 12 bu, “Ma bocke? Mac bu ahu aö siŋ awhiŋ, a?” ⁶⁸Ma Saimon Pita sôm, “Pômdau, yac oc atêŋ asa andi? Am tamwasêm sôm yom ñaŋ tôm bu kêŋ yac andöc taŋli ñapaŋ. ⁶⁹Yac aŋyalê ma akêŋ whiŋ bu am Anötô ndê ñgac dabuŋ am.” ⁷⁰Goc Yisu ô yom ma sôm, “Aö dauŋ kayaliŋ mac lau 12 sa. Magoc aö kayalê su bu mac nem ñgac ñaŋ ti Sadaŋ ndê su.” ⁷¹In sôm yom dinaŋ pi Judas, Saimon Iskeriot ndê atuŋgac. Bu Judas in ñgacsêŋomi 12 si ñaŋ, ñaŋ tiŋambu hoc Yisu asê.

Yisu ndê asii sêkêŋ whiŋ in dom

7 ¹Tiŋambu Yisu kêsêlêŋ golom-golom malac ñaŋ sêyêc gameŋ Galili-ŋga. In mbo ahê gameŋ Judia-ŋga, bu in kêyalê bu lau bata Israel-ŋga ñaŋ sêmbô gameŋ dinaŋ, ñaŋ atac whiŋ bu sêndic in ndu. ²Têŋ ndoc lau Israel si †Mwasin atu Lôm Bac-ŋga meŋ kêpiŋ, ñaŋ ³Yisu ndê asii sêsôm, “Yac gauc gêm bu ñayham bu am sip têŋ gameŋ Judia-ŋga ndi. Bu am nem sêŋomi ñatô sêmbô dindê, dec kôm gêŋ dalô bu ñac sêlic. ⁴Ñamalac ñaŋ bu kôm dau ti ñgac tiwaê, ñaŋ siŋ dau dom. Am kôm gêŋ dalô daêsam, bocdinaŋ tôc daôm asê têŋ ñamalac hoŋ.” ⁵Yisu ndê asii sêsôm yom dinaŋ, ñahu bu sêkêŋ whiŋ in dom.

6-8 Dec Yisu sôm têtj inj ndê asii, “Aö oc wasip gamej Judia-nga wandi dom, bu anej ndoc yêc dön yêc. Lau sac nom-nga sêtec aö, bu aö êlêmê gahoc yom asê pi gêtj giso hoj naj nac sêkôm. Magoc lau nom-nga sêtec mac dom, ma bocdinaj mac api Jerusalem andi, tu Mwasinj dinaj-nga. Mac atôm bu akôm gêtj têtj têtj bocke naj mac atac whinj, magoc anej têtj hóc asê su dom.”

9 Yisu sôm yom dinaj su, ma gacgej mbo Galili. 10 Tigej têtj ndoc inj ndê asii sêpi Jerusalem si bu sêlic om atu Lôm Bac-nga, naj inj kêtjuc nac gi. Magoc inj sinj dau bu lau sêlic inj dom. 11 Lau bata Israel-nga naj sêmbo Jerusalem tu Mwasinj dinaj-nga, naj taso inj ma sêndac, “Ïgac dinaj mbo nde?” 12 Ma lau daêsam naj sêmbo malac dinaj, naj sic yom sec têtj dandi pi Yisu. Ïjatô sêsôm, “Ïj nac nayham.” Ma ñjatô sêsôm, “Mba! Ïj kêsau lau.” 13 Magoc ñamalac dañ sôm yom pi Yisu yêc awê dom, bu sêtöc lau bata Israel-nga.

Yisu kêdôhôn lau

14 Bêc ñjatô giñga su ma Mwasinj Lôm Bac-nga gi sa ñalhu. Ma têtj dinaj, Yisu sôc lôm dabuj ñabatêmndö gi, ma gic hu kêdôhôn lau. 15 Ïj ndê yom kôm lau bata Israel-nga sêhêdaê ma sêsôm, “Ïgac dindec sôc lôm dom, ma bocke dec inj kêdôhôn lau ña yom ti gauc atu-tu?” 16 Ma Yisu sôm, “Aö kaddôhôn aö dauj nej yom dom, magoc inj naj kêtjij aö gamej, naj ndê yom. 17 Lau naj atac whinj bu dañga wambu Anötö, naj oc sêtjyalê bu yom hoj naj aö kaddôhôn, naj mej akêtj Anötö ndê, ma aö nej yom dom. 18 Asa naj sôm dau ndê yom, naj bu po dau ndê waê sa. Magoc aö bu wapo inj naj kêtjij aö gamej, naj ndê waê sa. Aö kasau dom, aö gasôm yom ñandö. 19 Moses kêtj yomsu têtj mac, magoc mac ne m dañ dañga wambu ñapep dom. Tu sake-nga mac asôm bu aö kagilij yomsu, dec atac whinj bu andic aö ndu?”

20 Goc lau ñjatô sêsôm, “Asa tac whinj bu ndic am ndu? Ïjalau sac dañ oc sip am nem ñalôm su!” 21 Ma Yisu sôm têtj nac, “Aö gakôm gêtj dalö dañ têtj bêc Sabat-nga, ma mac hoj asö. 22 Mac añgôlij yom pi aö ma asôm bu aö kagilij y omsu Sabat-nga, magoc mac daôm akôm gwelêj têtj bêc Sabat-nga. Mac añkuc ñpwac asê balêi si ñamlic ñjatô su-nga, tôm Moses to ma gic dulu têtj mac. (Pwac dau Anötö kêtj têtj Moses dom, magoc kêmwatiñ têtj abañj muñ su.) Mac asê balêi si ñamlic têtj nac si bêc ti-8-nga, ma bocdinaj balêi ñjatô mac asê nac têtj bêc Sabat-nga. 23 Mac alic nayham bu akôm gêtj dau têtj Sabat tu bu añgij Moses ndê yomsu dom. Aö dec gakôm ñamalac dañ ndê ñamlic sambuc nayham sa têtj bêc Sabat-nga, ma bocdinaj tu sake-nga mac atac ñandê têtj aö? 24 Alic gêtj awê-nga ñambwa tu amatöc yom-nga dom! Aköc gauc ñapep pi gêtj ñalôm-nga whinj.”

Lau sêndac bata Yisu

25 T êj ndoc dinaj lau Jerusalem-nga ñjatô sêsôm, “Ïgac dindec inj ñgac naj lau bata sêtjyalê lêtj tu bu sêndic inj ndu-nga. 26 Tigej alic! Ïj

sôm yom mbo awê, magoc lau bata sêsôm yom daŋ têt in dom. Bocke? M boe ŋac sêkêt whiŋ bu in Mesaya dau, me? ²⁷Tigeŋ yac aŋyalê ŋac dindec ndê malachu. Ma têt ndoc Mesaya oc meŋ, naŋ lau daŋ oc sêŋyalê gameŋ naŋ in meŋ akêt, naŋ dom.” ²⁸Yisu kêdôhôn lau mbo lôm dabuŋ ŋabatêmdö têt têt dinaŋ, ma in ta yom bocdec bu, “Mac lau dinaŋ gauc gêm bu mac aŋyalê aô, ma bu mac aŋyalê a ô neŋ malachu, a? Aô gameŋ ŋa aô dauŋ neŋ ŋaclai dom. Aô Damaŋ kêt in aô gameŋ, ma in Anötö ŋandô, magoc mac aŋyalê in dom. ²⁹Aô dec kayalê in, bu muŋ-ŋga aô gambo gawhiŋ in, ma kwahic dec in kêt in aô gameŋ.”

³⁰Têt dinaŋ ŋac sêŋsahê bu sêkôt in dôŋ, tigeŋ in ndê ndoc yêc dôŋ yêc, dec lau daŋ gitôm dom bu sêkêt amba pi in. ³¹Magoc lau daêsam yêc toŋ atu dinaŋ sêkêt whiŋ in ma sêsôm, “Yac akêt bataŋ Mesaya, ma akêt whiŋ bu têt ndoc in meŋ, naŋ in oc kôm gêt dalô daêsam. Tigeŋ asa gitôm bu kôm gêt dalô atu-tu naŋ sêhôt gêlêc gêt dalô daêsam naŋ ŋac dindec kôm, naŋ su?”

Lau Palêsai ti dabuŋsiga atu-tu sêkôm bu sêkôt Yisu dôŋ

³²Lau Palêsai sêŋgô bu lau sem yomgalôm pi Yisu ma sêkôt gauc kaiŋ dinaŋ pi in. Goc ðdabuŋsiga atu-tu ti lau Palêsai sêŋkiŋ lau siŋ-ŋga ŋatô naŋ sêyob lôm dabuŋ, bu sêkôt in dôŋ. ³³Têt dinaŋ Yisu sôm, “Aô wambo wawhiŋ mac ŋasawa sauŋ, goc walhō wambu watêt in naŋ kêt in aô gameŋ, naŋ wandi. ³⁴Mac oc aŋsalê aô, magoc oc atap aô sa dom, ma mac atôm dom bu aŋkuc aô atêt gameŋ naŋ aô oc wambo.” ³⁵Goc lau Israel-ŋga sêsôm têt dandi, “Ŋgac dindec oc mbo nde, dec yac oc datôm dom b u datap in sa? Mboe in oc ndi mbo whiŋ yac neŋ lau Israel-ŋga ŋatô, naŋ sêndöc lau Grik si gameŋ ma êndôhôn lau Grik yêc dindê? ³⁶In sôm bu yac oc taŋsalê in, magoc oc datap in sa dom, ma bu yac datôm dom bu datêt gameŋ naŋ in oc mbo, naŋ dandi. Yom dau ŋahu bocke?”

Yisu sôm yom pi Ŋalau Dabuŋ

³⁷Têt Mwasin Lôm Bac-ŋga ŋabêc atu ŋambu-ŋga, naŋ Yisu tisa kalhac ma mbwêc awha atu bocdec bu, “Am asa naŋ bu yô am, naŋ têt aô mweŋ, ma nôm. ³⁸Tôm Anötö ndê yom naŋ sêto yêc, naŋ sôm, asa naŋ kêt whiŋ aô, naŋ bu tali-ŋga oc êmbulup pi in ndê ŋalôm.” ³⁹Yisu ndê yom dinaŋ hêganôn Ŋalau Dabuŋ, naŋ tiŋambu Anötö oc kêt têt lau naŋ sêkêt whiŋ Yisu. (Têt têt dinaŋ, Anötö kêt Ŋalau Dabuŋ têt lau su dom, ŋahu bu Yisu ndê têt tu tap in ndê ŋawasi sa-ŋga yêc dôŋ yêc.)

Lau sêseŋ dau pi Yisu

⁴⁰Têt ndoc Yisu sôm yom dau, naŋ lau ŋatô sêsôm, “Yomandô! Ŋgac dindec in propet atu gitôm Moses, naŋ Anötö gic bata bu êŋkiŋ meŋ.” ⁴¹Ma ŋatô sêsôm, “Mba! In Mesaya dau!” Magoc lau ŋatô sêsôm, “Mba!

Bu Mesaya oc meŋ akêŋ gameŋ Galili-ŋga dom. ⁴²Anötö ndê yom naŋ sêto yêc, naŋ sôm bu Mesaya oc meŋ sa yêc Kiŋ Dawid ndê wakuc, ma yêc Dawid ndê malac Betlehem.” ⁴³Bocdinaŋ lau sêseŋ dau pi Yisu. ⁴⁴Lau ŋatô tac whiŋ bu sêkôc iŋ dôŋ, magoc ŋamalac daŋ gitôm dom bu kên amba pi iŋ.

Lau bata Israel-ŋga sêkêŋ whiŋ Yisu dom

⁴⁵Tiŋambu lau siŋ lôm dabuŋ-ŋga sêmbu sêtêŋ dabuŋsiga atu-tu ti lau Palêsai si. Ma ŋac sêndac lau siŋ-ŋga dau bocdec bu, “Bocke ma mac akôc Yisu dôŋ dom?” ⁴⁶Goc lau siŋ-ŋga sêô yom ma sêsôm, “Ŋamalac naŋ sôm yom gitôm ŋgac dinaŋ, naŋ yac ŋgô daŋ su dom.” ⁴⁷Goc lau Palêsai sêsôm, “Mboe iŋ kêsau mac awhiŋ, a? ⁴⁸Alic bu yac lau Palêsai ma lau bata mba daŋ kên whiŋ bu iŋ Mesaya dau dom. Mba andô! ⁴⁹Tigeŋ lau ŋambwa-ŋambwa, naŋ si gauc sa dom pi Anötö ndê yom naŋ sêto yêc, naŋ sêkêŋ whiŋ iŋ. Anötö ndê atac ŋandê pi ŋac!”

⁵⁰Lau bata dinaŋ si daŋ iŋ Nikodemas, ŋgac naŋ muŋ-ŋga gi gêlic Yisu. Têŋ ndoc iŋ ŋgô ŋac si yom dinaŋ, dec sôm têŋ ŋac bu, ⁵¹“Yac neŋ yomsu gic yao bu dakic yom tu tamatôc ŋamalac daŋ-ŋga ŋambwa dom! Gêŋ ŋamata-ŋga daŋgô iŋ dau ndê yom, ma dakip yom sa pi gêŋ naŋ iŋ kôm.” ⁵²Magoc ŋac sêsôm, “Mboe am bu ti iŋ ndê ŋgacsêŋom daŋ whiŋ ŋac lau Galili-ŋga dinaŋ, a? Am ndi ma kip ŋahu sa yêc Anötö ndê yom, ma am oc tap sa bu propet daŋ oc meŋ akêŋ gameŋ Galili-ŋga dom.”

[Yisu tawalô awhê sac daŋ^d

⁵³Dinaŋ su, ma lau hoŋ sêlhô têtêŋ ma sêmbu sêtêŋ ŋac si andu si.

8 ¹Goc Yisu hu malac Jerusalem siŋ ma sa gi mbo Lôc Olib. ²Têŋ ŋagalaŋsê bêbêc, iŋ mbu sôc Jerusalem gi, ma mbo lôm dabuŋ ŋabatêmdô. Ma lau daêsam sêwê sêtêŋ iŋ sêmeŋ, dec iŋ ndôc sic ma kêdôhôn ŋac. ³Ma lau naŋ sêndôhôn yomsu ti lau Palêsai sêwê awhê daŋ sêtêŋ iŋ sêmeŋ, naŋ sêtap iŋ sa têŋ ndoc iŋ kôm mêtê mockaiŋ-ŋga. Ma sêkêŋ a whê dau kalhac lau hoŋ ŋgô-ŋga. ⁴Ma sêsôm têŋ Yisu, “Kêdôhônwaga, sêtap awhê dindec sa kôm mêtê mockaiŋ-ŋga. ⁵Moses to yomsu bu datuc lauwê kaiŋ dindec ŋa hoc ndu. Bocdinaŋ sôm bu yac oc dakôm sake?” ⁶Ŋac bu sêtim iŋ ŋa gêndac dinaŋ, sêŋsalê yom daŋ bu sêŋgôliŋ pi iŋ. Magoc Yisu pôn sic gi ndôc, ma gic hu to yom yêc nom ŋa amba-atu. ⁷Goc ŋac sêŋsu iŋ e iŋ tisa ma sôm têŋ ŋac, “Mac nem asa bu ndê sac mbasi, naŋ ti ŋgac ŋamata-ŋga bu kôc hoc ma tuc pi awhê dindec.” ⁸Goc iŋ pôn sic tiyham ma to yom yêc nom. ⁹Têŋ dinaŋ lau naŋ sêŋgô Yisu ndê yom sic hu sêlhô tigeŋ-tigeŋ. Lau atu-tu sêlhô sêmuŋ, goc lau ŋatô sêŋkuc e Yisu tawasê mbo, ma awhê dau kalhac iŋ ŋgô-ŋga.

^d 7:53 Yom naŋ yêc 7:53–8:11 naŋ yêc bapia akwa ŋatô dom.

¹⁰Dec Yisu tisa ma ndac iñ, “O awhê! Ma lau dau nde? Asa dec mbo bu êngôliñ yom pi am ma êmatôc am?” ¹¹Ma iñ sôm, “O ñadau, lau mba!” Goc Yisu sôm, “Ma bocdinañ aö wamatôc am dom whiñ. Magoc am lhô ndi, ma hu nem mêtê sac siñ.”]

Yisu iñ ñawê Nom-ñga

¹²Tiñambu Yisu sôm yom têtñ lau bocdec bu, “Aö ñawê nom-ñga. Asa nañ bu êñkuc aö, nañ oc sa señ ñasec-ñga tiyham dom. Iñ oc êñsêlêñ mbo ñawê nañ tôc señ ndôc tali-ñga asê.”

¹³Magoc lau Palêsai sêsôm têtñ iñ, “Am tamwasêm hoc yom asê pi daôm. Tu dinañ-ñga dec yac oc akôc am nem yom sa dom.” ¹⁴Ma Yisu ô yom ma sôm, “Aö bu wahoc dauñ neñ yom asê, dec aneñ yom dau iñ yom ñandô. Ñahu bu aö kayalê gameñ nañ aö gameñ akêñ nañ, ma gameñ nde nañ wambu wandi. Tigeñ mac añyalê gameñ dinañ dom. ¹⁵Mac añsahê ti amatôc lau añkuc ñamalac si gauc. Magoc aö dec wamatôc ñamalac dañ gitôm mac akôm, nañ dom. ¹⁶Aö bu wamatôc lau, dec aneñ yom hoñ iñ yom ñandô, ñahu bu aö tañwasêñ dom. Damañ nañ kêkiñ aö, nañ mbo whiñ aö. ¹⁷Mac daôm nem yomsu sôm bu ñgac lu bu sêpuc si yom dôn bu yom ñandô, dec mac oc akôc yom dau sa. ¹⁸Kwahic dec aö gahoc yom asê tu dauñ-ñga, ma Damañ nañ kêkiñ aö, nañ dec puc aneñ yom dôn. Bocdinañ tu sake-ñga mac akôc aneñ yom sa dom?” ¹⁹Goc sêndac iñ, “Am Damam nde?” Ma Yisu sôm, “Mac añyalê aö dom, ma mac añyalê Damañ dom bocdinañ. Mac bu añyalê aö, dec oc tôm bu mac añyalê Damañ whiñ.”

²⁰Yisu sôm yom dinañ têtñ ndoc iñ kêdôhôn lau mbo kêpiñ apa nañ lau sêkêñ si da sip-ñga yêc lôm dabuñ ñamakê. Magoc lau dañ sêkôc iñ dôn dom, bu iñ ndê ndoc hôc asê su dom.

Yisu ndê ñahu yêc nom dom

²¹Ma Yisu sôm tiyham têtñ lau Palêsai, “Aö oc wahu mac siñ, ma mac oc añsalê aö. Magoc gameñ nañ aö bu wandi, nañ mac atôm dom bu andi. Mac oc ambac ndu ti nem sac tôhôn.” ²²Goc lau bata dinañ sêsôm têtñ dandi, “Iñ dau sôm bu gameñ nañ iñ oc ndi, nañ yac datôm dom bu dandi. Bocke? Iñ oc ndic dau ndu, a?” ²³Ma Yisu gic têtñ yom ma sôm, “Aneñ ñahu yêc lólôc. Mac lau nom dindec-ñga, magoc aö neñ ñahu yêc nom dindec dom. ²⁴Aö gasôm têtñ mac su, bu mac oc ambac ndu ti nem sac tôhôn. Aö wasôm yom ñandô têtñ mac, bu mac bu akêñ whiñ yom nañ aö gawhê sa pi dauñ, nañ dom, dec mac oc ambac ndu ti mac nem sac.” ²⁵Goc ñac sêndac, “Am asa?” Ma iñ sôm, “Oc tôm bu mac añyalê su, bu têtñ ñamata-ñga e meñ, aö gawhê dauñ sa têtñ mac. ²⁶Yom daêsam yêc bu wasôm pi mac bu watôc nem giso asê. Magoc yom hoñ nañ aö gañgô yêc iñ nañ kêkiñ aö gameñ, nañ dec wasôm asê têtñ lau nom-ñga. Ma iñ ndê yom iñ yom ñandô eñ.”

²⁷Ŋac sênyalê dom bu iŋ sôm yom dau pi iŋ Damba. ²⁸Goc iŋ sôm, “Têŋ ndoc mac asuŋ Ŋamalac ndê Atu sa yêc nom, naŋ mac oc aŋyalê bu aö dauŋ dec Mesaya dau, ma aö gakôm gêŋ daŋ kakuc aö taŋwasêŋ neŋ gauc dom. Mba. Yom hoŋ naŋ aö gasôm, naŋ Damaŋ dau kêŋ têŋ aö. ²⁹Iŋ dau kêkiŋ aö gameŋ, ma iŋ oc tec aö bu wambo taŋwasêŋ dom. Iŋ mbo whiŋ aö ŋapaŋ. Ŋahu bu aö gakôm gêŋ hoŋ tôm iŋ atac whiŋ.” ³⁰Yisu sôm yom dinaŋ, ma lau daêsam naŋ sêŋgô, naŋ sêkêŋ whiŋ iŋ.

Yom ŋandô oc êŋgapwêc yac su

³¹Ma Yisu sôm têŋ lau Israel-ŋga naŋ sêkêŋ whiŋ iŋ, “Mac bu asap aneŋ yom dôŋ ma daŋam wambu, dec mac ati aneŋ sêŋyomi ŋandô. ³²Ma mac oc aŋyalê yom ŋandô, ma yom ŋandô dau oc êŋgapwêc mac su bu ambo atôm lau akiŋ ŋambwa tiyham dom.” ³³Goc ŋac sêsôm, “Abraham ndê wakuc yac. Ma yac am akiŋ lau daŋ dom. Bocdinaŋ am sôm bu êŋgapwêc yac su yêc sakiŋ bocke?” ³⁴Goc Yisu ô yom bocdec bu, “Aö wasôm yom ŋandô. Asa naŋ sap mêtê sac dôŋ, naŋ ŋgac me awhê akiŋ mêtê sac-ŋga. ³⁵Ma ŋgac akiŋ ŋambwa oc wêkaiŋ ŋadau ndê gêŋ daŋ, me mbo iŋ ndê andu ŋapaŋ dom. Mba! Ŋadau ndê atu solop oc wêkaiŋ gêŋ ma mbo ŋapaŋ. ³⁶Magoc Anötö ndê Atu bu êŋgapwêc mac su, dec mac oc ambo atôm lau akiŋ ŋambwa tiyham dom andô.

³⁷“Aö kayalê su, bu Abraham ndê wakuc mac. Tigeŋ mac akôm bu andic aö ndu, ŋahu bu mac akôc aneŋ yom sa sip nem ŋalôm su dom. ³⁸Aö gasôm yom asê pi gêŋ naŋ Damaŋ tôc asê têŋ aö, magoc mac akôm mêtê aŋkuc yom naŋ mac daôm damam sôm têŋ mac.” ³⁹Ma ŋac sêsôm tiyham, “Yac damaŋ iŋ Abraham.” Magoc Yisu sôm, “Mac bu Abraham atui mac, dec mac oc asa lêŋ gitêŋ gitôm iŋ dau ndê. ⁴⁰Tigeŋ aö gasôm yom ŋandô gitôm aö gaŋgô yêc Anötö, ma mac akôm bu andic aö ndu. Abraham oc kôm gêŋ kaiŋ dinaŋ dom. ⁴¹Mac aŋkuc Abraham ndê lêŋ dom, dec tôc asê bu mac nem damam iŋ ŋgac daŋ dau-ŋga daŋ.” Magoc ŋac sêsôm, “Yac lau ŋasawa-ŋga dom. Yac mba damaŋ tigeŋ iŋ Anötö dau.”

⁴²Têŋ dinaŋ Yisu sôm, “Anötö bu ti mac nem damam, dec mac oc atac whiŋ aö. Ŋahu bu aö gameŋ akêŋ Anötö, dec gambo lec. Aö gameŋ tu dauŋ-ŋga dom, magoc Anötö dau kêkiŋ aö gameŋ. ⁴³Mac atôm dom bu aŋgô aneŋ yom, ma bocdinaŋ mac aŋyalê aneŋ yom ŋahu dom. ⁴⁴Mac nem damam iŋ Sadaŋ, ma mac akôm tôm iŋ atac whiŋ. Têŋ têm ŋamata-ŋga e meŋ, iŋ sa lêŋ ndic ŋamalac ndu-ŋga. Iŋ sap yom ŋandô dôŋ dom, bu yom ŋandô daŋ yêc iŋ ndê ŋalôm dom. Iŋ tasaŋ-nda, ma yom tasaŋ ŋadamba iŋ. Iŋ sôm yom kêkuc iŋ dau ndê awha solop, ma yom hoŋ naŋ iŋ sôm, naŋ yom tasaŋ. ⁴⁵Tigeŋ aö dec gasôm yom ŋandô eŋ, ma tu dinaŋ-ŋga mac akêŋ whiŋ aneŋ yom dom. ⁴⁶Mac nem asa gitôm bu tôc aneŋ giso daŋ asê? Aö gasôm yom ŋandô, ma tu sake-ŋga mac akêŋ whiŋ

aö dom? ⁴⁷Anötö ndê atui ñandô sêngô iñ ndê yom ma danğa wambu. Magoc mac anğô iñ ndê yom dom, dec tîc asê bu mac ati iñ ndê atui ñandô dom.”

Yisu sôm yom asê pi dau

⁴⁸Têñ dinañ lau bata Israel-nga sêsôm, “Yac asôm solop bu am gitôm lau Samaria-nga nañ si gauc sa pi Anötö dom, ma bu ñalau sac dañ mbo am nem ñalôm.” ⁴⁹Magoc Yisu sôm, “Mba! Ñalau sac mbo aö neñ ñalôm dom. Mac atoc aneñ waêñ sa dom, magoc aö bu wapo Damañ ndê waê sa. ⁵⁰Aö kasalê dauñ neñ waêñ dom, magoc Anötö oc po aneñ waêñ sa. Ma iñ oc êmatîc gêñ hoñ. ⁵¹Aö wasôm yom ñandô têñ mac, bu asa nañ ñğô aneñ yom ma danğa wambu, nañ oc niñga dom, magoc iñ oc mbo tali ñapañ.”

⁵²Goc lau bata Israel-nga sêsôm têñ iñ, “Kwahic dec yac añyalê pi ñandô bu ñalau sac dañ mbo am nem ñalôm. Abraham ma lau propet sêmbac ndu, tigeñ am sôm bu asa nañ ñğô am nem yom ma danğa wambu, nañ oc niñga dom. ⁵³Am asa dec toc daôm sa? Am gauc gêm bu am hîc gêlêc damañ Abraham su, a? Yac añyalê bu iñ mbac ndu su, ma lau propet boc-dinañ.” ⁵⁴Ma Yisu ô yom ma sôm, “Aö dauñ bu wapo dauñ neñ waêñ sa, dec waêñ dau ti gêñ ñambwa-nga. Magoc aö Damañ, nañ mac asam bu mac nem Anötö, nañ po aneñ waêñ sa. ⁵⁵M agoc mac añyalê iñ dom. Aö dec kayalê iñ, ma danañ wambu iñ ndê yom. Aö bu wasôm bu kayalê iñ dom, dec aö ñgac tasan gitôm mac lau tasan. ⁵⁶Mac nem damam Abraham atac ñayham sa kêlêc, bu iñ kêñ bata bu lic aneñ bêc wahîc asê-nga. Ma iñ gêlic su ma tisambuc.”

⁵⁷Goc lau bata Israel-nga sêsôm têñ iñ, “Am nem yala tap 50 sa su dom. Ma bocke dec am sôm bu am gêlic Abraham su?” ⁵⁸Ma Yisu sôm, “Yomandô! Ndoc nañ Abraham dinda kîc iñ su dom, nañ aö gambo.” ⁵⁹Têñ têm ñac sêngô yom d inañ, goc sêkîc hoc sa bu sêtuc iñ, magoc Yisu siñ dau, ma kêdahîñ dau su yêc lôm dabuñ ñagameñ.

Yisu kôm ñgac tapec dañ tandô po asê

9 ¹Yisu kêsêlêñ gi, ma gêlic ñgac tapec dañ. Ñgac dau iñ tandô pec têñ ndoc iñ dinda kîc iñ ma meñ. ²Ma Yisu ndê ñgacsêñgomi sêndac iñ bocdec bu, “Kêdôhîñ-waga, ñgac dinañ tapec tu iñ dau ndê sac-nga, me tu dinda lu damba si sac-nga?” ³Goc Yisu sôm, “Iñ tapec tu iñ dau ndê sac-nga, me tu dinda lu damba si sac-nga dom. Magoc dinda kîc iñ ti tapec tu bu kwahic dec lau sêlic Anötö ndê gwelêñ ti ñaclai nem iñ sa-nga. ⁴⁻⁵Aö gambo nom gatôm lau nom-nga si ñawê, ma kwahic dec ti têm ñawê-nga. Ma bocdinañ kwahic dec yac oc dakôm Anötö nañ kêkiñ aö gameñ, nañ ndê gwelêñ. Têm ñasec-nga oc meñ hîc asê, ma têñ dinañ lau dañ oc sêtôm dom bu sêkôm gwelêñ.”

⁶Iñ sôm yom dinañ su, goc hê gasôp sip nom, kêyalin whiñ nom, ma sê pi ñgac tapec tandô. ⁷Ma iñ sôm têt iñ, “Am ndi êmgwasin añôm sip bu gapon Siloam.” (Iñê Siloam dau danem kwi bu ‘Kêkin.’) Goc iñ kôlhô gi kêgwasin añgô, ma iñ tandô ñayham sa. Ma iñ mbu têt ndê andu gi. ⁸Ma iñ ndê lau menpan iñ-ñga, ti lau nañ sênnyalê bu muñ-ñga iñ ñgac teñ gêt-ñga, n añ sêsô ma sêndac dandi, “Iñ ñgac nañ muñ-ñga ndôc ma teñ gêt, a?” ⁹Ma lau ñatô sêsôm, “Iñ ñgac dau dinañ.” Magoc ñatô sêsôm, “Mba! Iñ ñgac dañ dau-ñga, nañ añgô gi tap ñgac teñ gêt-ñga dinañ ndê añgô sa.” Magoc ñgac dau sôm, “Aô ñgac dauñ dec.” ¹⁰Goc sêndac iñ, “Ma bocke dec am nem tanôm ñayham sa?” ¹¹Ma iñ sôm, “Iñgac nañ sêsam iñ bu Yisu, nañ kêyalin sacbalê, ma kêt pi aô tanôn, goc kêkin aô bu wañgwasin añôn andô sip bu Siloam. Bocdinañ aô ga kagwasin dauñ, dec tanôn ñayham sa.” ¹²Ma sêndac, “Iñgac dinañ mbo nde?” Goc iñ sôm, “Aô kayalê dom.”

Lau Palêsai sêkip yom sa pi ñgac nañ tandô po asê

¹³⁻¹⁴Yisu kêyalin sacbalê ma kôm ñgac tapec dinañ tandô po asê têt bêt Sabat-ñga dañ. Ma tiñambu l au sêwê ñgac dau sêtêt lau Palêsai si. ¹⁵Têt ndoc lau Palêsai sêlic iñ, nañ sêndac iñ bu, “Am tanôm po asê ñalêt bocke?” Ma iñ ô yom ma sôm, “Iñgac dinañ kêt sacbalê pi aô tanôn, ma aô kagwasin dec tanôn po asê.” ¹⁶Goc Palêsai ñatô sêsôm yom pi Yisu bocdec bu, “Iñgac dinañ kêgilit yomsu Sabat-ñga, dec tañyalê bu iñ men akêt Anötô dom.” Magoc Palêsai ñatô sêsôm, “Iñgac sac oc tôm dom bu kôm gêt dalô kain dinañ.” ¹⁷Boc-dinañ ñac si yom so dau, ma sêndac ñgac dau tiyham, “Am ñgac daôm, am ñgac nañ iñ kôm am nem tanôm po asê, ma bocdinañ am sôm sake pi iñ?” Ma iñ sôm, “Iñ propet dañ.”

¹⁸Magoc lau bata Israel-ñga dinañ sêkêt whiñ dom bu muñ-ñga iñ tapec ma kwahic dec tandô ñayham sa. Bocdinañ sêkêt yom têt iñ dinda lu damba bu sêmey. ¹⁹Ma sêndac iñlu, “Iñgac dindac iñ amlu atômngac nañ amlu asôm bu dinda kôc iñ ti tapec, a? Bocke ma kwahic dec iñ tandô ñayham sa?” ²⁰Ma iñlu sêsôm, “Aêc! Alu añyalê bu iñ alu mba balê, ma bu alu akôc iñ ti tapec. ²¹Magoc iñ tandô po asê ñalêt bocke ma asa kôm iñ tandô ñayham sa, nañ alu añyalê dom. Mac andac iñ dau. Iñ ti ñgac atu su, ma gitôm bu sôm dau ndê yom.” ²²Iñlu sênnyalê bu lau bata Israel-ñga sêkic yom bu ñac oc sêtin lau nañ sêkêt whiñ bu Yisu iñ Mesaya, nañ su yêc gôlôwac Israel-ñga, ma bocdinañ iñlu sêtôc ñac. ²³Tu dinañ-ñga sêsôm yom bocdec, “Iñ ti ñgac atu su. Mac andac iñ dau!”

²⁴Goc ñac sêmbwêc ñgac dau tiyham, ma sêsôm, “Toc Anötô sa ma sôm yom ñandô. Yac añyalê bu ñgac dinañ iñ ñgac sac.” ²⁵Ma iñ ô yom bocdec bu, “Iñ bu ñgac sac me iñ ñgac gitêt, aô kayalê dom. Gêt tigeñ aô kayalê. Muñ-ñga aô ñgac tapec, ma kwahic dec aô tanôn po asê.” ²⁶Goc sêndac iñ, “Iñ kôm gêt sake têt am? Iñ kôm am tanôm ñayham sa ñalêt

bocke? Sôm asê têtj yac.” 27Ma inj sôm, “Aö gasôm têtj mac su, magoc mac akôc anetj yom sa dom. Tu sake-nga mac bu anğđ tiyham? Mboe mac atac whij bu ati inj ndê sêjomi awhij, a?” 28Têtj dinañ sêpu inj ma sêsôm, “Mba! Am daôm ti ngac dinañ ndê ngacsêjnom! Moses ndê sêjomi yac. 29Yac anjyalê bu Anötö kêtj inj ndê yom têtj Moses, magoc ngac dinañ ti inj ndê njahu, yac anjyalê dom.” 30Goc ngac dau sôm, “Gêtj kaiñ dañ solop! Mac asôm bu mac anjyalê inj ndê njahu dom. Tigenj alic su nañ! Inj kôm aö tanôn po asê. 31Yac tanyalê bu Anötö oc kêtj dañga têtj lau sac dom. Mba! Inj kêtj dañga lau gitêtj nañ sêñkuc inj ndê yom. 32Yac dañğđ dañ muñ su dom, bu ñamalac dañ kôm ngac nañ dinda kôc inj ti tapeç, nañ tandô po asê. Mba sambuc! 33Injgac dinañ bu meñ akêtj Anötö dom, dec oc tôm dom bu inj kôm gêtj dañ.”

34Injac sêñğđ inj ndê yom dinañ, dec gêli ñac si ñalôm sa ñandô. Ma sêsôm, “Am bu êmdôhôn yac, a? Sac gêm am ahuc têtj ndoc dinam kôc am!” Goc sêtij inj sa awê gi.

Lau nañ sêkêtj whij Yisu dom, nañ sêtôm lau tapeç

35Têtj ndoc Yisu ngđ ñawaê bu lau Palêsai sêtij ngac dau su, nañ inj kêsâlê inj e tap inj sa, ma ndac inj, “Am kêtj whij Injmalac ndê Atu, me mba?” 36Ma inj ô yom ma sôm, “O ñadau! Injmalac ndê Atu inj asa? Sôm têtj aö, goc aö wakêtj whij inj.” 37Goc Yisu sôm, “Am gêlic inj su. Aö ngac dauñ dec, nañ gasôm yom têtj am.” 38Ma inj sôm, “Pômdau, aö gakêtj whij am.” Goc inj pôn haduc têtj Yisu. 39Ma Yisu sôm, “Aö gasip nom gameñ ma lau oc sêtap matôc sa tu aö-nga. Lau tapeç oc sêti lau tandô ñayham, ma lau nañ gauc gêm bu ñac lau tandô ñayham, nañ oc sêtôm lau tapeç.” 40Lau Palêsai ñatô sêmbo sêwhij, ma sêñğđ Yisu ndê yom dinañ ma sêndac, “Bocke? Am sôm bu yac tañpec awhij, a?” 41Ma inj sôm, “Mac bu lau tampec, dec mac nem giso mba. Mac asôm bu mac lau tanôm ñayham, magoc mac akêtj whij aö dom. Tu dinañ-nga dec mac nem giso gacgeñ yêc mac-nga.”

Yom gôlij pi ngac yob domba-nga

10 1Ma Yisu sôm, “Yom ñandô aö wasôm têtj mac, bu ngac nañ sôc domba si tuñlôm yêc gatam dom, magoc kêgili tuñ bambaliñ bu sôc ndi, nañ ngac kañ-nda. 2Magoc ngac nañ sôc domba si tuñlôm yêc gatam solop, nañ ngac yob domba-nga ñandô. 3Injgac nañ yob gatam oc lêc gatam su têtj inj, ma domba sêñyalê inj awha. Inj oc ta domba tigenj-tigenj si ñaê, ma wê ñac sêsa sêndi. 4Têtj ndoc inj kôc inj ndê domba hoñ sêsa si, nañ inj kêsêlêñ muñ ma ñac sêñkuc inj, bu ñac sêñyalê inj awha. 5Tigenj ñac oc sêñkuc ngac apa dañ dom. Mba! Inj oc sêlhö bambaliñ yêc inj, bu sêñyalê inj awha dom!” 6Yisu sôm yom gôlij dinañ, magoc ñac sêñyalê inj ndê yom njahu dom.

Yisu iŋ gatam domba-ŋga

⁷Bocdinaŋ Yisu sôm tiyham, “Yom ŋandô aô wasôm têtŋ mac! Aô gatôm gatam tu domba sêsôc si tuŋlôm sêndi-ŋga. ⁸Kêdôhônŋwaga tasanŋ hoŋ naŋ sêhôn asê sêmuŋ aô, naŋ lau kaŋ. Magoc domba sêkêtŋ daŋga ŋac dom. ⁹Aô gatam, ma domba naŋ sêsôc yêc aô, naŋ oc sêtap Anötô ndê mwasiŋ nem ŋac si-ŋga sa. Ŋac oc sêsôc sêsa, ma sêtap gêtŋ sêneŋ-ŋga ŋayham sa. ¹⁰Ŋgac kaŋ meŋ bu nem kaŋ ti ndic ndu ma seŋ popoc. Iŋ ndê gwelenŋ dau dinaŋ. Tigeŋ aô gameŋ bu wamasanŋ lêtŋ bu lau sêtap Anötô ndê mwasiŋ sêndôc tali-ŋga sa, ma mwasiŋ dau oc êŋsalê ŋac ahuc.”

Yisu iŋ Ŋadau yob domba-ŋga ŋayham

¹¹“Aô ŋgac wayob domba-ŋga ŋayham. Ŋgac yob domba-ŋga ŋayham oc kêtŋ dau sambuc e nditôm iŋ mbac ndu bu nem iŋ ndê domba sa. ¹²Magoc ŋgac naŋ yob domba tu tap ŋaôli sa-ŋga, naŋ gitôm ŋgac naŋ yob dau ndê domba, naŋ dom. Iŋ bu lic giam sac daŋ meŋ, dec iŋ oc hu domba siŋ ma lhô ndi. Goc giam sac oc seŋ domba ma sêlhô bambaliŋ. ¹³Ŋgac dinaŋ oc lhô ndi, bu iŋ gêm gwelenŋ tu awa-ŋga ŋambwa, ma hêgo dau tu domba-ŋga dom.

¹⁴⁻¹⁵“Aô ŋgac wayob domba-ŋga ŋayham. Gitôm Damaŋ kêyalê aô, ma aô kayalê Damaŋ, bocdinaŋ aô kayalê aneŋ domba, ma aneŋ domba sêŋyalê aô. Ma wakêtŋ dauŋ sambuc e nditôm wambac ndu bu wanem ŋac sa. ¹⁶Ma aneŋ domba ŋatô sêmbo, naŋ sêmbo sêwhiŋ domba toŋ dindéc dom. Aô wandic ŋac sa sêmeŋ sêmbo sêwhiŋ domba dindéc, ma ŋac oc sêti toŋ tigeŋ. Ŋac si ŋadau tigeŋ aô dec wayob ŋac, ma ŋac hoŋ oc sêkêtŋ daŋga aô awhaŋ.

¹⁷“Damaŋ tac whiŋ aô, bu aô wakêtŋ dauŋ gacgeŋ wambac ndu, ma tiŋambu aô watisa tiyham. ¹⁸Ŋamalac daŋ oc kôc taŋli ŋahu su yêc aô dom. Aô dauŋ oc wahu taŋli ŋahu siŋ tôm aô dauŋ atac whiŋ. Anötô kêtŋ ŋaclai têtŋ aô bu aô dauŋ wahu siŋ, ma bu aô dauŋ wakôc sa tiyham. Damaŋ gic atu yom dau dinaŋ.”

¹⁹Lau bata Israel-ŋga sêŋgô yom dinaŋ ma sêwhê dau kôc ti sêseŋ dandi tiyham. ²⁰Lau daêsam sêsôm, “Ŋalau sac daŋ mbo iŋ ndê ŋalôm ma kôm iŋ ndê gauc timboloc. Aŋgô iŋ ndê yom dom!” ²¹Magoc lau ŋatô sêsôm, “Ŋgac ti ŋalau sac oc sôm yom kaiŋ dinaŋ dom. Ma ŋalau sac oc kôm ŋgac tapec tandô po asê dom!”

Lau bata Israel-ŋga sêtŋ Yisu su

²²Têtŋ ndoc uhô-ŋga, lau Israel-ŋga si †Mwasiŋ Sic Gawi Lôm-ŋga hôt asê Jerusalem. ²³Yisu kêsêlêtŋ mbo lôm dabuŋ ŋabatêmdö, mbo gameŋ naŋ sêsam bu Solomon ndê Batêm. ²⁴Ma lau bata Israel-ŋga sêkac sa sêŋgihi iŋ ahuc, ma sêsôm, “Ŋasawa baliŋ lec yac atac lu-lu tu am-ŋga.

Bocdinaŋ dec sôm yom yêc awê têtŋ yac. Am Mesaya dau, me mba?”²⁵ Ma Yisu sôm, “Aö gasôm têtŋ mac su, magoc mac akêtŋ whiŋ aö dom. Ma aö gakôm gêtŋ dalô gam Damaŋ aŋgô. Gêtŋ dau puŋ yom ŋandô pi aö dôŋ, ma whê aneŋ ŋahu sa tiawê.²⁶ Magoc mac akêtŋ whiŋ aö dom, ŋahu bu mac ati aö neŋ domba dom.²⁷ Aneŋ domba sêkêtŋ daŋga aö awhaŋ. Aö kayalê ŋac, ma ŋac sêŋkuc aö.²⁸ Aö oc wakêtŋ ŋac sêndöc tali ŋapaŋ ma oc tôm dom bu ŋac sêniŋga têtŋ têtŋ ŋambu-ŋga dom. Ma lau daŋ sêtôm dom bu sêŋgaho ŋac su yêc aö amaŋ.²⁹ Damaŋ kêtŋ aneŋ domba têtŋ aö, ma gêtŋ daŋ hôc gêlêc iŋ su dom. Bocdinaŋ lau daŋ sêtôm dom bu sêŋgaho ŋac su yêc Damaŋ amba.³⁰ Alu Damaŋ ati gêtŋ tigeŋ.”

³¹ Têtŋ dinaŋ lau bata sêkôc hoc sa tiyham bu sêtuc iŋ. ³² Magoc iŋ sôm têtŋ ŋac, “Mac bu atuc aö ŋa hoc tu gêtŋ dalô bocke-ŋga? Bu aö gatôc gêtŋ ŋayham daêsam têtŋ mac, tôm naŋ Damaŋ kêtŋ têtŋ aö.” ³³ Ma ŋac sêô yom ma sêsôm, “Yac bu atuc am tu gêtŋ daŋ naŋ am kôm-ŋga dom. Mba! Am ŋamalac daŋ, magoc toc daôm sa bu nditôm Anötô dau. Am nem yom dinaŋ sac sambuc, ma tu dinaŋ-ŋga yac bu atuc am ŋa hoc.”

³⁴ Goc Yisu ô yom ma sôm, “Mac aŋyalê yom naŋ Anötô dau sôm pi lau bata Israel-ŋga ŋatô, naŋ sêto yêc mac nem Buku Yomsu-ŋga^e bocdec bu, ‘Aö gasam mac bu anötöi.’³⁵ Aŋgô su naŋ! Anötô kêtŋ iŋ ndê yom têtŋ lau nom-ŋga dinaŋ, ma sam ŋac bu anötöi. Ma gitôm dom bu dasen Anötô ndê yom daŋ su.³⁶ Ma aö bocke? Damaŋ dau kêyalin aö sa ma kêkin aö gasip nom gameŋ. Bocdinaŋ tu sake-ŋga mac asôm bu aneŋ yom sac sambuc, têtŋ ndoc aö gasôm bu aö Anötô ndê Atu? ³⁷ Aö bu wakôm Damaŋ ndê gwelen naŋ kêtŋ sip aö amaŋ, naŋ dom, naŋ akêtŋ whiŋ aö dom. ³⁸ Tigeŋ aö gakôm Damaŋ ndê gwelen, ma bocdinaŋ dec mac bu akêtŋ whiŋ aneŋ yom dom, tigeŋ akêtŋ whiŋ tu gêtŋ naŋ aö gakôm-ŋga. Ma bocdinaŋ mac oc aŋyalê pi ŋandô bu Damaŋ mbo aö ŋalôm, ma aö gambo iŋ ŋalôm.”

³⁹ Têtŋ dinaŋ sêŋsahê tiyham bu sêkôc iŋ dôŋ, magoc ŋac gitôm dom, ma iŋ kôlhô gi. ⁴⁰ Ma iŋ pi Bu Jordan ŋadaŋga gi, ma mbo gameŋ naŋ muŋ-ŋga Jon kêku lau mbo. ⁴¹ Lau daêsam sêsa sêtêtŋ iŋ si, ma sêsôm têtŋ dau, “Jon kôm gêtŋ dalô daŋ dom. Magoc yom hoŋ naŋ iŋ sôm pi ŋgac dindec, naŋ yom ŋandô.” ⁴² Ma lau daêsam sêkêtŋ whiŋ Yisu yêc gameŋ dinaŋ.

Lasarus mbac ndu

11 ¹⁻² ŋgac daŋ ŋaê Lasarus mbo malac Betani. Ma iŋ ndê lhuwê lu sêmbo, daŋ ndê ŋaê Mata, ma daŋ ŋaê Maria, awhê naŋ tiŋambu

^e 10:34 Yom dau yêc Buku Wê-ŋga 82:6 (alic footnote yêc Jon 15:25). Anötô dau kêtŋ ŋaclai têtŋ kin ti gôliŋwaga bu sênem gôliŋ sêmbo nom, ma bocdinaŋ iŋ sam ŋac bu anötöi. Ma têtŋ ŋatô iŋ sam ŋac bu Anötô atui - alic BW 2:7 ma 82:6.

tac bu ñamalau ñayham pi Pômdau gahi, ma puñ ña in kéciauñ. Têñ béc dañ Lasarus gêmbac. ³Goc Maria lu Mata sêkêñ yom têñ Yisu bocdec bu, “Pômdau, ñgac nañ am atac whiñ dec gêmbac.” ⁴Yisu ñgô yom dau ma sôm, “In gêmbac tu bu mbac ndu ñambwa-ñga dom. In gêmbac bu tôc Anötö ndê ñaclai ti waê asê, ma bu Anötö ndê Atu tap waê sa whiñ.”

⁵Yisu tac whiñ Maria lu Mata ma Lasarus. ⁶Tigeñ têñ ndoc in ñgô ñawaê bu Lasarus gêmbac, nañ in têñ in gi ñagahô dom. In gacgeñ mbo gameñ dinañ gitôm béc lu. ⁷Goc in sôm têñ in ndê ñgacsêñjomi, “Dalhô dambu datêñ gameñ Judia-ñga dandi.” ⁸Magoc ñac sêsôm, “Kêdôhônwaga, mba! ñasawa apê lec lau bata Israel-ñga nañ sêmbo dindê, nañ tac whiñ bu sêtuç am ña hoc. Bocke dec am bu mbu ndi tiyham?” ⁹Ma Yisu ô yom ña yom gôliñ dañ, ma sôm, “Têñ béc hoñ ac pô gameñ gitôm acgatu ñasawa 12, ma tiñambu ñasec sa. ñamalac dañ bu êñsêlêñ têñ ndoc ac-ñga, dec in oc tiñ gahi dom, bu in gêlic ñawê nom dindec-ñga. ¹⁰Magoc in bu êñsêlêñ têñ ôbwêc, dec in oc tiñ gahi, bu in ndê ñawê mba.” ¹¹Goc Yisu gic têku yom ma sôm, “Yac neñ silip Lasarus yêc béc. Aô watêñ in wandi bu wauñ in sa.” ¹²Ma ñgacsêñjomi sêsôm, “Pômdau, in bu yêc béc yêc, dec in dau oc ñayham sa.” ¹³Ñac gauc gêm bu Yisu sôm bu Lasarus mbo tali ma yêc béc, magoc in ndê yom dau ñahu bu Lasarus mbac ndu su. ¹⁴Goc Yisu sôm yom yêc awê têñ ñac bu, “Lasarus mbac ndu. ¹⁵Tu mac-ñga dec aô atac ñayham bu aô gambo g awhiñ in dom, bu kwahic dec mac oc akêñ whiñ tu gêñ nañ aô bu wakôm-ñga. Bocdinañ yac datêñ in dandi.” ¹⁶Ma Tomas, ñgacsêñjom nañ sêsam bu Lôcmpôn, nañ sôm têñ ñgacsêñjomi ñatô, “Ayôc! Dawhiñ in dandi, ma dambac ndu dawhiñ in.”

Yisu in yac neñ datisa ti dambo tañli ñahu

¹⁷Yisu hôc asê gameñ Judia-ñga ma tap sa bu sêkêñ Lasarus ndê ñamlañ yêc hocsuñ dañ gitôm béc hale su. ¹⁸Malac Betani yêc suñ sa têñ Jerusalem, señ ñasawa gitôm kilometa tö. ¹⁹Ma lau Israel-ñga daêsam sêsa akêñ Jerusalem sêmeñ, ma sêndöc sêwhiñ Mata lu Maria, bu sênem malô inlu tu lhuñgac hu inlu siñ-ñga. ²⁰Mata ñgô bu Yisu kêsêlêñ meñ, goc sa gi bu lic in, magoc Maria ndöc andu. ²¹Têñ ndoc Mata hôc asê Yisu, nañ in sôm têñ in, “O Pômdau, am bu mbo, dec aô lhuñgac oc mbac ndu dom. ²²Magoc kwahic dec am mweñ hôc asê su, ma aô kayalê bu gêñ bocke nañ am bu ndac têñ Anötö, nañ in oc kôm.” ²³Ma Yisu sôm, “Am lhômñgac oc tisa ma mbo tali tiyham.” ²⁴Dec Mata ô yom ma sôm, “Aêc! Aô kayalê bu in oc tisa têñ béc ñambu-ñga nañ lau batê hoñ oc sêtisa.” ²⁵Goc Yisu sôm, “Ñamalac si sêtisa ma sêmbo tali ñahu, nañ aô dauñ. Asa nañ kêñ whiñ aô ma mbac ndu su, nañ oc mbo tali tiyham. ²⁶Ma asa nañ mbo tali ma kêñ whiñ aô, nañ oc niñga têñ têm ñambu-ñga dom, in oc gacgeñ mbo tali. Am kêñ whiñ yom dindec, me mba?” ²⁷Ma Mata sôm,

“Aêc Pômdau! Aö gakêñ whiñ bu am Mesaya, ma Anötö ndê Atu nañ inñ gic bata bu êñkiñ sip nom meñ.”

²⁸Mata sôm yom dinañ su, goc mbu gi ma ta Maria têtñ inñ meñ. Ma inñ sôm têtñ inñ, “Kêdôhônwaga meñ su, ma inñ ndac am.” ²⁹Maria ñgô su, goc tisa ñagahô bu sa têtñ Yisu ndi. ³⁰Têtñ ndoc dinañ Yisu hóc asê Betani su dom, inñ gacgeñ mbo gameñ nañ Mata hóc pi inñ. ³¹Lau Israel-ña nañ sêmbo andu sêwhiñ Maria tu bu sênem malô inñ, nañ sêlic inñ tisa ñagahô ma kölhô gi. Ñac gauc gêm bu inñ oc têtñ sêhô ndi bu tañ lhungac mbo dindê, ma bocdinañ sêsa si ma sêñkuc inñ.

³²Têtñ ndoc Maria hóc asê gameñ nañ Yisu mbo ma gêlic inñ, nañ inñ hu dau sip nom yêc inñ gahi-ña, ma sôm, “O Pômdau, am bu mbo, dec aö lhungac oc mbac ndu dom.” ³³Yisu gêlic Maria tañ, ma gêlic lau Israel-ña nañ sêwhiñ inñ, nañ sêtañ bocdinañ, dec kêsahê ñawapac atu yêc ndê ñalôm. ³⁴Ma inñ ndac, “Mac añsuhun inñ yêc nde?” Ma sêsôm, “Mweñ Pômdau, ma lic.” ³⁵Têtñ dinañ Yisu tasulu sa. ³⁶Ma lau Israel-ña dinañ sêsôm, “Alic, inñ atac whiñ Lasarus ndu andô.” ³⁷Magoc ñatô sêsôm, “Inñ kôm ñgac tapec tandô po asê. Bocke dec inñ kôm Lasarus ñayham sa dom, ma inñ mbac ndu?”

Yisu uñ Lasarus sa

³⁸Têtñ dinañ Yisu ndê ñalôm ñawapac atu tiyham, ma inñ kêsêlên têtñ sêhô gi. Ñac sêkêñ ñgac batê dau ndê ñamlañ yêc hocsun ña, ma sêmipi hoc ña gi ndöc sê awha ahuc. ³⁹Têtñ ndoc Yisu hóc asê, nañ inñ sôm têtñ lau nañ sêwhiñ inñ bu, “Mac ampi hoc dau sa.” Magoc ñgac batê ndê lhuwê Mata sôm, “Pômdau! Inñ yêc gitôm bêc hale su. Oc ñamaniñ sa su.” ⁴⁰Dec Yisu sôm, “Aö gasôm têtñ am su, bu kêtñ whiñ, dec am oc lic Anötö ndê ñaclai ti ñawasi.” ⁴¹Inñ sôm yom dinañ su, goc lau sêmipi hoc dau sa. Ma Yisu tatac undambê ma sôm, “Damañ, aö wanem ñange am, bu am ñgô aneñ yom. ⁴²Aö kayalê bu am kêtñ ñangam aö ñapañ, magoc kwahic dec aö bu wanem ñange am, bu lau nañ sêlhac dec oc sêñgô aneñ yom, ma sêkêñ whiñ bu am kêkiñ aö gameñ.” ⁴³Goc inñ mbwêc awha atu, “Lasarus! Sa mweñ!” ⁴⁴Dec Lasarus sa meñ, ma po nañ sêmpan inñ gahi ti amba, ma po ña nañ sêhi pi inñ ñagôlôn, nañ gacgeñ sêyêc inñ. Ma Yisu sôm têtñ ñac, “Akôc po su yêc inñ, ma akêtñ inñ lhô ndi.”

Lau bata sêkic yom bu sêndic Yisu ndu

⁴⁵Tu gêtñ atu dinañ-ña dec lau Israel-ña daêsam nañ sêmbo sêwhiñ Maria ma sêlic gêtñ nañ Yisu kôm, nañ sêkêñ whiñ inñ. ⁴⁶Magoc ñatô sêtên lau Palêsai si, ma sic miñ pi gêtñ nañ Yisu kôm. ⁴⁷Goc dabuñsiga atu-tu ti lau Palêsai sêmbwêc lau †Sanedrin-ña sêpitigeñ, ma sêndac ñac, “Yac oc dakôm gêtñ sake? Ñgac dinañ kôm gêtñ dalô daêsam. ⁴⁸Yac bu dalhac inñ ahuc dom, dec lau hoñ oc sêkêñ whiñ bu inñ Mesaya dau. Ma lau Rom-

nga oc sêmenj ma sêsenj yac neŋ gameŋ danem akiŋ Anötö-nga ti yac lau Israel-nga hoŋ su.”

⁴⁹Têŋ yala dinaŋ Kayapas iŋ †dabuŋsiga ŋamata-nga. Ma iŋ sôm têŋ lau Sanedrin-nga, “Mac nem gauc sa dom! ⁵⁰Iŋ mbac ndu maŋ! Yham dom bu lau Israel-nga hoŋ sêniŋga. Ŋgac tigeŋ bu mbac ndu ô lau hoŋ, naŋ oc ŋayham hôc gêlêc su.” ⁵¹Kayapas sôm yom dinaŋ ŋa iŋ dau ndê gauc dom. Magoc têŋ yala dinaŋ iŋ dabuŋsiga ŋamata-nga, dec iŋ sôm yom dau gitôm propet daŋ. Ma yom dau ŋahu bocdec bu. Yisu oc mbac ndu tu lau Israel-nga hoŋ. ⁵²Ma tu ŋac tawasê-nga dom. Iŋ oc mbac ndu tu Anötö ndê lau hoŋ naŋ sêmbo gameŋ nom-nga tidau-tidau, tu bu ndic ŋac hoŋ sa sêpitigeŋ.

⁵³Bocdinaŋ têŋ bêc dinaŋ lau bata Israel-nga dinaŋ sic hu sêŋsalê lêŋ bu sêndic Yisu ndu. ⁵⁴Ma tu dinaŋ-nga Yisu kêsêlêŋ mbo awê yêc lau Israel-nga ŋalôm dom. Iŋ kôlhô gi mbo malac Eprayim, naŋ yêc gameŋ sawa ŋamakê. Ma iŋ ndê ŋgacsêŋomi sêmbo gameŋ dinaŋ sêwhiŋ iŋ.

⁵⁵Têŋ ndoc lau Israel si om atu Mwasinŋ Pasowa-nga meŋ kêpiŋ, n aŋ lau daêsam yêc gameŋ ŋamakê-nga sêpi Jerusalem si. Ŋac bu sêŋkuc lau Israel si lêŋ sêmasaŋ dau ŋawasi sa yêc Anötö aŋgô-nga muŋ su naŋ goc Pasowa ŋabêc hôc asê. ⁵⁶Ma ŋac sêŋsalê Yisu ŋapaŋ. Têŋ ndoc sêkac sa sêmbo lôm dabuŋ, naŋ sêndac dandi, “Mac gauc gêm bocke? Iŋ oc meŋ tu Mwasinŋ Pasowa-nga, me mba?” ⁵⁷Tigeŋ dabuŋsiga atu-tu ti lau Palêsai sic atu lau bu asa bu tap gameŋ naŋ Yisu mbo, naŋ sa, naŋ kêŋ ŋawaê têŋ ŋac, ma ŋac oc sêkôc iŋ dôn.

Maria gêm oso Yisu

(*Mat 26:6-13; Mak 14:3-9; Luk 7:37-38*)

12 ¹Bêc 6 yêc dôn yêc bu Mwasinŋ Pasowa-nga hôc asê, ma Yisu têŋ malac Betani gi. Lasarus, ŋgac naŋ iŋ uŋ sa akêŋ lau batê-nga, naŋ mbo malac dinaŋ. ²Ma yêc Lasarus ndê andu, ŋac sêndê mwasiŋ tu Yisu-nga. Lasarus ti lau ŋatô seŋ gêŋ sêndöc sêwhiŋ iŋ, ma Mata gêm akiŋ ŋac mbo. ³Goc Maria meŋ, kôc a ŋakwi ŋamalu ŋayham naŋ ŋaôli atu sip kac daŋ, ma kêc pi Yisu gahi. Goc iŋ puŋ iŋ gahi ŋa iŋ dau kêclaup. Ma gêŋ dau ŋamalu hôŋ dau sa ma gêm andu ŋalôm ahuc.

⁴Têŋ dinaŋ Judas Iskeriot, ŋgacsêŋom naŋ tiŋambu hoc Yisu asê, naŋ sôm, ⁵“Bu ŋamalu ŋayham dindec ŋaôli atu, gitôm denarii 300 naŋ dakôc ti ŋaôli tu gwelenj yala sambuc-nga. Tu sake-nga awhê dec kêyaiŋ? Gitôm bu dakêŋ têŋ lau sênemlhi, ma dakêŋ ŋa-awa tu danem lau ŋalôm sawa sa-nga.” ⁶Judas sôm yom dinaŋ, magoc iŋ gauc gêm lau ŋalôm sawa dom. Iŋ sôm yom dinaŋ ŋahu bu iŋ ŋgac kaŋ-nda. Iŋ yob ŋgac-sêŋomi si talhi mone-nga, ma gêm kaŋ mone ŋatô bu nem dau sa. ⁷Magoc Yisu ô iŋ ndê yom ma sôm, “Mac alhac awhê dindec ahuc dom. Iŋ yob gêŋ dau ŋapaŋ e kwahic dec, gic waê bêc sêŋsuhuj aö-nga. ⁸Lau ŋalôm sawa oc sêmbo sêwhiŋ mac ŋapaŋ. Tigeŋ aö oc wambo wawhiŋ mac ŋapaŋ dom.”

Lau dabuŋsiga sêkic yom pi Lasarus

⁹Têŋ ndoc dinaŋ lau Jerusalem-nga daêsam sêŋgô ŋawaê bu Yisu mbo malac Betani, dec sêsa si bu sêlic iŋ. Ma ŋac bu sêlic Lasarus, ŋgac naŋ Yisu uŋ sa yêc lau batê-nga, naŋ whiŋ. ¹⁰Tu dinaŋ-nga dabuŋsiga atu-tu Israel-nga sêkic yom bu sêndic Lasarus ndu whiŋ. ¹¹Ŋahu bu lau Israel-nga daêsam sêhu ŋac siŋ ma sêkêŋ whiŋ Yisu tu Lasarus-nga.

Yisu sôc malac Jerusalem gi

(*Mat 21:4-9; Mak 11:7-10; Luk 19:35-38*)

¹²Têŋ ŋagalaŋsê lau daêsam naŋ sêmbô Jerusalem tu Mwasinŋ Pasowa-nga sêŋgô ŋawaê bu Yisu kêsêlêŋ mbo seŋ bu têŋ Jerusalem meŋ. ¹³Bocdinaŋ ŋac sêsa si bu sêkôc iŋ sa. Sêhóc tôm tôm ŋalauŋ ma sêmbwêc, “Hosana! Tampinŋ iŋ naŋ meŋ gêm Pômdau ŋgô. Tampinŋ lau Israel-nga si Kiŋ.” ¹⁴Yisu kêsêlêŋ meŋ ndôc doŋki ŋatu daŋ ŋahô, ma ŋalêŋ dinaŋ propet akwa daŋ ndê yom ŋandô sa. Yom dau yêc bocdec bu:

¹⁵O mac lau †Sayon-nga, atôc daôm dom. Alic mac nem Kiŋ têŋ mac meŋ, ndôc doŋki ŋatu ŋahô. *[Sek 9:9]*

¹⁶Yisu ndê ŋgacsêŋomi sêlic gêŋ hoŋ dinaŋ, magoc ŋac sêŋyalê ŋahu dom. Tigeŋ tiŋambu, têŋ ndoc Yisu tisa ti ŋawasi atu, naŋ sêŋyalê bu yom dau, naŋ sêto muŋ su, naŋ hêganôŋ Yisu, ma tu dinaŋ-nga lau sêkôm gêŋ dinaŋ têŋ iŋ.

¹⁷L au daêsam naŋ sêmbô sêwhiŋ Yisu têŋ ndoc iŋ mbwêc Lasarus ma uŋ iŋ sa akêŋ lau batê-nga, naŋ sic miŋ pi iŋ ŋapaŋ. ¹⁸Bocdinaŋ lau daêsam sêŋgô ŋawaê bu Yisu kôm gêŋ dalô atu dinaŋ, ma sêsa si bu sêlic iŋ têŋ bêc dinaŋ. ¹⁹Ma têŋ têm lau Palêsai sêlic gêŋ dau, naŋ sêsôm têŋ dandi, “Alic, yac neŋ yom hoŋ ŋandô mbasi. Yac oc dalhac iŋ ahuc ŋalêŋ bocke? Lau hoŋ oc sêŋkuc iŋ!”

Yisu sôm gwananŋ bu iŋ oc mbac ndu

²⁰Lau Grik ŋatô sêmbô sêwhiŋ lau naŋ sêpi malac Jerusalem tu sênem akiŋ Anôtô-nga têŋ om atu Pasowa-nga. ²¹Lau Grik dinaŋ sêtêŋ Pilip, ŋgacsêŋom naŋ meŋ akêŋ malac Betsaida yêc gameŋ Galili-nga, ma sêsôm têŋ iŋ bu, “O ŋgac atu, yac bu alic Yisu.” ²²Dec Pilip gi sôm yom dau têŋ Andru, ma iŋlu si sêsôm têŋ Yisu. ²³Yisu ŋgô yom dau goc sôm yom gôliŋ daŋ bocdec bu, “Ndoc meŋ sa bu ŋamalac ndê Atu tap iŋ ndê waê atu sa. ²⁴Aô wasôm yomandô têŋ mac. Gêŋ ŋawhê daŋ bu sêsô sip nom ndi dom, dec gêŋ tigeŋ dau oc gacgeŋ yêc. Magoc gêŋ dau bu dasô sip nom ŋalôm ndi, dec oc tibalê ma niŋga, magoc tiŋambu oc po pi meŋ ma nem ŋandô daêsam tiyham. ²⁵Asa naŋ tac whiŋ bu sap gêŋ nom-nga dôŋ ŋapaŋ tu mbo tali-nga, naŋ oc niŋga. Magoc asa naŋ bu hu gêŋ nom dindec-nga siŋ tu êŋkuc aô-nga, naŋ tap seŋ ndôc tali têŋ têm ŋambu-

nga-nga sa. ²⁶Asa nanj gauc gêm bu nem akiñ aö, nanj meñ êñkuc aö. Ma gameñ nanj aö oc wambo, nanj iñ nanj gêm akiñ aö, nanj oc mbo bocdinañ. Lau honj nanj sem akiñ aö, nanj Damañ oc toc ñac sa.

²⁷“Kwahic dec aö neñ ñalôm kedehe aö ñandô. Tigerñ aö wandac Damañ bu êñgaho aö su yêc ndoc ñawapac-nga dindéc dom. Mba! Tu gêñ dau dindéc-nga dec aö gameñ. ²⁸Damañ, aö wasa lêñ dindéc tu bu wapo nem waêm sa.”

Yisu sôm yom dinañ, ma awha dañ sa akêñ undambê bocdec bu, “Aö gatap waêñ sa tu am-nga su, ma watap sa tiyham.” ²⁹Lau daêsam nanj sêmbo gameñ dinañ sêñgô ñakêcsia dau, ma ñatô sêsôm bu wapap gic. Ma ñatô sêsôm bu añela dañ sôm yom têtñ Yisu. ³⁰Magoc Yisu sôm, “Awha dinañ sa tu aö-nga dom, magoc sa tu mac-nga. ³¹Kwahic dec ti ndoc Anötö êmatôc lau nom dindéc-nga. Ma iñ oc êmasuc nom dindéc ñadau su.^f ³²Magoc têtñ ndoc sêndic aö pi a ma sêsunj aö sa yêc nom, nanj aö oc wahê ñamalac akêñ gameñ honj sêtêtñ aö sêmeñ.” ³³Yisu sôm yom dinañ bu tôc ñalêñ nanj iñ oc mbac ndu, nanj asê.

³⁴Ma lau dinañ sêd iñ awha ma sêsôm, “Sêto yom yêc buku yomsu-nga, nanj sôm bu Mesaya oc mbo ñapañ. Ma bocke dec am sôm bu ñac oc sêsunj ñamalac ndê Atu sa? ñamalac ndê Atu dau iñ asa?” ³⁵Goc Yisu sôm, “Ya ñawê oc mbo whiñ mac ñasawa saunj, ma boc-dinañ añsêlêñ ambo ñawê dau ñalôm, bu ñasec nem mac ahuc dom. Lau nanj sêñsêlêñ sêmbo ñasec ñalôm, nanj sem gauc gameñ nanj oc sêndi nanj. ³⁶Akêñ whiñ ñawê dau nanj kwahic dec mbo whiñ mac, ma mac oc ati lau ñawê-nga.” Yisu sôm yom dau su, goc hu ñac siñ, ma siñ dau têtñ ñac.

Lau daêsam sêkêñ whiñ Yisu dom

³⁷Yisu kôm gêñ dalô daêsam yêc lau Israel añgô-nga, magoc daêsam sêkêñ whiñ dom bu iñ Mesaya dau. ³⁸Ma bocdinañ yom nanj propet Aisaya to muñ su, nanj ñandô sa. Yom dau yêc bocdec:

Pômdau, ñac si asa kêtñ whiñ yom nanj yac ahoc asê?

Ma ñac si asa ndê gauc sa pi am nem ñaclai atu, nanj am tôc tiawê?

[Ais 53:1]

³⁹Bocdinañ Anötö ndê propet Aisaya tôc asê gwananñ bu lau dinañ sêtôm dom bu sêkêñ whiñ. Ma iñ to yom dañ tiyham bocdec bu:

⁴⁰Pômdau kôm ñac si tandô tipec, ma ñac si ñalôm ñadandi. Bocdinañ gitôm dom bu sêlic ña tandô, ma sêñyalê yêc ñac si ñalôm. Ma

^f 12:31 Yisu sôm bu Anötö oc êmasuc nom dindéc ñadau su. Têtñ ndoc Yisu mbac ndu ma tisa tiyham, iñ ku Sadañ ndê ñaclai dulu-alic Jon 16:33, Kol 2:15, Heb 2:15, ma 1 Jon 3:8. Yisu ku iñ dulu su yomandô, magoc Anötö kêtñ ñasawa têtñ Sadañ ma iñ kôm iñ ndê gwelen yêc nom - alic Epe 2:2, 2 Kor 4:4 ma 1 Jon 5:19. Bocdinañ lau nanj sêkêñ whiñ sic waê bu sêlhac ñangga ma sêndic siñ têtñ Sadañ, (Jon 17:15; Epe 6:10-18) ma Anötö kêtñ ñaclai têtñ ñac bu sêku iñ dulu (Rom 16:20). Têtñ béc ñambu-nga, Anötö oc señ Sadañ ti iñ ndê añela ti lau sac su ma iñ ndê ñaclai oc pacndê sambuc (Rev 20:2-3, 10).

gitôm dom bu ñac sênem dau kwi, ma wakôm ñac ñayham sa tiyham. [Ais 6:10]

⁴¹Aisaya to yom dau, ñahu bu iñ gêlic Yisu ndê ñawasi su, ma bocdinañ dec sôm yom asê pi iñ.

⁴²Yom dau yêc bocdinañ, magoc lau Israel-ñga daêsam sêkên whiñ Yisu, ma ñac si lau bata ñatô sêwhiñ. Tigeñ ñac sêtôc si sêkên whiñ iñ tiawê dom, ñahu bu ñac sêtôc bu lau Palêsai oc sêtiñ ñac su yêc gôlôwac Israel-ñga. ⁴³Ñac atac whiñ bu ñamalac sêlic ñac ñayham ma sêkeñ waê têtñ ñac, hóc gêlêc bu sêtap waê sa yêc Anötö.

⁴⁴Ma Yisu sôm yom awha atu, “Asa nañ kêtñ whiñ aö, nañ kêtñ whiñ aö tañwasêñ dom. Iñ kêtñ whiñ iñ nañ kêkiñ aö gameñ, nañ whiñ. ⁴⁵Ma asa nañ gêlic aö, nañ gêlic iñ nañ kêkiñ aö gameñ, nañ bocdinañ. ⁴⁶Aö gahôc asê nom gitôm ya ñawê, bu lau hoñ nañ sêkên whiñ aö, nañ oc sêmbo ñasec dom. ⁴⁷Asa nañ ñgô aneñ yom magoc dañga wambu dom, nañ aö dauñ oc wamatôc iñ dom. Bu aö gameñ bu wamatôc lau nom-ñga dom, magoc bu wanem ñac si. ⁴⁸Lau hoñ nañ sêkôc aö ti aneñ yom sa dom, nañ oc sêtap matôc sa têtñ bêc ñambu-ñga. Ma ñac si matôc ñahu sip ñac sêkôc aneñ yom sa dom. ⁴⁹Bu aö gasôm dauñ neñ yom dom. Damañ nañ kêkiñ aö gameñ, nañ gic atu yom hoñ tu wasôm asê-ñga. ⁵⁰Ma aö kayalê bu yom nañ iñ gic atu, nañ ti ñamalac si señ sêndôc tali ñapañ-ñga. Bocdinañ añyalê bu yom hoñ nañ aö gasôm, nañ kêkuc yom nañ Damañ dau kêtñ têtñ aö.”

Yisu kêgwasiñ ñgacsêñjomi gahi

13 ¹Lau Israel-ñga si om atu mwasiñ Pasowa-ñga meñ kêpiñ, ma Yisu kêyalê bu ndoc meñ hóc asê su, bu iñ hu nom dindéc siñ ma mbu têtñ Damba ndi. Iñ atac whiñ iñ dau ndê lau nañ sêmbo nom, ma iñ bu tôte asê tiawê, ñalêñ nañ iñ atac whiñ ñac ndu andô. ²Iñ ti ndê ñgacsêñjomi sêndôc sêwhiñ dau bu sêneñ gêtñ, ma Judas Iskeriot, Saimon ndê atuñgac, mbo whiñ ñac. Sadañ sip iñ ndê ñalôm muñ su, ma kêtñ gauc têtñ iñ bu hoc Yisu asê. ³Yisu kêyalê bu Damba kêtñ gêtñ hoñ sip iñ amba, ma bu iñ meñ akêtñ Anötö, ma oc mbu têtñ iñ ndi. ⁴Bocdinañ iñ tisa yêc tebo, kac iñ ndê ñakwê awê-ñga su, ma kic po dapuñ dauñ-ñga dañ pi iñ ñampê. ⁵Goc iñ tac bu sip suc dañ, ma gic hu kêgwasiñ ñgacsêñjomi gahi, ma puñ ña po nañ iñ kic pi ñampêbalê. ⁶Iñ têtñ Saimon Pita meñ, ma Pita ndac, “Pômdu, am bu êmgwasiñ aö gahiñ whiñ, a?” ⁷Ma Yisu ô yom ma sôm, “Kwahic dec am nem gauc sa dom pi gêtñ nañ aö gakôm gambo, tigeñ tiñambu am oc êmyalê.” ⁸Magoc Pita sôm, “Mba! Am êmgwasiñ aö gahiñ dom andô!” Ma Yisu ô yom ma sôm, “Aö bu wanğwasiñ am dom, dec am oc ti aneñ dañ dom.” ⁹Dec Pita sôm, “Bocdinañ Pômdu, êmgwasiñ aö gahiñ ñambwa dom, magoc amañ ti ñagôlôn whiñ!” ¹⁰Magoc Yisu ô yom ma sôm, “Ñamalac nañ gêliñ bu su, nañ tiñambu êngwasiñ gahi ñambwa,

dec ij ndê ñamlic sambuc ñawasi sa. Aö wasôm têtj mac lau dinañ bu mac ñawasi sa su, magoc mac hoñ dom.” ¹¹ Yisu kêyalê ñgac nañ oc hoc ij asê, ma tu dinañ-ñga sôm bu ñac hoñ ñawasi dom.

¹² Yisu kêgwasij ñac hoñ gahi pacndê, dec sôc ij ndê ñakwê awê-ñga sa tiyham, ma mbu gi ndöc ndê mala. Ma ij ndac, “Mac añyalê gêtj nañ aö gakôm têtj mac, nañ ñahu, me mba? ¹³ Iñ solop bu mac asam aö bu ‘Kêdôhônwaga,’ ma ‘Pômdau,’ bu aö dauñ dindéc. ¹⁴ Ma kwahic dec aö, mac nem kêdôhônwaga ma Pômdau, kagwasij mac gahim. Ma aö wasôm têtj mac, bu añgwasij nem asidôwai si gahi bocdinañ. ¹⁵ Aö gatôc ñadôn têtj mac, bu mac alic ma akôm tôm aö gakôm têtj mac. ¹⁶ Aö wasôm yom ñandô, bu ñgac akiñ dañ hóc gêlêc ij ndê ñadau dom, ma ñgac aheñ-ñga hóc gêlêc ij nañ kêkiñ ij, nañ dom. ¹⁷ Kwahic dec aö gawhê gêtj dindéc sa ma mac añyalê, ma mac bu akôm ñandô sa, dec oc atap Anötö ndê mwasij sa.”

Yisu sôm ñgac hoc ij asê-ñga asê

¹⁸ Ma Yisu sôm, “Aö gasôm yom dindéc pi mac hoñ dom, bu aö kayalê lau nañ aö kayaliñ ñac sa. Tigeñ yom dañ nañ sêto yêc, nañ oc ñandô sa. Yom dau sêto yêc bocdec bu, *‘Ñgac nañ gêtj gêtj whiñ aö, nañ kêñ kisa aö.’* ¹⁹ Aö gasôm yom asê gwanaj pi gêtj dau, bu têtj têtj gêtj dau hóc asê, nañ mac oc akêtj whiñ bu aö Mesaya dau. ²⁰ Aö wasôm yom ñandô têtj mac, bu asa nañ kôc ñamalac nañ aö kakiñ ij, nañ sa, nañ kôc aö dauñ sa. Ma asa nañ kôc aö sa, nañ kôc ij nañ kêkiñ aö gameñ, nañ sa.”

²¹ Yisu sôm yom dinañ su, ma ij ndê ñalôm ñawapac ñandô, dec sôm, “Yomandô aö wasôm têtj mac, bu ñgac dañ mbo dec, nañ oc hoc aö asê.” ²² Yisu ndê ñgacsêñomi sêñgô yom dinañ ma tahê dandi, bu ñac sem gauc bu ñgac nañ ij sôm yom pi, ij asa. ²³ Ñgacsêñom nañ Yisu tac whiñ ndu andô, nañ ndöc gi pañ Yisu. ²⁴ Dec Saimon Pita gic amba têtj ij, ma sôm, “Am ndac ij bu ij sôm yom pi asa.” ²⁵ Goc ñgacsêñom dau têtj sac Yisu, ma ndac, “Pômdau, asa?” ²⁶ Ma Yisu ô yom ma sôm, “Ñgac nañ aö wapuc bolom dindéc sip sulu ma wakêtj têtj ij.” Goc ij puc bolom sip sulu ma kêñ têtj Judas Iskeriot, Saimon atungac. ²⁷ Judas kôc bolom dau su, ma ñgahô Sadañ sip ij ndê ñalôm. Ma Yisu sôm têtj ij, “Sa ndi, ma gêtj nañ am gauc gêm bu kôm, nañ kôm ñgahô.” ²⁸ Lau hoñ nañ sêndöc tebo, nañ sêñgô yom nañ Yisu sôm têtj Judas, magoc sêñyalê ñahu dom. ²⁹ Judas ij ñgac nañ yob ñac si talhi mone-ñga, ma bocdinañ dec ñgacsêñomi ñatô gauc gêm bu Yisu kêkiñ ij sa gi bu nemlhi gêtj tu Mwasij Pasowa-ñga, me bu kêñ gêtj têtj lau ñalôm sawa. ³⁰ Judas gêtj bolom nañ Yisu kêñ têtj ij, ma sa awê gi. Ma gameñ ñasac sa.

Yomsu wakuc

³¹ Judas sa gi su, ma Yisu sôm, “Kwahic dec Ñamalac ndê Atu oc tap ij ndê waê sa, ma ij oc po Anötö ndê waê sa whiñ. ³² Ma Anötö oc kêñ dau

ndê ñawasi têtj ndê Atungac bu po Atu ndê waê sa. Ma ij oc po ndê waê sa ñagahô eñ.

³³“O aneñ lau hac. Aö wambo wawhiñ mac ñasawa sauñ eñ. Tiñambu mac oc añsalê aö, tigeñ tòm aö gasôm têtj lau bata Israel-ña su, dec wasôm têtj mac bu gameñ nañ aö bu wandi, nañ mac atôm dom bu ameneñ. ³⁴Kwahic dec aö wakêtj yomsu wakuc têtj mac bocdec bu. Akêtj nem atac whiñ lom daôm. Tòm aö atac whiñ mac, dec mac atac whiñ nem asidôwai bocdinañ. ³⁵Ma têtj ndoc lau hoñ sêlic mac nem mêtê atac whiñ daôm-ña, dec ñac oc sêñyalê pi ñandô bu aneñ ñgacsêñjomi mac.”

Yisu sôm asê bu Pita oc sêc ij ahuc
(*Mat 26:31-35; Mak 14:27-31; Luk 22:31-34*)

³⁶Goc Saimon Pita ndac ij bu, “Pômdu, am oc mbo nde?” Ma Yisu ô yom ma sôm, “Gameñ nañ aö oc wandi, nañ am gitôm dom bu êmkuc aö kwahic dec. Magoc tiñambu am oc êmkuc aö mweñ.” ³⁷Goc Pita ndac, “Pômdu, tu sake-ña am sôm bu kwahic dec aö gatôm dom bu wanjkuc am? Aö wakêtj dauñ sambuc e nditôm wambac ndu tu am-ña.” ³⁸Ma Yisu ô yom ma sôm, “Am gauc gêm bu am gitôm bu mbwac ndu tu aö-ña, a? Aö wasôm yomandô têtj am, bu ôbwêc dau dindac am oc sêc aö ahuc tidim tö muñ, goc dalec oc tañ.”

Yisu ti señ datêtj ij Damba-ña

14 ¹Ma Yisu sôm têtj ndê ñgacsêñjomi, “Ambo ti nem ñalôm ñawapac dom. Akêtj whiñ Anötö, ma akêtj whiñ aö bocdinañ. ²Ñalôm daêsam yêc Damañ ndê andu. Bu mba, oc wasôm yom dindac asê têtj mac dom. Aö watêtj Damañ ndê andu dau wandi, bu wamasañ mac nem malam. ³Aêc, aö oc wandi, ma wamasañ nem malam, ma tiñambu aö wambu wameñ ma wakôc mac sa bu ameneñ andöc gameñ dinañ awhiñ aö. ⁴Mac añyalê señ têtj gameñ nañ aö oc wandi.” ⁵Magoc Tomas sôm têtj ij, “Pômdu, yac am gauc gameñ nañ am oc ndi, ma bocdinañ ñalêtj bocke dec yac oc añyalê señ bu atêtj gameñ dau andi?” ⁶Ma Yisu sôm, “Aö dauñ gati señ, ma yom ñandô ti mac andöc tamli ñahu yêc aö. Aö tañwasêtj gati señ bu ñamalac sêtêtj Damañ sêndi, ma señ dañ yêc dom. ⁷Mac bu añyalê aö ñapep, dec oc añyalê Damañ whiñ. Ma kwahic dec ma ndi, mac añyalê ij, ma mac alic ij su.” ⁸Goc Pilip sôm, “Pômdu, tôc Damam têtj yac, nañ goc nditôm.” ⁹Ma Yisu ô ij ndê yom ma sôm, “O Pilip, aö gambo gawhiñ mac ñasawa baliñ su, ma bocke am kêyalê aö dom? Tu sake-ña am sôm têtj aö bu watôc Damañ têtj mac? Aö wasôm têtj am, bu asa nañ gêlic aö su, nañ gêlic Damañ su bocdinañ. ¹⁰Aö gasôm su, bu aö gambo Damañ ñalôm, ma ij mbo aö ñalôm. Mac akêtj whiñ yom dau, me mba? Yom nañ aö gasôm, nañ aö tañwasêtj neñ yom dom. Damañ nañ mbo aö ñalôm, nañ kôm ij ndê gwelen ña aö. ¹¹Aö gasôm bu aö gambo Damañ

ɲalôm, ma iɲ mbo aô ɲalôm. Akêɲ whiɲ aneɲ yom dinaɲ. Magoc mac bu akêɲ whiɲ aneɲ yom dom, dec gauc nem gêɲ atu-tu naɲ aô gakôm ɲa Damaɲ ndê ɲaclai, ma akêɲ whiɲ tu gêɲ dinaɲ-ɲga. ¹²Aô wasôm yom ɲandô têt mac, bu asa naɲ kêt whiɲ aô, naɲ oc kôm gêɲ atu-tu gitôm aô gakôm. Ma iɲ oc kôm gêɲ atu-tu naɲ hôt gêlêc iɲ dinaɲ su. ɲahu bu kwahic dec aô watêt Damaɲ wandi. ¹³Ma aô wakôm gêɲ bocke naɲ mac ateɲ tu aneɲ ɲaê-ɲga, ma ɲalêɲ dinaɲ aô wapo Damaɲ ndê waê sa. ¹⁴Ateɲ gêɲ tu aneɲ ɲaê-ɲga, ma aô wakôm gêɲ dau ɲandô sa.”

Yisu gic bata bu êɲkiɲ ɲalau Dabuɲ

¹⁵Ma Yisu sôm, “Mac bu atac whiɲ aô, dec daɲam wambu aneɲ yom. ¹⁶⁻¹⁷Ma aô wandac Damaɲ, ma iɲ oc kêt ɲalau Yom ɲandô-ɲga bu meɲ mbo whiɲ mac ɲapaɲ eɲ. Iɲ oc puc mac dôn ti nem mac awham ô aô. Lau sac nom-ɲga oc sêkôc iɲ sa dom, bu ɲac sêtôm dom bu sêlic iɲ me sêɲyalê iɲ. Tigeɲ mac aɲyalê iɲ, bu iɲ mbo whiɲ mac, ma oc mbo mac nem ɲalôm. ¹⁸Aô wahu mac siɲ bu ambo atôm mosibu dom. Mba! Aô dauɲ watêt mac waloc.

¹⁹“ɲasawa sauɲ ma lau nom-ɲga oc sêlic aô tiyham dom, tigeɲ mac oc alic aô. ɲahu bu aô oc watisa tiyham ma wambo taɲli, ma tu dinaɲ-ɲga dec oc nditôm bu mac ambo tamli ɲapaɲ awhiɲ. ²⁰Têt têt dinaɲ, mac oc aɲyalê bu aô gambo Damaɲ ɲalôm, ma mac ambo aô ɲalôm, ma aô gambo mac ɲalôm. ²¹Asa naɲ kôc aneɲ yomsu sa yêc iɲ ndê ɲalôm ma daɲga wambu, naɲ tôc asê bu iɲ atac whiɲ aô ɲandô, ma Damaɲ oc atac whiɲ iɲ bocdinaɲ. Ma aô dauɲ oc atac whiɲ iɲ, ma watôt dauɲ asê têt iɲ.”

²²Goc ɲgacsêɲjom daɲ ɲaê Judas sôm, “Pômdau, tu sake-ɲga am sôm bu tôc daôm asê têt yac, magoc têt lau nom-ɲga hoɲ dom?” (ɲgacsêɲjom dinaɲ iɲ Judas Iskeriot dom.) ²³Ma Yisu ô yom ma sôm, “Asa naɲ atac whiɲ aô, naɲ oc daɲga wambu aneɲ yom. Ma Damaɲ oc atac whiɲ iɲ ma alu oc atêt iɲ aloc ma ambo awhiɲ iɲ. ²⁴Yom naɲ aô gasôm asê têt mac, naɲ aô dauɲ neɲ yom dom. Damaɲ naɲ kêkiɲ aô gameɲ, naɲ ndê yom. Tigeɲ lau nom-ɲga naɲ atac whiɲ aô dom, naɲ daɲga wambu aneɲ yom dau dom.

²⁵“K wahic dec aô gambo gawhiɲ mac ma gasôm yom hoɲ dindec têt mac. ²⁶Magoc tiɲambu, Damaɲ oc êɲkiɲ ɲalau Dabuɲ nem aô aɲôn têt mac loc bu nem mac sa. Iɲ oc êndôhôn mac pi gêɲ hoɲ, ma kêt mac gauc nem yom hoɲ naɲ aô gasôm têt mac su. ²⁷Aô wakêt aneɲ yom malô têt mac bu yêc mac ɲapaɲ, dec ambo ti atac malô. Bu yom malô naɲ aô oc wakêt têt mac, naɲ hôt gêlêc lau nom-ɲga si su. Bocdinaɲ ahêgo daôm dom, ma atôt daôm dom.

²⁸“Aô gasôm têt mac bu aô oc wahu mac siɲ, ma tiɲambu oc wambu wameɲ tiyham. Ma mac bu atac whiɲ aô, dec mac oc atac ɲayham bu aô

watêŋ Damaŋ wandi, bu Damaŋ hôc gêlêc aö su. ²⁹Kwahic dec aö gasôm yom dindec têtŋ mac gwanaj, bu tiŋambu têtŋ ndoc anej yom dau ŋandô sa, naŋ goc mac oc akêŋ whiŋ aö.

³⁰“Ndoc tiapê, dec gitôm dom bu wasôm yom daêsam têtŋ mac. Ŋahu bu nom dindec ŋadau kêpiŋ bu meŋ. Iŋ dau ndê ŋaclai mba bu kôm gêŋ daŋ têtŋ aö. ³¹Magoc aö wakôm gêŋ hoŋ nditôm Damaŋ gic atu aö, ma ŋalêŋ dinaŋ dec lau nom-ŋga oc sêŋyalê bu aö atac whiŋ Damaŋ. Bocdinaŋ atisa ma dalhö.”

Yisu gêm dôhônŋ dau pi a wain

15 ¹Ma Yisu sôm, “Aö a wain ŋandô,^s ma Damaŋ ti ôm wain-ŋga ŋadau. ²A wain ŋasaŋgac hoŋ naŋ sêlhac wain ŋahu aö dauŋ ma sem ŋandô dom, naŋ Damaŋ oc so kic. Ma ŋasaŋgac naŋ sem ŋandô, naŋ iŋ oc ndic sêli bu kôm ŋawasi sa ma nem ŋandô daêsam. ³Ma ŋalêŋ tigeŋ, yom naŋ aö gasôm têtŋ mac su, naŋ kôm mac nem ŋalôm ŋawasi sa su. ⁴Asap aö dôŋ, ma aö wasap mac dôŋ bocdinaŋ. A wain ŋasaŋgac daŋ bu sap ŋahu dôŋ dom, dec oc tôm dom bu nem ŋandô yêc dau-ŋga. Ma mac bocdinaŋ. Mac bu asap aö dôŋ dom, dec oc tôm dom bu mac anem ŋandô. ⁵Aö gatôm a w ain ŋahu, ma mac atôm ŋasaŋgac. Asa naŋ sap aö dôŋ, ma aö wasap iŋ dôŋ, naŋ oc nem ŋandô daêsam. Mac bu asap aö dôŋ dom, dec oc atôm bu akôm gêŋ ŋayham daŋ dom. ⁶Asa naŋ sap aö dôŋ dom, naŋ gitôm ŋasaŋgac naŋ kegwelec sip nom ma tibasô. Ma ŋasaŋgac kaiŋ dinaŋ oc sêhoŋ sa ma sêkêŋ pi ya ndi ma ya neŋ su.

⁷“Mac bu asap aö dôŋ, ma bu akôc anej yom sa tidônŋ yêc nem ŋalôm, dec gêŋ bocke naŋ mac bu atac whiŋ, naŋ atej têtŋ Anötö, ma iŋ oc kêŋ têtŋ mac. ⁸Asap aö dôŋ ma anem ŋandô daêsam, dec oc whê mac sa bu anej ŋgacsêŋomi ŋandô, ma ŋalêŋ dinaŋ mac oc apo Damaŋ ndê waê sa. ⁹Aö atac whiŋ mac, gitôm Damaŋ atac whiŋ aö. Kwahic dec ambo anej atac whiŋ ŋalôm. ¹⁰Aö daŋaŋ wambu yom hoŋ naŋ Damaŋ gic atu aö, ma aö gambo iŋ ndê atac whiŋ ŋalôm. Ma mac bu daŋam wambu yom naŋ aö gac atu mac, dec mac oc ambo anej atac whiŋ ŋalôm.

¹¹“Aö gasôm yom dindec têtŋ mac, tu bu anej atac ŋayham nem mac nem ŋalôm ahuc. Ma anej atac ŋayham oc êŋsalê mac ahuc. ¹²Anej yomsu dau dec, bu mac atac whiŋ nem asidôwai, gitôm aö atac whiŋ mac. ¹³Ŋamalac naŋ kêŋ dau sambuc ma mbac ndu ô iŋ ndê asidôwa, naŋ ndê mêtê atac whiŋ-ŋga hôc gêlêc lau hoŋ si su.

¹⁴“Mac bu aŋkuc aö neŋ yomsu ma akêŋ nem atac whiŋ lom daôm, naŋ mac ati anej lau atac whiŋ-ŋga. ¹⁵Ŋadau daŋ oc sôm gêŋ hoŋ asê

^s 15:1 Yêc Yom Lêŋsêm Akwa Anötö gêm dôhônŋ lau Israel-ŋga pi a wain - alic BW 80:8-16, Ais 5:1-7 ma Jer 2:21. Magoc ndoc daêsam lau Israel sêso Anötö ndê mêtê. Yisu gêm dôhônŋ dau pi a wain, ma sôm bu iŋ a wain ŋandô.

têḅ iḅ ndê lau akiḅ dom. Magoc gêḅ hoḅ naḅ aö gaḅgö yêc Damaḅ, naḅ aö gawhê sa têtḅ mac su. Tu dinaḅ-ḅga aö wasam mac bu lau akiḅ tiyham dom, magoc aö wasam mac bu aö neḅ lau atac whiḅ-ḅga. ¹⁶Mac aḅkuc aö tu daöḅ nem gauc-ḅga dom. Mba! Aö dauḅ kayaliḅ mac sa, ma kakiḅ mac bu asa andi ma anem ḅandö daêsam, naḅ oc yêc ḅapaḅ. Ma têtḅ ndoc dinaḅ, gêḅ sake naḅ mac atēḅ têtḅ Damaḅ anem aö aḅöḅ, naḅ iḅ oc kêtḅ têtḅ mac. ¹⁷Aö neḅ yomsu dau bocdec bu, atac whiḅ mac nem asidöwai andic ḅawaê.”

Lau nom-ḅga atac tec Yisu ndê lau

¹⁸Ma Yisu sôm, “Têtḅ ndoc lau sac nom-ḅga atac tec mac, naḅ gauc nem bu ḅac sêtec aö muḅ su. ¹⁹Mac bu aḅkuc lau nom-ḅga si mêtê, dec lau nom-ḅga oc atac whiḅ mac, ḅahu bu ḅac atac whiḅ ḅac dau si lau. Magoc mac ambo atöḅ lau nom-ḅga dom, bu aö kayaliḅ mac sa su yêc ḅac, ma tu dinaḅ-ḅga dec ḅac oc sêtec mac.

²⁰Gauc nem yom naḅ aö gasöḅ têtḅ mac bocdec bu, ‘ḅḅac akiḅ daḅ oc hôc gêlêc iḅ ndê ḅadau dom.’ Lau nom-ḅga sêkêtḅ kisa aö, ma oc sêkêtḅ kisa mac bocdinaḅ. ḅac sêkôc aneḅ yom sa dom, ma bocdinaḅ ḅac oc sêkôc mac nem yom sa dom. ²¹ḅac oc sêkôḅ gêḅ hoḅ dinaḅ têtḅ mac tu mac akêtḅ whiḅ aö-ḅga, ḅahu bu ḅac sêḅyâlê iḅ naḅ kêkiḅ aö gameḅ, naḅ dom.

²²“Aö bu wameḅ ma wahoc neḅ yom asê têtḅ ḅac dom, dec ḅac si giso mba. Magoc ḅac sêḅgö aneḅ yom hoḅ su ma sêkêtḅ whiḅ dom, dec ḅalêḅ mba bu sêmasaḅ yom têtḅ Anötö tu ḅac si giso-ḅga. ²³Asa naḅ atac tec aö, naḅ atac tec Damaḅ whiḅ. ²⁴Aö gaköḅ gêḅ dalö yêc ḅac si aḅgö-ḅga, naḅ ḅamalac daḅ gitöḅ dom bu kôm. Aö bu watöc têtḅ ḅac dom, dec ḅac si giso mba. Magoc ḅac sêlic su, ma sêkêtḅ whiḅ aö dom. Mba! ḅac sêtec aö, ma sêtec Damaḅ whiḅ. ²⁵Ma bocdinaḅ Anötö ndê yom naḅ sêto yêc ḅac si buku yomsu-ḅga,^h naḅ dec ḅandö sa. Yom dau sôm bu, ‘ḅac atac tec aö ḅambwa.’

²⁶“Tiḅambu, aö waḅkiḅ ḅalau meḅ bu puc mac döḅ ma nem mac awham sa. Iḅ ḅalau naḅ sa akêtḅ Damaḅ, ma sôm yom ḅandö eḅ. Ma têtḅ ndoc iḅ meḅ, naḅ iḅ oc hoc yom ḅandö asê pi aö. ²⁷Ma mac oc ahoc yom ḅandö asê pi aö bocdinaḅ, bu mac ambo awhiḅ aö têtḅ ḅamata-ḅga e meḅ têtḅ dec.

16 ¹“Aö gasöḅ yom hoḅ dindec têtḅ mac bu wapuc mac döḅ, bu ahu nem akêtḅ whiḅ aö siḅ dom têtḅ ndoc mac atap kisa sa. ²Lau

^h 15:25 Yom dau yêc BW 35:19, 69:4. Têḅ ḅatö lau Israel sêsam Anötö ndê yom naḅ kwahic dec dasam bu Yom Lêḅsêm Akwa naḅ bu ‘Buku Yomsu-ḅga.’ Magoc ḅaê ‘Buku Yomsu-ḅga’ dau hêganöḅ buku amaḅdaḅ naḅ Moses to (Genesis, Eksodas, Levitikas, Namba ma Diuteronomi).

Israel-nga oc sêmasuc mac su yêc gôlôwac Israel-nga. Ndoc oc meŋ, naŋ lau oc sêndic mac nem lau ŋatô ndu, ma ŋac oc gauc nem bu sêkôm gêŋ ŋayham tu sênem akiŋ Anötö-nga. ³Ŋac sêŋyalê Damaŋ dom, ma sêŋyalê aö dom, ma tu dinaŋ-nga dec ŋac oc sêkôm bocdinaŋ têt mac. ⁴Magoc kwahic dec aö gasôm yom dindec têt mac, bu têt ndoc gêŋ dau hóc asê mac, naŋ gauc nem bu aö gakêŋ puc mac gwananŋ su.”

Ŋalau Dabuŋ ndê gwelen

“Aö gasôm yom dinaŋ asê têt mac muŋ su dom, ŋahu bu aö gambo gawhiŋ mac. ⁵Magoc kwahic dec aö oc wahu mac siŋ, ma wambu watêŋ iŋ naŋ kêkiŋ aö gameŋ, naŋ wandi. Ma bocke dec mac nem daŋ ndac aö pi gameŋ wandi-nga dom? ⁶Tigeŋ tu aö gasôm bu wahu mac siŋ-nga, dec kayalê bu mac nem ŋalôm ŋawapac ŋandô. ⁷Aö wasôm yom ŋandô têt mac, bu aö bu wahu mac siŋ dec oc wanem mac sa. Aö bu wahu mac siŋ dom, goc Ŋalau Nem Mac Sa-nga oc têt mac meŋ dom. Magoc aö bu wandi, dec aö waŋkiŋ iŋ têt mac meŋ. ⁸Ma têt ndoc iŋ meŋ, naŋ iŋ oc tóc lau nom-nga si giso asê tiawê pi sac, ma pi lêŋ gitêŋ, ma pi Anötö ndê matôc. ⁹Iŋ oc tóc ŋac si sac ŋahu asê, naŋ sip ŋac sêkêŋ whiŋ aö dom. ¹⁰Ma iŋ oc tóc asê bu lau nom-nga sêŋyalê Anötö ndê lêŋ gitêŋ dom, bu aö oc watêŋ Damaŋ wandi, ma mac oc alic aö tiyham dom.ⁱ ¹¹Ma iŋ oc tóc asê bu Anötö oc êmatôc sac hoŋ, tôm kwahic dec iŋ oc êmatôc nom dindec ŋadau.

¹²“Yom daêsam yêc bu wasôm têt mac, magoc mac atôm dom bu akôc sa. ¹³Magoc têt ndoc Ŋalau Yom Ŋandô-nga meŋ su, naŋ iŋ oc nem mac sa bu aŋyalê yom ŋandô hoŋ. Ŋahu bu iŋ oc sôm dau ndê yom asê dom, magoc yom hoŋ naŋ iŋ ŋgô yêc alu Damaŋ, naŋ dec iŋ oc hoc asê. Ma iŋ oc kêŋ puc mac pi gêŋ naŋ oc hóc asê tiŋambu. ¹⁴Ŋalau Dabuŋ oc po aneŋ waêŋ sa, ŋahu bu iŋ oc kôc aö dauŋ neŋ yom, ma hoc asê têt mac. ¹⁵Damaŋ ndê gêŋ hoŋ ti aö neŋ, ma tu dinaŋ-nga dec gasôm têt mac bu gêŋ hoŋ naŋ Ŋalau oc hoc asê têt mac, naŋ meŋ akêŋ aö neŋ.”

Ŋalôm ŋawapac oc nem dau kwi ti atac ŋayham

¹⁶Goc Yisu sôm, “Ŋasawa sauŋ mac oc alic aö dom, ma ŋasawa sauŋ mac oc alic aö tiyham.” ¹⁷Yisu sôm yom dinaŋ, goc iŋ ndê ŋgacsêŋomi sem yomgalôm, ma ŋatô sêsôm têt dandi, “Yom bocke dec iŋ sôm

ⁱ 16:10 Yom dau ŋahu yêc awê dom. Lau ŋatô gauc gêm bu yom dau ŋahu bocdec bu. Lau nom-nga sêtec Yisu ma sêkic yom bu sêndic iŋ ndu. Ŋac si gauc sa dom, ma sêlic iŋ gitôm ŋgac sac daŋ. Magoc Anötö uŋ iŋ sa, ma kôc iŋ sa pi undambê gi, dec tóc asê bu Yisu iŋ ŋgac gitêŋ. Bocdinaŋ Ŋalau Dabuŋ oc tóc asê bu lau nom-nga si gauc sa pi Yisu dom. Ma lau ŋatô gauc gêm bu yom dau ŋahu bocdec. Yisu oc pi undambê ndi ma gitôm dom bu êndôhŋ lau nom-nga pi lêŋ gitêŋ tiyham, dec Ŋalau oc meŋ bu whê ŋac si gauc sa pi mêtê sac ma mêtê gitêŋ.

bu ñasawa sauñ yac oc dalic iñ dom, ma ñasawa sauñ yac oc dalic iñ tiyham? Ma iñ sôm bu iñ oc têtñ Damba ndi.”¹⁸ Goc sêndac dandi ñapañ bu, “Iñ ndê yom dinañ pi ñasawa sauñ, nañ ñahu bocke? Yac tañyalê iñ ndê yom ñahu dom.”

¹⁹Yisu kêyalê bu ñac bu sêndac iñ pi yom dau, dec sôm têtñ ñac, “Aö gasôm bu ñasawa sauñ mac oc alic aö dom, ma ñasawa sauñ mac oc alic aö tiyham. Tu sake-ñga mac am yomgalôm pi yom dau? ²⁰Yomandô aö wasôm têtñ mac, bu têtñ ndoc aö wahu mac siñ, nañ mac oc ahu dangibo asê ma atañ, magoc lau sac nom-ñga oc atac ñayham sa. Mac oc ambo ti nem ñalôm ñawapac, magoc tiñambu mac nem ñalôm ñawapac oc nem dau kwi ti atac ñayham. ²¹Oc nditôm awhê tidaê nañ ndê ndoc meñ sa bu kôc balêkoc-ñga. Iñ ñalôm ñawapac bu iñ kêсахê ñandê atu. Tigeñ têtñ ndoc iñ kôc balêkoc dau su, nañ iñ oc gauc nem ñandê dau tiyham dom, bu iñ atac ñayham sa bu iñ ndê balêkoc hôc asê su. ²²Ma mac bocdinañ, kwahic dec mac ambo ti ñalôm ñawapac, magoc tiñambu aö walic mac tiyham, ma têtñ ndoc dinañ, mac oc atac ñayham atu. Ma lau ñañ oc sêkôc atac ñayham su yêc mac dom. ²³Têtñ têtñ dinañ mac oc andac aö pi gêtñ ñañ tiyham dom. Yomandô aö wasôm têtñ mac, bu gêtñ sake nañ mac ateq têtñ Damañ tu aneq ñaê-ñga, nañ iñ oc kêtñ têtñ mac. ²⁴Têtñ ñamata-ñga e meñ têtñ kwahic dec, mac ateq gêtñ ñañ tu aneq ñaê-ñga dom. Kwahic dec ma ndi, nañ ateq gêtñ tu aneq ñaê-ñga. Ma Anötö oc kêtñ têtñ mac, ma mac oc atisambuc ñandô.”

Yisu ku ñaclai nom-ñga dulu

²⁵“Gêtñ hoñ dinañ aö gasôm têtñ mac ña yom gôliñ. Magoc têtñ oc meñ sa, nañ aö oc wasôm yom têtñ mac ña yom gôliñ dom. Aö oc wasôm yom yêc awê têtñ mac pi Damañ. ²⁶Têtñ ndoc dinañ mac oc ateq gêtñ tu aneq ñaê-ñga. Aö wasôm têtñ mac, bu aö ñañ oc wanem mac awham têtñ Damañ lec dom. Mac ñaôm ateq nem mbec solop têtñ iñ, ²⁷bu iñ atac whiñ mac. Aêc! Damañ Anötö atac whiñ mac, ñahu bu mac atac whiñ aö, ma akêtñ whiñ bu iñ kêkiñ aö gameñ. ²⁸Aö gambo gawhiñ Damañ muñ su, dec gasip nom gameñ. Ma kwahic dec aö bu wahu nom siñ ma wambu watêtñ iñ wandi.”

²⁹Têtñ dinañ Yisu ndê ñgac-sêñomi sêsôm têtñ iñ, “Kwahic dec am sôm yom yêc awê, ma sôm ña yom gôliñ dom. ³⁰Ma kwahic dec yac añyalê bu am kêyalê gêtñ hoñ. Ma lau sêkêtñ gêndac têtñ am dom magoc am kêyalê ñac si gauc ti yom hoñ muñ. Tu dinañ-ñga dec yac akêtñ whiñ bu am mweñ akêtñ Anötö ndê.” ³¹Goc Yisu sôm têtñ ñac, “Kwahic dec mac akêtñ whiñ, a? ³²Aö wasôm têtñ mac, bu ndoc oc meñ sa, ma kwahic dec meñ kêtñ su, nañ mac hoñ oc ahu aö siñ ma alhê têtñ. Magoc aö oc wambo tañwasêtñ dom, bu Damañ oc mbo whiñ aö. ³³Aö gasôm yom hoñ dindec têtñ mac bu wapuc mac ñoñ bu ambo ti atac malô tu aö-ñga. Yêc nom

mac oc atap n̄awapac sa, magoc ambo ti nem n̄alôm p̄eñ d̄oñ, bu aö gaku n̄aclai nom-n̄ga dulu su.”

Yisu teñ mbec tu iñ dau-n̄ga

17 ¹Yisu sôm yom dinañ su, goc tatak undambê, ma teñ mbec bocdec bu, “Damañ, aneñ ndoc h̄oc asê su. Po am Atôm, aö dec neñ waêñ sa, ma n̄alêñ dinañ aö oc wapo am nem waêm sa. ²Am k̄eñ n̄aclai t̄eñ aö pi n̄amalac hoñ, tu bu wakêñ lau hoñ nañ am k̄eñ t̄eñ aö, nañ sêmbo tali n̄apañ. ³Ma n̄ac si n̄ahu sêmbo tali n̄apañ-n̄ga dau bocdec bu, s̄eñyalê am Anötö n̄andô tigeñ, ma s̄eñyalê aö, Yisu Kilisi nañ am k̄ekiñ aö gameñ.

⁴“Aö gac dabiñ gweleñ nañ am k̄eñ sip aö amañ, ma tu dinañ-n̄ga dec aö gapo nem waêm sa yêc nom. ⁵Têñ n̄amata-n̄ga nom dindec mbasi, nañ aö dec gambo gawhiñ am ma h̄eclu dawêkaiñ n̄awasi atu dawhiñ dauñ. Kwahic dec Damañ, aö wandac am bu k̄oc aö sa bu wambo wawhiñ am tiyham ti n̄awasi atu dau.”

Yisu teñ mbec tu iñ ndê n̄gacsêñomi-n̄ga

⁶Ma Yisu sôm, “O Damañ, am k̄eñyalin am nem lau sa yêc nom, ma k̄eñ n̄ac s̄esip aö amañ. Aö gatôc am asê t̄eñ n̄ac su, ma n̄ac dan̄ga wambu am nem yom. ⁷Ma kwahic dec n̄ac s̄eñyalê bu ḡeñ hoñ nañ aö gakôm, nañ n̄ahu am daôm, ma am k̄eñ sip aö amañ bu wakôm-n̄ga. ⁸Bu yom nañ am k̄eñ t̄eñ aö, nañ aö gasôm asê t̄eñ n̄ac, ma s̄êkôc sa. Ma n̄ac s̄eñyalê pi n̄andô bu muñ-n̄ga aö gambo gawhiñ am, ma s̄êkêñ whiñ bu am daôm k̄ekiñ aö gameñ. ⁹Kwahic dec aö bu wateñ mbec tu n̄ac-n̄ga. Aö wateñ tu lau nom-n̄ga hoñ-n̄ga dom, magoc aö wateñ tu am nem lau hoñ, nañ am k̄eñ sip aö amañ-n̄ga. ¹⁰Aneñ lau hoñ s̄eti am nem, ma am nem lau hoñ s̄eti aö neñ. Ma aö gatap waêñ sa tu n̄ac-n̄ga. ¹¹Aneñ t̄em wambo nom-n̄ga pacndê, ma malô aö oc watêñ am waloc. Magoc n̄ac oc gacgeñ sêmbo nom. O Damañ dabuñ, aö bu wateñ am bu yob lau dinañ n̄a am nem n̄aê n̄a-n̄aclai atu nañ am ḡelic n̄ayham bu k̄eñ t̄eñ aö. Yob n̄ac bu s̄epiñ dau d̄oñ s̄eti ḡeñ tigeñ, gitôm h̄eclu dati ḡeñ tigeñ. ¹²Têñ ndoc aö gambo gawhiñ n̄ac, nañ aö gayob n̄ ac n̄apep n̄a am nem n̄aê n̄a-n̄aclai nañ am k̄eñ t̄eñ aö. Ma bocdinañ n̄ac si dan̄ giñga dom. ñgac tigeñ nañ gic waê bu peñ, nañ tawasê oc niñga, bu kôm yom nañ s̄eto yêc, nañ n̄andô sa.

¹³“Malô aö oc watêñ am waloc. Tigeñ kwahic dec aö gambo nom ma gasôm yom hoñ dinañ asê t̄eñ aneñ lau, tu bu aneñ atac n̄ayham nem n̄ac ahuc, ma kôm n̄ac s̄etisambuc. ¹⁴Aö gakêñ am nem yom t̄eñ n̄ac, ma lau sac nom-n̄ga atac tec n̄ac. S̄etec n̄ac n̄ahu bu n̄ac si mala n̄andô yêc nom dom, gitôm aö dauñ neñ malañ n̄andô yêc nom dom. ¹⁵Aö wateñ am bu k̄oc n̄ac su yêc nom dom, magoc aö wateñ am bu yob n̄ac tu n̄gac

sac Sadaŋ-ŋga. ¹⁶Ŋac si mala ŋandô yêc nom dom, gitôm aö neŋ malan ŋandô yêc nom dom. ¹⁷Damaŋ, am nem yom iŋ yom ŋandô eŋ. Kêŋ nem yom ŋandô sip ŋac si ŋalôm bu kôm ŋac sêti lau dabuŋ ŋandô. ¹⁸Tôm am kêkiŋ aö gasip nom gameŋ, dec aö waŋkiŋ ŋac sêsa sêndi sêmbo lau nom-ŋga ŋalôm. ¹⁹Kwahic dec aö gam dabuŋ dauŋ bu wandic bata am nem lêŋ nem lau si-ŋga, ma ŋalêŋ dau dinaŋ dec oc tôm bu ŋac dau sêti am nem lau dabuŋ.”

Yisu teŋ mbec tu lau hoŋ naŋ oc sêkêŋ whiŋ iŋ-ŋga

²⁰“Aö waterŋ mbec tu lau naŋ kwahic dec sêŋyalê aö, naŋ tawasê-ŋga dom. Aö waterŋ mbec tu lau hoŋ naŋ sêŋgô yom naŋ ŋac oc sêhoc asê pi aö, ma sêkêŋ whiŋ aö-ŋga sêwhiŋ. ²¹Kêŋ ŋac hoŋ sêmbo ti ŋalôm ma gauc tigeŋ, gitôm hêclu dati gêŋ tigeŋ, am mbo aö ŋalôm, ma aö gambo am ŋalôm. Pwiŋ ŋac hoŋ dôŋ sênem damiŋ hêclu, ma bocdinaŋ têŋ ndoc lau nom-ŋga sêlic ŋac sêpiŋ dau dôŋ ti ŋalôm tigeŋ, dec ŋac hoŋ oc sêkêŋ whiŋ bu am kêkiŋ aö gameŋ. ²²Am nem ŋaclai ti ŋawasi naŋ am kêŋ têŋ aö, naŋ dec aö gakêŋ têŋ ŋac, bu ŋac oc sêti gêŋ tigeŋ gitôm hêclu dati gêŋ tigeŋ. ²³Am mbo aö ŋalôm, ma aö wambo ŋac ŋalôm, tu bu wapiŋ ŋac dôŋ bu sêmbo ti ŋalôm ma gauc tigeŋ. Ma bocdinaŋ lau nom-ŋga oc sêŋyalê bu am kêkiŋ aö gameŋ, ma bu am atac whiŋ ŋac gitôm am atac whiŋ aö.

²⁴“Damaŋ, aö tac whiŋ bu lau hoŋ naŋ am kêŋ ŋac sêsip aö amaŋ, naŋ sêwhiŋ aö sêmeŋ ma sêmbo gameŋ naŋ aö oc wambo. Dec ŋac oc sêlic ŋawasi atu naŋ am kêŋ têŋ aö. Bu muŋ-ŋga, nom dindec mbasi, naŋ am atac whiŋ aö ndu andô, dec kêŋ ŋawasi dau têŋ aö. ²⁵O Damaŋ gitêŋ, lau nom-ŋga sêŋyalê am dom. Tigeŋ aö kayalê am, ma lau dindec sêŋyalê bu am kêkiŋ aö gameŋ. ²⁶Aö gatôc am asê têŋ ŋac, ma watôc am asê ŋapaŋ. Ma tu dinaŋ-ŋga dec am nem atac whiŋ aö-ŋga oc yêc ŋac si ŋalôm. Ma aö dauŋ oc wambo ŋac si ŋalôm wawhiŋ.”

Sêkôc Yisu dôŋ

(*Mat 26:47-56; Mak 14:43-50; Luk 22:47-53*)

18 ¹Yisu teŋ mbec dau pacndê, goc iŋ ti ndê ŋgacsêŋomi sêhu Jerusalem siŋ, ma sêpi Busuŋ Kidron-ŋga ŋadaŋga si. Ma sêsôc ôm ðolib-ŋga daŋ naŋ yêc dinaŋ. ²Judas, ŋgac naŋ hoc Yisu asê, naŋ kêyalê ôm dinaŋ, bu ndoc daêsam Yisu ti ŋgacsêŋomi sêkac sa sêmbo dindê. ³Bocdinaŋ têŋ ôbwêc dinaŋ iŋ kêkuc ŋac, ma sa têŋ ôm dau gi. Iŋ wê lau siŋ Rom-ŋga toŋ daŋ ma lau siŋ-ŋga lôm dabuŋ-ŋga ŋatô naŋ dabuŋsiga atu-tu ti lau Palêsai sêŋkiŋ. Ŋac sêŋsêlêŋ ti sêhóc dawêŋ ti lam, ma wapa siŋ-ŋga, ma sêhóc asê ôm dinaŋ.

⁴Yisu kêyalê gêj hoj nañ oc hôc asê inj, goc sa gi ma ndac ñac bu, “Mac añsalê asa?” ⁵Ma ñac sêsôm, “Yac añsalê Yisu Nasaret-ñga.” Dec Yisu sôm, “Aö dauñ dindec.” (Têñ ndoc dinañ, Judas, ñgac hoc inj asê-ñga, kalhac whiñ lau dinañ.) ⁶Têñ ndoc ñac sêñgô Yisu ndê yom bu, “Aö dauñ dindec,” goc ñac hoj sêyu dau su ma sêpeñ sêsip nom si. ⁷Ma inj ndac tiyham, “Mac añsalê asa?” Ma sêsôm, “Yisu Nasaret-ñga.” ⁸Goc inj ô yom ma sôm, “Aö gasôm su, bu aö dauñ dindec. Mac asôm bu mac añsalê aö, ma bocdinañ atec aneñ lau dindec sêlhö sêndi.” ⁹Yisu sôm yom dau tu bu nem inj ndê ñgacsêñjomi si-ñga. Ma tu dinañ-ñga yom nañ inj sôm muñ su bocdec bu, “Aö oc wayob ñamalac hoj nañ Damañ kêñ têtj aö, bu ñac si ñañ niñga dom,” nañ dec ñandô sa. ¹⁰Saimon Pita kôc inj ndê bieñ baliñ sa, ma pa dabuñsiga ñamata-ñga ndê ñgac akiñ ndê ñañgalauñ andô-ñga su. ñgac akiñ dau ndê ñaê Malkus. ¹¹Magoc Yisu sôm têtj Pita, “Kêñ nem bieñ mbu sip ñapañ ndi. Damañ kêñ laclhu ñawapac-ñga dindec têtj aö, ma aö gac waê bu wanôm.”

Sêwê Yisu sêtêtj Anas si
(*Mat 26:57*)

¹²Goc ñgac bata siñ-ñga ti ndê lau siñ, ma lau siñ sêyob lôm dabuñ-ñga nañ lau bata Israel-ñga sêñkiñ, nañ sêkôc Yisu ma sêsô inj amba dôñ. ¹³Goc sêwê inj sêtêtj Kayapas lawa Anas ndê andu si. Kayapas, inj lau Israel si dabuñsiga ñamata-ñga têtj têm dinañ. ¹⁴Inj ñgac nañ muñ-ñga sôm asê têtj lau bata Israel-ñga, bu oc ñayham bu ñgac tigeñ mbac ndu ô lau hoj.

Pita sêc Yisu ahuc
(*Mat 26:69-70; Mak 14:66-68; Luk 22:55-57*)

¹⁵Sêwê Yisu sêtêtj dabuñsiga ñamata-ñga ndê andu, ma sêsôc tuñlôm nañ kêgihi andu dau, nañ si. Ma Saimon Pita lu ñgacsêñjom ñañ sêñkuc. ñgacsêñjom dau dabuñsiga ñamata-ñga kêyalê inj tidôn, ma bocdinañ dec inj kêkuc Yisu ma gacgeñ sôc tuñlôm dau gi. ¹⁶Magoc Pita sôc gi dom, inj kalhac awê kêpiñ gatam. Dec ñgacsêñjom nañ dabuñsiga ñamata-ñga kêyalê, nañ mbu gi ma sôm yom pi Pita whiñ awhê akiñ nañ yob gatam, goc kôc Pita sôc gi. ¹⁷Ma awhê akiñ dinañ ndac Pita bocdec, “Ma bocke? Am Yisu ndê ñgacsêñjom ñañ whiñ, a?” Magoc Pita pa dau ma sôm, “Mba! Aö dom!”

¹⁸Têñ ôbwêc dinañ gameñ ñalhuc sa, dec lau akiñ ti lau siñ lôm dabuñ-ñga sêkôm ya golom asê goc sêlhac sêñgihi ma sêñsulu. Ma Pita gi kalhac whiñ ñac ma kêsulu ya.

Dabuŋsiga Anas kĕsu Yisu

(*Mat 26:59-68; Mak 14:55-65; Luk 22:63-71*)

¹⁹T êŋ dinaŋ, dabuŋsiga ŋamata-ŋga Anas^j kĕsu Yisu pi iŋ ndĕ sĕŋomi, ma pi yom naŋ iŋ kĕdôhôn tĕŋ lau. ²⁰Ma Yisu sôm, “Aô gasôm aneŋ yom hoŋ yĕc awê. Aô kadôhôn lau gambo ŋac si lôm wê-ŋga ma yĕc lôm dabuŋ Jerusalem-ŋga, gameŋ naŋ lau Israel-ŋga hoŋ êlĕmê sĕkac dau sa sĕmbo naŋ. Ma aô gasĕc yom daŋ ahuc dom. ²¹Bocdinaŋ tu sake-ŋga am kĕsu aô? Ndac lau naŋ sĕŋgô aneŋ yom. Ŋac hoŋ sĕŋyalê yom naŋ aô gasôm.” ²²Tĕŋ ndoc Yisu sôm yom dinaŋ, goc ŋgac siŋ lôm dabuŋ-ŋga naŋ kalhac kĕpiŋ iŋ, naŋ tap iŋ sip ali andô ma sôm, “Toc dabuŋsiga atu sa, ma ô iŋ ndĕ yom bocdinaŋ dom!” ²³Dec Yisu sôm, “Yom naŋ aô gasôm, naŋ bu yom so, naŋ goc sôm tĕŋ aô. Magoc aô gasôm yom so daŋ dom, ma tu sake-ŋga dec am tap aô?” ²⁴Tĕŋ dinaŋ Anas kĕkiŋ Yisu tĕŋ dabuŋsiga ŋamata-ŋga Kayapas gi. Ma wac naŋ sĕsô iŋ amba dôn, naŋ gacgeŋ yĕc.

Pita sĕc Yisu ahuc tiyham

(*Mat 26:71-75; Mak 14:69-72; Luk 22:58-62*)

²⁵Saimon Pita kĕsulu ya mbo, ma ŋamalac daŋ ndac iŋ, “Am ŋgac dau ndĕ ŋgacsĕŋom daŋ, me?” Ma Pita pa dau ma sôm, “Mba!” ²⁶Dabuŋsiga ŋamata-ŋga ndĕ ŋgac akiŋ daŋ mbo gameŋ dinaŋ. Iŋ ŋgac naŋ Pita pa iŋ ndĕ daŋgalaun su, naŋ ndĕ tĕŋgac. Ma iŋ sôm tĕŋ Pita, “Ma bocke? Aô galic am kalhac whiŋ ŋgac dinaŋ yĕc ôm olib-ŋga. Yomandô, me?” ²⁷Magoc Pita pa dau tiyham, ma ŋagahô eŋ dalec daŋ gic hu taŋ.

Pailot kĕsahê Yisu

(*Mat 27:11-18, 20-23; Mak 15:2-15; Luk 23:2, 3, 18-25*)

²⁸Ôbwĕc pacndĕ, ma tĕŋ bĕbĕc ganduc lau bata Israel-ŋga sĕhu Kayapas ndĕ andu siŋ ma sĕwê Yisu sĕtĕŋ gôliŋwaga Rom-ŋga ndĕ andu si. Lau bata Israel-ŋga dinaŋ sĕsôc andu dau dom, sĕtôc dau ma gauc gĕm bu oc kôm ŋac ŋadômbwi sa yĕc Anôtô aŋgô-ŋga, dec oc tôm dom bu sĕneŋ Mwasiŋ Pasowa-ŋga.^k ²⁹Bocdinaŋ Pailot, ŋgac naŋ gĕm gôliŋ

^j 18:19 Anas - Muŋ-ŋga lau Israel-ŋga sĕŋyaliŋ Anas sa ti ŋac si dabuŋsiga ŋamata-ŋga. Tĕŋ yala AD15 lau Rom-ŋga sĕkôc iŋ su yĕc gweleŋ dau. Tiŋambu Kayapas iŋ lau Israel si dabuŋsiga ŋamata-ŋga, magoc lau Israel daĕsam êlĕmê sĕsam Anas bu dabuŋsiga ŋamata-ŋga whiŋ. ^k 18:28 Lau Israel-ŋga si yomsu daŋ sôm bu ŋac bu sĕnem dabuŋ dau, dec ŋac sĕmbo ahê tĕŋ †lau gameŋ apa-ŋga. Ŋahu bu lau gameŋ apa-ŋga sĕŋkuc Anôtô ndĕ yomsu dom, ma lau Israel-ŋga bu sĕmbo sĕmpiŋ ŋac, dec oc kôm ŋac ŋadômbwi sa yĕc Anôtô aŋgô-ŋga. Pailot iŋ ŋgac Rom-ŋga daŋ, ma lau gameŋ apa-ŋga daĕsam sĕmbo iŋ ndĕ andu, ma tu dinaŋ-ŋga lau bata Israel-ŋga sĕtec bu sĕsôc iŋ ndĕ andu.

gameŋ Judia-ŋga sa têtŋ ŋac gi, ma ndac ŋac, “Mac asôm bu ŋgac dindec kôm giso bocke?” ³⁰Ma sêô yom ma sêsôm, “Iŋ bu ndê giso mbasi, dec yac oc akôc iŋ atêtŋ am ameŋ lec dom.” ³¹Dec Pailot sôm, “Mac daôm akôc iŋ sa andi, ma amatôc iŋ êŋkuc mac daôm nem yomsu.” Magoc ŋac sêsôm, “Mba! Bu mac lau Rom-ŋga akêtŋ yao bu yac lau Israel-ŋga andic ŋamalac daŋ ndu dom.” ³²Ijalêtŋ dinaŋ dec Yisu ndê yom pi lêtŋ naŋ iŋ oc mbac ndu,¹ naŋ ŋandô sa.

³³Têtŋ dinaŋ Pailot hu ŋac siŋ ma sôc andu gi, goc ta Yisu sôc gi ma ndac iŋ, “Am lau Israel-ŋga si Kiŋ, a?” ³⁴Ma Yisu ô yom bocdec bu, “Am sôm yom dinaŋ tôm am daôm nem gauc, me lau ŋatô sêsôm yom dau pi aô?” ³⁵Ma Pailot sôm, “Aô ŋgac Israel-ŋga dom! Am daôm nem lau ti dabuŋsiga atu-tu Israel-ŋga sêkêtŋ am têtŋ aô mweŋ. Am kôm gêtŋ giso bocke?” ³⁶Dec Yisu sôm, “Aneŋ gôliŋ kiŋ-ŋga gitôm kiŋ nom dindec-ŋga si gôliŋ dom. Aô bu wanem gôliŋ gameŋ nom-ŋga daŋ, dec oc tôm bu aneŋ lau akiŋ sêyob aô ma sêndic siŋ bu lau bata Israel-ŋga sêkôc aô dôn dom. Magoc aô neŋ gôliŋ ŋahu yêc nom dindec dom.” ³⁷Goc Pailot sôm, “Bocdinaŋ, am sôm bu am kiŋ daŋ, a?” Ma Yisu sôm, “Am daôm sôm bu aô kiŋ daŋ. Aneŋ dinaŋ kôc aô, ma aô gahôc asê nom tu gêtŋ tigeŋ-ŋga, naŋ tu wahoc yom ŋandô asê-ŋga. Ma lau hoŋ naŋ atac whiŋ yom ŋandô, naŋ sêkôc aneŋ yom sa.” ³⁸Pailot ŋgô yom dau goc ndac, “Ma yom bocke iŋ yom ŋandô?”

Iŋ sôm yom dinaŋ su, goc sa têtŋ lau bata Israel-ŋga gi, ma sôm tiyham têtŋ ŋac, “Aô gatap yom daŋ bu tamatôc iŋ pi-ŋga, naŋ sa dom. ³⁹Magoc mac nem mêtê daŋ yêc, bu wahu gapocwalô daŋ siŋ têtŋ mac têtŋ Mwasin Pasowa-ŋga ŋandoc. Mac atac whiŋ bu aô wahu ŋgac dindec, naŋ sêsam bu Kiŋ Israel-ŋga, naŋ siŋ têtŋ mac, me mba?” ⁴⁰Magoc sêmbwêc, “Mba! Iŋ dom! Hu Barabas siŋ têtŋ yac.” Barabas iŋ lau naŋ sêŋgilí siŋ têtŋ lau Rom-ŋga, naŋ si daŋ.

Sêsôm tidôn bu sêndic Yisu ndu

(*Mat 27:15-31; Mak 15:6-20; Luk 23:13-25*)

19 ¹Goc Pailot kêtŋ Yisu têtŋ lau siŋ-ŋga bu sêhi iŋ ŋa sô. ²Ma sêŋsau bu sêtoc iŋ sa. Sêwhê wac kêm ma sêkêtŋ iŋ uŋ gitôm sunsuŋ, ma sêkêtŋ iŋ sôc ŋakwê kokoc gitôm kiŋ si ŋakwê. ³Goc sêsôc sêsa sêlhac iŋ aŋgô-ŋga ma sêmbwêc, “Ei! Datoc lau Israel si Kiŋ dindec sa maŋ!” Ma sêtap iŋ sip ali andô.

⁴Ma Pailot sa meŋ tiyham ma sôm têtŋ lau bata bu, “Aŋgô su naŋ! Aô neŋ lau siŋ-ŋga oc sêkôc iŋ sa têtŋ mac meŋ. Ma bocdinaŋ dec aŋyalê bu

¹ **18:32** Yisu sôm bu lau oc sêsuŋ iŋ sa yêc nom - alic Jon 12:32-33, 3:14 ma 8:28. Lau Israel-ŋga sêtoc lau sac ŋa hoc ndu, magoc lau Rom-ŋga sêndic lau sac pi a gicso dau ma tu dinaŋ-ŋga Yisu sôm bu ŋac oc sêsuŋ iŋ sa akêtŋ nom.

aö gatap yom daŋ sa pi iŋ dom.”⁵ Goc sêkôc Yisu sa meŋ, ti suŋsuŋ wac kêm ma ŋakwê kokoc. Ma Pailot sôm, “Alic ŋgac dau dec.”⁶ Têŋ ndoc dabuŋsiga atu-tu ma lau siŋ lôm dabuŋ-ŋga sêlic iŋ, naŋ sêmbwêc, “Ndic iŋ pi a gicso dau! Ndic iŋ pi a!” Magoc Pailot sôm, “Mba! Aö gatap yom daŋ sa pi iŋ dom. Mac daôm akôc iŋ sa andi ma andic iŋ pi a.”⁷ Ma lau bata Israel-ŋga sêsôm, “Iŋ toc dau sa ma sam dau bu Anötö ndê Atu! Ma tu yom sac dinaŋ-ŋga, yac mba yomsu sôm bu iŋ mbac ndu maŋ.”

⁸ Pailot ŋgô yom dinaŋ ma töc dau ŋandô. ⁹ Goc iŋ kôc Yisu mbu sôc andu ŋalôm gi, ma ndac iŋ, “Am mweŋ akêŋ nde?” Magoc Yisu gêm dôn. ¹⁰ Ma Pailot sôm têt iŋ, “Bocke am ô aneŋ yom dom? Aneŋ ŋaclai yêc bu waŋgapwêc am su, me bu wandic am pi a gicso dau ndi. Am kêyalê, a?” ¹¹ Dec Yisu ô yom ma sôm, “Anötö bu kêŋ têt am dom, dec am oc tôm dom bu kôm gêt daŋ têt aö. Bocdinaŋ dabuŋsiga naŋ kêŋ aö gasip am amam, naŋ kôm giso hóc gêlêc am nem su.”

¹² Pailot ŋgô yom dinaŋ, dec kêsalê lêt bu hu Yisu siŋ. Magoc lau bata Israel-ŋga sêmbwêc ŋapaŋ ma sêsôm, “Asa naŋ toc dau sa bu iŋ kiŋ daŋ, naŋ kôm bu hóc gêlêc Sisa, lau Rom-ŋga si kiŋ. Bocdinaŋ am bu hu ŋgac dindéc siŋ, naŋ am Sisa ndê silip dom.”

¹³⁻¹⁴ Bêc dinaŋ iŋ bêc lau Israel-ŋga sêmasaŋ Mwasiaŋ Pasowa-ŋga, ma ac kalhac lhu su. Têŋ ndoc Pailot ŋgô lau bata Israel-ŋga si yom dinaŋ, naŋ dec iŋ kôc Yisu sa awê têt gameŋ naŋ sêsam bu Seŋ Hoc naŋ gi. (Yêc Yom †Hibru sêsam gameŋ dau bu Gabata.) Yêc dinaŋ, Pailot ndôc sic ndôc iŋ ndê pôn êmatôc yom-ŋga, ma sôm têt lau bata Israel-ŋga bu, “Alic mac nem kiŋ dindéc!”¹⁵ Tigeŋ ŋac sêmbwêc, “Kôc iŋ sa ndi! Kôc iŋ sa ndi! Ndic iŋ pi a gicso dau!” Dec Pailot ndac, “Mac atac whiŋ bu aö wandic nem Kiŋ pi a gicso dau ndi, a?” Ma dabuŋsiga atu-tu sêô yom ma sêsôm, “Iŋ yac mba kiŋ dom! Sisa tigeŋ iŋ yac mba kiŋ.”¹⁶ Têt dinaŋ Pailot sôc ŋac si yom ŋapu, ma kêŋ Yisu têt ŋac bu lau siŋ-ŋga sêndic iŋ pi a gicso dau ndi.

Lau siŋ-ŋga sic Yisu pi a gicso dau

(*Mat 27:32-44; Mak 15:21-32; Luk 23:26-43*)

¹⁷ Sêkêŋ Yisu hóc dau ndê a gicso dau, ma sêwê iŋ sêsa gameŋ naŋ sêsam bu Gameŋ ŋakêcyha-ŋga si. Yêc Yom Hibru sêsam gameŋ dau bu Golgota. ¹⁸ Ma yêc dinaŋ, ŋac sic iŋ pi a gicso dau gi. Ma ŋac sic ŋgac lu sêpi a sêwhiŋ, daŋ kêgalêŋ andô-ŋga ma daŋ kêgalêŋ gasê-ŋga.

¹⁹ Pailot sôm bu sêto yom pi bapia daŋ ma sêndic pi a gicso dau ŋahô-ŋga. Bapia dau sôm, “Yisu Nasaret-ŋga. Lau Israel-ŋga si Kiŋ.”²⁰ Sêto yom dau ŋa lau Israel, ti lau Rom-ŋga ma lau Grik-ŋga si awha. Gameŋ dinaŋ yêc suŋ sa têt malac Jerusalem, dec lau Israel-ŋga daêsam sêlic bapia dau. ²¹ Boc-dinaŋ dabuŋsiga atu-tu Israel-ŋga sêtucdiŋ ma sêsôm têt Pailot, “Am to, ‘Lau Israel-ŋga si Kiŋ,’ ma yac alic yham dom! Am bu to,

‘Iḡgac dindec sam dau bu lau Israel-ḡga si kiḡ,’ dec oc solop.” ²²Magoc iḡ ô yom ma sôm, “Aö gato yom dinaḡ, ma oc yêc bocdinaḡ.”

²³Têḡ ndoc lau siḡ-ḡga sic Yisu pi a gicso dau, naḡ sêkôc iḡ ndê ḡakwê su. Iḡac lau hale, ma sêwhê ḡakwê awê-ḡga kôc gi toḡ hale, ma sêkôc sa tôm gi. Magoc ḡac sic sam iḡ ndê ḡakwê ḡalôm-ḡga dom. Iḡakwê dau ḡayham andô, sêsê dom, sêwhê sambuc ti po baliḡ yêc ḡasu ma sip têt ḡahi. ²⁴Bocdinaḡ lau siḡ-ḡga sêsôm têt dandi, “Dakêc po dau kic dom. Dapuc gapoc ma yac neḡ daḡ kôc po sambuc.” Iḡac sêkôm bocdinaḡ, dec yom daḡ naḡ sêto yêc, naḡ ḡandô sa. Yom dau bocdec bu:

Iḡac sêwhê aneḡ ḡakwê kôc têt dandi, ma sêpuc gapoc tu aneḡ ḡakwê-ḡga. [BW 22:18]

²⁵Têḡ ndoc dinaḡ Yisu dinda lu asiwê daḡ, ma Klopas ndê awhê Maria lu Maria Magadala sêlhac sêmpinḡ a gicso dau. ²⁶Ma Yisu ḡêlic iḡ dinda kalhac whiḡ ḡgac-sêḡnom naḡ iḡ atac whiḡ ḡandô, dec iḡ sôm têt dinda, “O dinaḡ. Lic nem atômḡgac dinaḡ.” ²⁷Ma iḡ sôm têt ḡgacsêḡnom dau bu, “Lic am dinam dinaḡ.” Ma têt bêc dinaḡ ma gi, ḡgacsêḡnom dau kôc Yisu dinda sa ndôc iḡ ndê andu.

Yisu mbac ndu

(Mat 27:48, 50; Mak 15:36-37; Luk 23:36)

²⁸Yisu kêyalê bu iḡ gic dabiḡ ḡêḡ hoḡ su. Ma tu yom daḡ naḡ sêto yêc, naḡ ḡandô sa-ḡga, dec iḡ sôm, “Aö bu yô aö.” ²⁹Lôn wain ḡamakic-ḡga daḡ kalhac gameḡ dinaḡ, ma ḡgac siḡ-ḡga daḡ kôc sôwam daḡ ma kêt sip wain. Goc iḡ sô pi a baliḡ daḡ, ma hôc sa pi têt Yisu whasuḡ gi. ³⁰Iḡ nôm su ma sôm, “Aö neḡ ḡwelenḡ hoḡ pacndê su.” Goc iḡ wec, ma mbac ndu.

³¹Têḡ bêc dinaḡ lau Israel-ḡga sêmasaḡ dau tu bêc Sabat-ḡga, ma Sabat laḡsê-ḡga iḡ ḡac si om atu daḡ. Iḡac sêtec bu lau batê sêḡgalêḡ a gicso dau têt bêc atu dinaḡ, boc-dinaḡ dec lau bata sêndac Pailot bu lau siḡ-ḡga sêtuc lau dau si ḡahi dulu tu bu sêmbac ndu ḡgahô-ḡga, goc sêkôc ḡac si ḡamlaḡ su ma sêḡsuhuḡ. ³²Pailot ḡôlôc su, dec lau siḡ-ḡga sêtêḡ ḡgac daḡ naḡ sic pi a gicso dau whiḡ Yisu naḡ si, ma sêtuc iḡ ḡahi dulu. Goc ḡac sêtuc ḡgac tilu-ḡga ḡahi dulu boc-dinaḡ. ³³Tigeḡ têt têt sêtêḡ Yisu si, naḡ sêlic bu iḡ mbac ndu su, dec sic iḡ ḡahi dulu dom. ³⁴Magoc ḡgac siḡ-ḡga daḡ kôc iḡ ndê kêḡ ma kuḡ Yisu sip ḡabi, ma ḡgahô dac ti bu kêc sa meḡ. ³⁵(Iḡgac naḡ ḡêlic ḡêḡ hoḡ dinaḡ su, naḡ dec sôm asê, ma iḡ ndê yom iḡ yom ḡandô. Iḡ dau kêyalê bu iḡ ndê yom iḡ yom ḡandô, ma iḡ sôm asê bu mac akêḡ whiḡ bocdinaḡ.) ³⁶ḡêḡ dinaḡ hôc asê, dec yom lu naḡ sêto yêc, naḡ ḡandô sa.

Yom daḡ yêc bocdec bu:

Iḡac oc sêtuc iḡ ndê ḡakwa daḡ dulu dom. [BW 34:20]

³⁷Ma yom daḡ tiyham yêc bocdec:

Ŋac oc sêlhac ma tahê ŋgac naŋ sêkuŋ iŋ naŋ.

[Sêk 12:10]

Sêkêŋ Yisu ndê ŋamlaŋ yêc hoc ŋasuŋ
(*Mat 27:57-61; Mak 15:42-47; Luk 23:50-56*)

³⁸Ŋgac daŋ mbo, naŋ sêsam bu Josep, ma iŋ meŋ akêŋ malac A rimatiya. Iŋ kêŋ whiŋ Yisu, magoc sêc dau ahuc, bu iŋ tôte lau bata Israel-ŋga. Têŋ telha dinaŋ iŋ têtŋ Pailot gi ma ndac Yisu ndê ŋamlaŋ. Pailot gôlôc, dec Josep sa gi ma kôc Yisu ndê ŋamlaŋ su yêc a gicso dau. ³⁹Ma Nikodemas gêm iŋ sa. Nikodemas iŋ ŋgac bata Israel-ŋga naŋ muŋ-ŋga gi gêlic Yisu têtŋ ôbwêc daŋ. Iŋ kôc a ŋakwi ti gêtŋ ŋamalu naŋ sêŋgaluŋ whiŋ dau su, naŋ gitôm 30 kilogram, ma whiŋ Josep gi. ⁴⁰Iŋlu sêkôc Yisu ndê ŋamlaŋ, ma sem oso ŋa gêtŋ ŋamalu, goc sêhi ahuc ŋa po ŋayham. Sêkôm gêtŋ dau kêkuc lau Israel-ŋga si gêbôm sêŋsuhuŋ lau batê-ŋga. ⁴¹Ôm daŋ yêc suŋ sa têtŋ gameŋ naŋ lau siŋ-ŋga sic Yisu pi a gicso dau. Ma sêhò daŋ yêc ôm dau ŋalôm, naŋ lau sêlêtŋ gwanuŋ su yêc hoc ŋalôm, ma sêkêŋ ŋgac batê daŋ yêc hoc ŋasuŋ dau muŋ su dom. ⁴²Bocdinaŋ sêŋsuhuŋ Yisu ŋamlaŋ yêc hocsuŋ dinaŋ, ŋahu bu bêc dinaŋ iŋ bêc lau Israel-ŋga sêmasaŋ dau tu Sabat-ŋga, ma hocsuŋ dau yêc kêpiŋ.

Yisu tisa

(*Mat 28:1-8; Mak 16:1-8; Luk 24:1-10*)

20 ¹Bêc Sabat-ŋga meŋ gi su, ma têtŋ wake ŋabêc ŋamata-ŋga Maria Magadala tisa têtŋ bêbêc ganduc, ma sa têtŋ sêhò gi. Iŋ gêlic bu hoc atu naŋ sêkêŋ ndôc sê awaha, naŋ ndôc ŋamala dom. ²Goc iŋ kêtŋ mbu têtŋ Saimon Pita lu ŋgacsêŋom naŋ Yisu atac whiŋ ŋandô, naŋ gi, ma sôm têtŋ iŋlu, “Oyaê! Ŋac sêkôc Pômdau ndê ŋamlaŋ su yêc sêhò, ma yac am gauc gameŋ naŋ sêkêŋ iŋ yêc.” ³Goc Pita lu ŋgacsêŋom dinaŋ sêti bu sêtêtŋ sêhò sêndi. ⁴Iŋlu sênti si, ma ŋgacsêŋom dinaŋ hóc gêlêc Pita su ma hóc asê muŋ. ⁵Iŋ sôc gi dom, magoc iŋ wec ma tôte gwaniŋ, ma gêlic po naŋ sêhi pi Yisu ndê ŋamlaŋ, naŋ yêc ŋamala. ⁶Saimon Pita kêkuc meŋ hóc asê ma gacgeŋ sôc hocsuŋ dau ŋalôm gi. Iŋ gêlic po naŋ yêc, ⁷ma po naŋ sêhi pi Yisu ŋagôlôŋ. Po dinaŋ yêc dau-ŋga, magoc yêc bambaliŋ dom, yêc gitôm sêtŋp sa ŋapep. ⁸Goc ŋgac-sêŋom naŋ hóc asê sêhò muŋ, naŋ sôc gi whiŋ. Iŋ gêlic po ŋambwa, dec kêŋ whiŋ bu Yisu tisa su yomandô. ⁹(Muŋ-ŋga e meŋ têtŋ têtŋ dinaŋ, naŋ ŋac si gauc sa dom pi yom hoŋ naŋ sêto yêc bu Yisu oc tisa akêŋ lau batê-ŋga.)

Yisu hoc dau asê têtŋ Maria Magadala

¹⁰Dinaŋ su ma ŋgacsêŋom lu dinaŋ sêlhò sêmbu sêtêtŋ si andu si. ¹¹Magoc Maria Magadala naŋ mbu meŋ su, naŋ gacgeŋ kalhac sêhò ŋamakê ma taŋ. Iŋ wec bu tôte gwaniŋ sêhò ŋalôm, ¹²ma iŋ gêlic aŋela lu ti ŋakwê sêsêp sêndôc gameŋ naŋ muŋ-ŋga Yisu yêc, daŋ ndôc

ngagólôn-nga, ma daŋ ndöc gahi-nga. ¹³Ma sêndac iŋ, “O awhé! Am taŋ tu sake-nga?” Ma iŋ ô yom ma sôm, “Lau sêkôc aneŋ Pômdau ndê ñamlaŋ su, ma aö gam gauc gameŋ naŋ sêkêŋ iŋ yêc naŋ.” ¹⁴Iŋ sôm yom dinaŋ su, dec tagêlic ma gêlic Yisu, magoc kêyalê dom bu iŋ Yisu. ¹⁵Ma Yisu sôm, “Awhê! Am taŋ tu sake-nga? Am kêsalê asa?” Maria gauc gêm bu iŋ ŋgac naŋ yob ôm dau, dec sôm, “O ñadau, am bu kôc iŋ ndê ñamlaŋ su, goc sôm asê têtŋ aö bu am kêtŋ iŋ yêc gameŋ bocke, ma yac oc andi akôc iŋ sa.” ¹⁶Têtŋ dinaŋ Yisu sôm têtŋ iŋ, “Maria.” Goc Maria kac dau kwi ma mbwêc ña Yom Hibu, “Raboni!” (Yom dau danem kwi bu ‘Kêdôhônŋwaga.’) ¹⁷Iŋ kêgape Yisu dôŋ ñaŋga, magoc iŋ sôm, “Am êmasec aö ñapaŋ dom, bu aö gatêtŋ Damaŋ ga su dom. Magoc am mbu ndi, ma sôm têtŋ aneŋ asidôwai bu aö oc wambu watêtŋ aneŋ Damaŋ, ma mac nem Damam. Iŋ aö neŋ Anötö, ma mac nem Anötö.”

¹⁸G oc Maria Magadala kôlhö têtŋ Yisu ndê sêŋomi gi, ma sôm têtŋ ñac bu, “Pômdau tisa ma aö galic iŋ su!” Ma yom hoŋ naŋ Yisu sôm têtŋ iŋ, naŋ iŋ gic miŋ têtŋ ñac.

Yisu hoc dau asê têtŋ ndê sêŋomi

¹⁹Têtŋ wake ñabêc ñamata-nga dinaŋ ñaöbwêc, sêŋomi sêmbo andu daŋ ñalôm sêwhiŋ dau. Ñac sic gatam ahuc ñaŋga, bu sêtôc lau bata Israel-nga. Sêmbo dinaŋ, ma Yisu hoc dau asê kalhac ñac ñalhu, ma sôm, “Yom malô whiŋ mac!” ²⁰Iŋ sôm yom dinaŋ su, goc tôc iŋ amba ma ñabi têtŋ ñac sêlic. Ma ñac hoŋ atac ñayham atu tu sêlic Pômdau-nga. ²¹Ma iŋ sôm tiyham, “Yom malô whiŋ mac! Tôm Damaŋ kêkiŋ aö gasip nom gameŋ, naŋ kwahic dec waŋkiŋ mac asa andi.” ²²Dec iŋ yu wayahö pi ñac ma sôm, “Akôc ñalau Dabuŋ sa loc. ²³Aö wakêtŋ ñaclai têtŋ mac bu asuc ñamalac si sac kwi. Ñac naŋ mac asuc ñac si sac kwi, naŋ Anötö suc ñac si sac kwi bocdinaŋ. Ma ñac naŋ mac asuc si sac kwi dom, naŋ si sac oc gagceŋ yêc ñac-nga.”

Yisu hoc dau asê têtŋ Tomas

²⁴Têtŋ ndoc ñamata-nga naŋ Yisu hoc dau asê têtŋ iŋ ndê sêŋomi, naŋ Tomas mbo whiŋ ñac dom. Iŋ ñgacsêŋomi 12 si daŋ naŋ sêsam bu Lôcmpôn. ²⁵Tiŋambu sêŋomi ñatô sêsôm têtŋ iŋ bu, “Yac alic Pômdau su!” Magoc iŋ sôm, “Aö gakêtŋ whiŋ dom! Aö bu walic bôlêm ñamala yêc iŋ amba, ma wakêtŋ aö amaŋatu sip ñamala dau, ma sôc kêm ñamala yêc iŋ ñabi, dec aö oc wakêtŋ whiŋ.”

²⁶Wake daŋ giŋga su, ma Yisu ndê sêŋomi sêmbo andu dau tiyham, ma Tomas mbo whiŋ ñac. Ñac sic gatam ahuc ñaŋga sa, magoc Yisu meŋ kalhac ñac ñalhu. Ma iŋ sôm, “Yom malô whiŋ mac!” ²⁷Ma iŋ sôm têtŋ Tomas, “Lic aö amaŋ, ma kêtŋ amam-atu sip dec, ma kêtŋ amam-atu sôc aneŋ ñabi. Hu nem atac lu-lu siŋ, ma kêtŋ whiŋ.” ²⁸Dec Tomas sôm, “Aneŋ

Pômdau, ma aneḡ Anötö am!”²⁹ Goc Yisu sôm tēḡ iḡ, “Am gêlic aö su, dec kēḡ whiḡ. Aö awhaḡ hōc lau naḡ sêlic pi tandô dom, magoc sêkēḡ whiḡ, bu ḡac oc sêtap Anötö ndê mwasinḡ sa.”

Jon ndê bapia ḡahu

³⁰ Yisu kôm gēḡ dalô daêsam yêc iḡ ndê sēḡomi ḡḡô-ḡga, naḡ ḡamiḡ yêc bapia dindec dom. ³¹ Magoc yom pi gēḡ dalô naḡ sêto sip bapia dindec, naḡ yêc tu bu mac asam ma akēḡ whiḡ bu Yisu iḡ Mesaya, Anötö ndê Atu. Ma tu mac akēḡ whiḡ iḡ ndê ḡaê-ḡga, dec mac oc atap seḡ ambo tamli-ḡga sa.

ḡḡacsēḡomi sêhê i daêsam

21 ¹ Tiḡambu Yisu hoc dau asê tēḡ ḡḡacsēḡomi tiyham, yêc Bugictonḡ Taibirias^m ḡamakê. Ma ḡamiḡ dau dindec. ² Saimon Pita, ma Tomas naḡ sêsam bu Lôcmpôḡ, Natanael naḡ meḡ akēḡ malac Kana yêc Galili, Sebedi ndê atu lu, ma ḡḡacsēḡom lu tiyham sēmbô sêwhiḡ dau. ³ Ma Pita sôm tēḡ ḡac, “Aö bu wasa wandi wakôc i.” Ma ḡac sêsôm, “Ayôc, yac awhiḡ am daloc.” Bocdinaḡ ḡac hoḡ sêpi waḡ daḡ ma sêsa si bu sêkēḡ wasaḡ. Magoc tēḡ ôbwêc dinaḡ, sêkôc i daḡ dom.

⁴ Tēḡ bêbêc ganduc Yisu kalhac baö, tigeḡ ḡac sēḡyalê dom bu iḡ Yisu. ⁵ Ma iḡ hê mwalêc ḡac ma sôm, “Aê mac lau. Mac akôc i ḡatô, me mba?” Ma sêsôm, “Mba!” ⁶ Dec iḡ sôm tēḡ ḡac, “Akēḡ wasaḡ sip andô-ḡga, ma mac oc atap i ḡatô sa.” Bocdinaḡ ḡac sêkēḡ wasaḡ sip gi ma sêkôc i daêsam andô, dec gitôm dom bu sêhê sa. ⁷ Tēḡ dinaḡ ḡḡacsēḡom naḡ Yisu atac whiḡ kêlêc, naḡ sôm tēḡ Pita bu, “Kec, Pômdau dau dê.” Saimon Pita ḡḡo yom dau, goc ḡagahô iḡ kôc ndê ḡakwê awê-ḡga sa, hi pi dau, ma pwê sip bu gi, ma bu tēḡ Yisu ndi. ⁸ Waḡ dau poc kēpiḡ baö, ḡasawa gitôm 90 mita, ma ḡḡacsēḡomi ḡatô sêhêc waḡ ma sêhê wasaḡ ti i sēḡkuc Pita.

⁹ ḡac sêhêc asê baö, ma sêlic i sa ya ḡanda, ma bolom ḡatô. ¹⁰ Ma Yisu sôm tēḡ ḡac, “Akôc i ḡatô sa yêc wasaḡ amēḡ.” ¹¹ Goc Saimon Pita tēḡ waḡ gi, kēḡapwêc wasaḡ su, goc sêhê pi baö gi. I atu-atu daêsam sêyêc wasaḡ, naḡ sêsê sa gitôm 153, magoc wasaḡ dau kic dom. ¹² ḡac hoḡ sêtôc bu sêndac iḡ bu, “Am asa?” Magoc yêc ḡac si ḡalôm sēḡyalê bu iḡ Pômdau. Ma Yisu sôm, “Amēḡ ma aneḡ gēḡ bêbêc-ḡga.” ¹³ Dec iḡ kêsêlêḡ gi ma kôc i ti bolom sa, ma kēḡ tēḡ ḡac. ¹⁴ Dinaḡ ti tēm titô-ḡga naḡ Yisu hoc dau asê tēḡ ndê ḡḡacsēḡomi tēḡ ndoc Anötö uḡ iḡ sa akēḡ lau batê-ḡga.

Yisu ndê yom tēḡ Pita

¹⁵ ḡac seḡ gēḡ pacndê, goc Yisu sôm tēḡ Saimon Pita, “Saimon, Jon ndê atu. Am tac whiḡ aö ḡandô, hōc gêlêc lau dindec si atac whiḡ aö su, me?”

^m 21:1 Taibirias - Bugictonḡ Galili-ḡga ndê ḡaê daḡ.

Ma iŋ sôm, “Aêc Pômdau! Am kêyalê bu aö atac whiŋ am.” Dec Yisu sôm, “Bocdinaŋ lôm aneŋ domba.” ¹⁶Ma Yisu ndac iŋ tiyham bu, “Saimon, Jon ndê atu, am tac whiŋ aö ŋandô, me?” Ma iŋ ô yom ma sôm, “Aêc Pômdau, am kêyalê bu aö atac whiŋ am.” Dec Yisu sôm, “Yob aneŋ domba.” ¹⁷Ma iŋ ndac tidim titô-ŋga, “Saimon, Jon ndê atu, am tac whiŋ aö ŋandô, me?” Pita ndê ŋalôm ŋawapac bu Yisu ndac yom tigeŋ dinaŋ têtŋ iŋ tidim tötô, ma iŋ sôm, “Pômdau, am kêyalê gêtŋ hoŋ. Am kêyalê bu aö atac whiŋ am kêlêc.” Goc Yisu sôm, “Lôm aneŋ domba. ¹⁸Aö wasôm yom ŋandô têtŋ am. Têtŋ ndoc am mbo balê, naŋ am kêmasaŋ daôm, ma kêsêlêtŋ têtŋ gameŋ bocke naŋ am daôm atac whiŋ bu ndi. Tigeŋ tiŋambu, têtŋ ndoc am ti ŋamalac andô, naŋ am oc êmatôc amam, ma lau daŋ oc sêsô am nem piŋkap dôtŋ, ma sêwê am têtŋ gameŋ naŋ am atac whiŋ dom bu ndi-ŋga naŋ.” ¹⁹Yisu sôm yom dinaŋ gwananŋ pi Pita ndê mbac ndu ŋalêtŋ, naŋ oc po Anötö ndê waê sa. Ma Yisu gic têtŋ yom ma sôm, “Êmkuc aö!”

Yisu lu ŋgacsêŋom naŋ iŋ atac whiŋ

²⁰Têtŋ dinaŋ Pita kac dau kwi ma gêlic ŋgacsêŋom naŋ Yisu atac whiŋ iŋ ŋandô, naŋ kêkuc iŋlu. (Iŋ ŋgac dinaŋ têtŋ ndoc ŋac seŋ Pasowa, naŋ ndöc gi paŋ Pômdau, ma ndac iŋ bu asa oc hoc iŋ asê.) ²¹Têtŋ ndoc Pita gêlic iŋ, naŋ goc iŋ ndac Yisu, “Pômdau, ŋgac dê oc bocke?” ²²Ma Yisu ô yom ma sôm, “Am êmkuc aö ma hêgo daôm pi iŋ dom. Aö bu wakêtŋ iŋ mbo tali e wambu wameŋ, naŋ aö neŋ gêtŋ.” ²³Tiŋambu sêŋomi ŋatô sêŋgô yom dau ŋawaê, ma ŋatô gauc gêm bu ŋgacsêŋom dinaŋ oc mbac ndu dom. Magoc Yisu ndê yom hêganôtŋ ŋgacsêŋom dau mbo tali-ŋga lec dom. Iŋ sôm bu, “Aö bu wakêtŋ iŋ mbo tali e wambu wameŋ, naŋ aö neŋ gêtŋ.”

Yom ndic bata-ŋga

²⁴Iŋ ŋgacsêŋom dau dinaŋ dec hoc yom hoŋ dindec asê, ma to sip bapia dindec. Ma yac aŋyalê bu iŋ ndê yom iŋ yom ŋandô eŋ. ²⁵Yisu kôm gêtŋ daêsam ma daêsam andô naŋ ŋamiŋ yêc bapia dindec dom. Yac bu aŋsahê bu ato yom sip bapia, pi gêtŋ hoŋ naŋ Yisu kôm, mboe yom dau oc nem bapia nom-ŋga hoŋ ahuc.